

UNIVERSITARIA

BIBLIOTECA

D
e
27

ALESSANDRINA

ROMA



DE NOBILITATE
EIVSQUE ORIGINE,
ET DE RECTA
FORMA REGNANDI
AD PRINCIPES LAICOS,
AC DE LAUDABILI SVBDITORVM
obseruantia erga Principem,
THEOREMATA.



AUCTORE

F. ANGELO PETRICCA A' SONNENO, Ord. Min. Con. S. Fr.
S. Theol. Doctore: olim Vicario Patriarchali Constant. & S. Congr.
pro emendatione Euchol. Græc. Theol. nunc S. Cong. Indicis Conf.

Romæ, Typis IGNATII DE LAZERIS, 1659.
Superiorum permissu Opus auctoris quantum.

Ex Dno R. P. D. Jos. Emmanuelis Villanij.

RECEIVED
JAN 10 1915
U.S. DEPT. OF AGRICULTURE
WASHINGTON, D.C.

အိန္ဒိယ, ဟိမဝင်တောင်

2015年12月31日

20. 6. 1959

١٠٨



EMINENT.^{MO} AC REY.
PRINCIPI
D. FLAVIO CARD. CHISIO;
S.^{MI} D. N. ALEXANDRI PAPAE VII.
NEPOTI.



Pvs hoc, quod
nobilitatis na-
turam ac origi-
nem, & rectam

regnandi, obsequendique
formam cōplectitur, Tibi
duplici iure offerendum
fuit Princeps Eminentis-
sime : & quia propria , &
Maiorum tuorū antiqua

Lib. 3.
Polit.

nobilitate effulges, & etiã
quia ad regnandi munus
assumptus, in maximis di-
iudicandis negotiis, pru-
dentiã, quæ iuxta Philos.
est propria Principis vir-
tus, summa cum humani-
tate iungis: quod equidem
Te in Christiano Orbe
valde laudabilẽ instituit.
Altera causa est, vt meam
erga Te obseruantia quo-
quo modo declararẽ: quæ
ficut erga Sanctiss. Patrem
ac D. N. cum Cardinalis

Per-

Personā gereret, in me vi-
guit, sic æquè mihi suadet,
vt Te itidem Dñm ac Pa-
tronū impetrare perquirā.
etenim illius hæres fuisti,
postquam Diuina dispo-
nente clementia ad Pon-
tificatus apicē assumptus
fuit. Neq; enim hoc opus
in Patroni sinum cōfugit,
vt erudiat: quia aquis non
eget Oceanus: sed vt ex
clarissimo Tuo nomine
splendorem trahat. Peto
igitur maiorē in modum

vt

vt meum quaecunque in
Te studium boni consu-
las , & hoc quicquid est
muneris , libēti animo sus-
cipias. Nam magnorum
Principum non minus est
libenter parua accipere ,
quā magna dare. & Deus
O.M. Te quāmdiutissimē
Ecclesiæ suæ incolumen
seruet. Romæ Año Dom.
1659.

Eminentiae Vestræ Reu.^{mæ}

Seruus humillimus ,
FR. ANGELVS A' SONNENO,
Ord. Min. Con.

F. IACOBVS FABRETTVS DE RAVENNA
Art. & S. Theol. Doctor, & vniuersi Ordinis
Min. S. Francisci Conu. Minister Generalis.

Opus inscriptum De nobilitate eiusque
origine, & de recta forma regnandi ab
Ad^m. Reu. Patre Magistro Angelo de Sonne-
no elaboratum, examini ac censuræ Ad^m. R.
P. Magistri Lelij Spadæ Fauentini, Conuen-
tus nostri Sanctorum XII. Apostolorum
Romæ Guardiani demandatum, & ab eo di-
ligenter recognitum; cum ex eius attestatio-
ne liqueat, nihil in eo aduersum esse doctri-
næ catholicæ, sacrivæ dogmatibus, & bonis
moribus, vt imprimatur seruatis seruandis
concedimus. In fidem &c. Datum Romæ 20.
Septembris 1659.

Fr. IACOBVS DE RAVENNA
Minister Generalis.

Fr. BENEDICTVS à C. S. ANGELI
Secretarius & Assistens Ordinis.

Imprimatur.

Si videbitur Reuerendissimo Patri Magistro Sa-
cri Palatij Apostolici.

M. A. Episcopus Hierapolitanus.

Imprimatur.

Fr. Raymundus Capisuccus Ord. Præd. Sacri
Apost. Palatij Magister.

OPE.

OPERV M INDEX.

D e nobilitate in genere.	pag. 1
De nobilitate ex sanguine.	25
De nobilitate ex virtute proueniente.	54
De nobilitate ex beneficentia Principis orta.	70
De nobilitate ex opulencia prodeunte.	86
De nobilitate quæ ex prauis facinoribus habet originem.	93

DVODECIM THEOREMATA

pro recta forma Regnandi.

C ultura Dei.	pag. 109
Iustitiæ æquabilitas.	115
Subditorum Patrocinium & dilectio.	122
Abiectio munerum in Foro iudicij.	128
Ministrorum digna electio.	132
In inquirenda veritate solertia.	136
Subditorum auditio.	140
Alacris beneficentia.	142
Virtutis præmium ac suffragatio.	146
Historica pericia.	148
Circumspecta clementia.	153
Belli iustitia vel cuitatio.	158

THEOREMATA QVATVOR PRO


laudabili subditorum obsequio.

P rompta ac iusta obedientia.	pag. 163
Rebellionis cuitatio.	171
Bonorum operum rectitudo.	178
Reuerentia sine detractione.	192

1

DE NOBILITATE ET EIVS ORIGINE

DISCEPTATIO
IN SEX THEOREMATA DISTRIBVTA
THEOREMA PRIMVM:
DE NOBILITATE IN GENERE.



ENVS hominum in No-
biles & Ignobiles partiri,
cum in scripturis sanctis do-
ceat nos Dominus, dicente

Isaia; Tumultuabitur ignobilis contra Cap. 3.
nobilem. & Iob; siue nobiles fuerint fi- Cap. 14
lij eius, siue ignobiles. *Vtile & delecta-
bile existimari, Nobilitatis naturam ac
origine[m] interpretari & aperire: Vt qui
laudabili nobilitate clarescunt, non fiant
aliquando improbi: & qui mala nobili-
tate potiuntur, se non laude dignos, imò
vituperabiles agnoscant. & emendentur
hi, qui prauis actibus nobiles sunt: &*

A perse.

perseuerent illi, qui virtutibus illustres,
egregia facta tenent.

Arist. 1.
Post.
tex. 1.

7. Anei
dos.

Verum quia in omni rerum notitia com-
paranda, quid nominis, & quid rei, iux-
ta Philosophorum instituta expedit inqui-
rere: primum quid Nobilitatis nomen ha-
beat, postmodum quid reipsa Nobilitas
inferat, enunciandum erit. Nobilitatis
autem nomen, à verbo Nosco originē habet:
etenim nobilis dicitur homo qui notus est,
seu noscibilis, non obscurus & abiectus,
sed cognitus, clarus, celebris & illustris.
Quo sensu inquit Virgilius: Est locus Ita-
liæ in medio, sub montibus altis, no-
bilis &c. videlicet notus & manifestus: ut
ipse verbis mox sequentibus declarauit di-
cens: Et fama multis memoratus in oris.
Id significatus hoc nomen inuoluit, & præ-
terea nihil.

in Ca-
til. de
Diuin.
Ecc. 10.

Potest enim quis notus & cognitus fieri
ob mala vel præclara facinora: hinc prisci
Sapientes nobilitatem in bonam & malam,
laudabilem & vituperabilem diuiserunt.
Priorem notauit Salustius dicens. Nobili
genere

genere natus. *Cicero*, Nobili loco natus.
 & *Salomon*: Beata terra cuius Rex nobilis est. *posteriorem* verò *Liuius*: Nobilis ille clade Romana locus. *Plautus*: Qui se scelere nobiles fieri nolunt. & *S. Hieron.* Nobilis factus est scelere.

Lib. 9.
 In Rudente.
 In Herulidum.

Veruntamen claritas quæ ex prauis vel bonis operibus oritur, Nobilitatem perfectè non continet nec includit: quia aliunde quàm ex actibus potest homo cognitus, illustris ac manifestus esse: nativo scilicet sanguine, sententia Principis, & Opulentia.

Sanguine, si à parentibus, vel parentum serie, virtutibus longè fulgentium ortum ducat. docuit hoc Hieronymus de Paula Romana scribens: Grachorum stirps, soboles Scipionum iuncta est viro Toxotio, qui Æneæ ac Iuliorum altissimum sanguinem trahit.

tomo 1.
 epi. 27

Principis voluntate atque statuto, ut Tiraq. refert ex Baldo & Bar. dicentibus, huiusmodi nobilitatem qualitatem esse, illatam per principatum tenentem,

Cap. 6.

qua quis ultra honestos plebeios acceptus ostenditur. Quod etiam sacra Hester narrat historia de Mardocheo, regali decore
 Cap. 6. illustrato: Sic honorabitur, inquit, quemcunque Rex voluerit honorare. Idemq; scribit Plinius in Panegirico. Cæsaris esse ut nobiles conseruet & efficiat. Quod de Principe generatim intelligendum est: siue sit is qui tenet omnium dominatum
 lib. 1. & 2. Reg. Deus, qui quandoque dignitates & nobilitatem constituit: nam Saul & Dauid titulo regio, proindeque nobilitate insigniuit. siue homo sit, qui ceterorum hominum gerit principatum.

Et opulencia: quoniam diuitiarum affluentia notum & æstimatione dignum hominem reddit. Quia scriptum est: Pecuniæ obediunt omnia: & Horatius: Et genus & formam regina pecunia donat. Idcirco quinque nobilitatis principia necessario statuenda sunt: sanguis scilicet, Virtus, Vitium, Sententia Principis, & copia diuitiarum. Sic enim si dixerimus, ad Nobilitatē perspicuè inspiciendam, amplam aperiemus viam. Nunc

Nunc verò Nobilitatem perfectè diuisam, quid sit secundum rem, & ex sui natura, oportet definire. Est autem Nobilitas quæ facit hominem excellere cæteros notitia & æstimatione. & homo nobilis ille est qui notitia & æstimatione pollet. Nec definitio nobilitatis, quam Aristoteles & Boetius tradunt, hic accommodanda est: cum de ea in genere nunc disputemus. Prior enim inquit, esse Maiorum claritatem, & honorabilitatem primogenitorum. Posterior autem, quandam esse laudem de meritis parentum venientem. Vterque autem de Nobilitate in specie, nempe ex sanguine, hæc pronunciaſſe dicendum est: quoniam exploderent præcipuè nobilitatem ex virtute & vitio provenientem, de qua Gregorius Nazianzenus & ceteri etiam Ethnici Sapientes differuerunt. Idæoque definitionem quam supra pronunciauimus, nobilitatique in genere dedimus, peritus Lector assumet. Illa enim quemcumque nobilem ab ignobili ſeiungit, & ad ſuas ſpecies,

l. 2. Res

Orat. in
Maxi-
mum.

aque descendit : quia omnis huiusmodi nobilitas hoc commune habet , ut nobilem ab ignobili diuidat in notitia & aestimatione , quae sunt partes primae ac propriae nobilitatis in genere sumptae .

Si quis autem sibi persuadere voluerit , veram nobilitatem non nisi eam esse quae ex Maiorum claritate , & honorabilitate progenitorum , ac parentum meritis fluit & prouenit : & nobilitatem ex virtute vel facinoribus ortam potius esse notionem quam veram & propriam claritatem , maxime errat . redarguitur enim huiusmodi opinatio sacrorum ac ethnicorum eruditissimorum Virorum sententiis , qui de Nobilitate ex propriis cuiusque actibus orta , haec docuerunt , quae nunc recensentur .

Stobaeus
Ser. 84.

Democritus interrogatus in quibus nobilitas consisteret , respondit : Pecudum nobilitas in bono validoque corporis habitu sita est , hominum autem in bonitate morum . Antisthenes virtute praeditos eosdem & nobiles dicebat : Habent enim , inquit , id vnde vera nascitur nobilitas .

Laertius
lib. 6.

Lycur-

Lycurgus : Nec nobis ò ciues nobilitas & ductum ab Hercule genus proderit , nisi omni studio & opera illa ipsi gesserimus , per quæ ille mortalium omnium clarissimus ac generosissimus extitit. Plut.in
Lacon.

Cicero : Pulcherrimum nobilitatis genus est , quam sibi quisque propriis virtutibus conciliat . *& alibi* : Satius est meis gestis florere quàm maiorum opinione uti : & ita viuere , ut sim posteris meis nobilitatis initium , & virtutis exemplum . Plut.in
apoph.
Rom.

in orat.
contra
Sallu-
stium.

Seneca : Nemo altero nobilior , nisi cui rectius ingenium & artibus bonis aptius &c. *& alibi* . Bona mens omnibus patet : omnes ad hoc sumus nobiles. nec reiicit quemquam Philosophia nec eligit : omnibus lucet . Patritius Socrates non fuit . Cleantes aquam traxit , & rigando hortulo locauit manus . Platonem non accepit nobilem philosophia , sed fecit . Quid est quare desperes his te posse fieri parem ? omnes hi maiores tui sunt , si te illis geris dignum . lib.3.de
Benef.
cap.28.
lib. 1.
Episto.
ep. 44.

Gregorius Nazianz. nobilis Cappadox, Athenis omni disciplinarum genere eruditus, cuius germanus frater Casarius à Constantino Imp. in senatum cooptatus fuerat, & à Iuliano Imp. apostata nuncupato, custodia thesauri factus est Præfectus, ut Card. Baronius scribit, hæc de nobilitate profert. Est enim ferè triplex generis consideratio: aliud enim supernè originem traxit, quo omnes peræquè nobiles sumus, quippe ad imaginem Dei creati &c. Aliud à virtute vel vitio agnoscitur, cuius vel vberius vel exilius participes efficimur, prout opinor diuinam imaginem vel conseruauerimus vel deformauerimus ac deprauauerimus: atque hanc demum nobilitatem amplectitur quisquis verè sapiens ac philosophus fuerit.

Anno
Christi
362.
Orat. in
Maxim.
mum.

Tom. 3
lib. 2.
in euā.
Lucæ
cap. 3.

Ambrosius, sanctitate, sanguine & doctrina clarus. Admonentur claritatem sibi magis operis, quam nobilitatem generis vindicare, quod nulla in successione prærogativa sit, nisi fidei adstipuletur

puletur hæreditas. *Hieronymus*. Nescit religio nostra personas accipere nec conditiones hominum, sed animos inspicit singulorum: seruum enim & nobilem de moribus pronunciat &c. Summa apud Deum est nobilitas clarum esse virtutibus &c.

Tom. 1.
ep. 14.
Celan-
tiam
cap. 1.

Chrysostomus vir *Ambrosio* non dissimilis. Melius est, inquit, de contemptibili genere clarum fieri, quam de claro genere contemptibilem nasci. Qui enim de claro genere clarus nascitur, gloria claritudinis eius, non est folius, sed communis videtur: qui autem de contemptibili genere clarus egreditur, tota gloria claritudinis eius folius est &c. Ideo melius est ut in te glorientur parentes, quàm tu in parentibus glorieris.

inMat.

Isidorus Pelusiota: Vera nobilitas à probis moribus nata est, firmaque & stabilis dignitas virtute comparatur.

Plautus: Pulchrius est nobilem virtute fieri quàm nasci.

Sententia igitur quam de Nobilitate pro-

lib. 2.
ep. 191.
inMer.

protulimus, quæ ex propriis actibus possidetur, innumeris Sapientum firmatur testimoniis: quæ ne beneuolo Lectori molesta sint, minimè afferuntur: quia quæ allata fuere, exploratam pariunt intelligentibus fidem. De vera itaque nobilitate illi solum gloriari non licet, qui eam ex sanguine obtinet.

Huic tamen doctrinæ, et Nobilitatis partitioni, ac definitioni quam tradidimus, sicut olim nonnulli, sic nouissimè occurrit Hieronymus Osorius Lusitanus, qui lib. 2. de nobilitate ciuili, non aliam agnoscit veram nobilitatem quam sanguinis seu generis atque prosapiæ. sic enim habet. Poterit igitur aliquis homo nouus existere omni virtute cumulatus, qui ita versetur in studio dignitatis, vt inter omnes excellat: quia tamen in ea gente primus numeratur, non erit in numero nobilium. Postquam verò in ea familia multi exemplis illius incitati, in gloriæ cupiditatem incubuerint, tum demum elucere incipiet illud nobilitatis lumen. Primus igitur
 gene-

generosus & magnificus, non tamen nobilis appellari solet. Vt igitur vnum, non numerum, sed numeri principium dicimus: sic illum primum, omnibus summis honoribus dignissimum, non nobilem, sed auctorem & principem nobilitatis existimamus &c. Est ergo nobilitas Genus maximis virtutibus excultum.

Errorem huiusmodi, non paucis hominibus omni tempore placitum, proprijs eiusdem Doctōris dictis, & insuper rationibus refellam. etsi præmissis ac prænaratis sacrorum & Ethnicorum sapientum sententijs fuerit redargutus. Ad demonstrandam autem huius opinionis leuitatem, verba quæ in suo Opere, ultimo loco protulit, primò assumere liceat. Mihi enim, inquit, satis est demonstrasse, id quod etiam fortasse sinè vilius explicatione satis apertum est: omnem generis splendorem, & familiæ claritatem, à fonte virtutis ortum habuisse. Hoc idem etiam repetit pag. 330 his verbis. Id tamen dissertui, plurimum instrumenti nobilitatem

tatem habere ad dignitatem : cuius tamen omnis ratio est à virtute petenda. *Et pag. 294. inquit.* Est igitur nobilitas dignitas generis , in quo maximæ virtutes extiterunt , vitæ communi salutare & commodæ.

Si nobilitas familie à fonte virtutis ortum habet Osori , quomodo fieri potest , ut virtus eam primò habentem non nobilitet ? *Albedo facit parietem coloratum , igitur* & *albedo est color ; aliter coloratum nequit constituere : sic à pari : Virtus nobilitat familiam , ergo simili modo ipsa sic clara est , ut omnem se possidentem nobilitet : sicut albedo etiam primum parietem quem dealbat , coloratum constituit , sic virtus adhuc illum , qui primò eam obtinet , nobilem reddit .*

Itidem , homo quia homo est , generat hominem & non Brutum : ergo si virtus , ut ipse fateris , fons est nobilitatis , nobilem ubi aderit constituet : at primus familie seu Generis tunc magna fulget virtute , igitur & magna nobilitate clarus erit .

Deinde

Deinde exemplo numeri, quod pro hac tua opinatione probanda attulisti, Ofori, te ipsum destruis, & primum familie virtute clarum, nobilem volens nolens instituis. Sic enim dicis. Ut igitur vnum, non numerum, sed numeri principium dicimus: sic illum primum omnibus summis honoribus dignissimum, non nobilem, sed auctorem & principem nobilitatis existimamus.

Sed causam expendamus, quare vnus non sit numerus: ratio procul dubio est, quia numerus est multitudo, teste Calepino, & numerus plures habet unitates, quamobrem vnus nequit esse plures: quia si plures, non vnum. nihilominus unitas quæ est principium numeri ad idem genus spectat quantitatis discretæ, sicut numerus, vt docet Arist. 5. Meth. Idcirco contra arguentem sic concludit obiectio. Sicut vnum non est numerus, & tamen pertinet ad quantitatem discretam, sicut numerus: Sic nobilitatis principium est de genere nobilitatis, & nobilem item constituit. Tunc
enim

enim ratio ista tua verum inferret, si valeret scilicet hæc positio. Vnum est principium numeri, qui est species quantitatis discrete, & tamen non spectat ad hanc speciem quantitatis: sic virtus est principium nobilitatis, & nihilominus nobilem non instituit. Sed positio hæc falsa est, sic & sequela quam inde trahis. Posita ergo iuxta verum sensum paritate, sic contra arguentem exemplum illud concludit. Sicut unum non est numerus, & pertinet ad quantitatem discretam sicut numerus: sic virtus quæ est etiam per Osorium principium nobilitatis, nobilem itidem constituit, etsi tunc tantum in primo alicuius prosapie reperiatur. hic est rectus differendi modus, ut Lectori patebit.

Præterea, inquit Osorius, Primus igitur generosus & magnificus, & omni virtute cumulatus, non tamen nobilis appellari solet. Quid est hoc? Vir generosus & magnificus ac omni virtute cumulatus, quia primus est in aliqua stirpe non
est

est nobilis? & quibusnam vocibus aptius
quàm his, vir nobilis describi potest?
Maximè erraret, si quis diceret, Primus
inter homines albos, non est albus, quia
primus. sic à simili. Addo: in fine Operis
sui Osorius hanc litem reuult decidere. An
sint anteponendi qui nullo domestico
exemplo incitati, famam tamen virtu-
tis egregiæ consecuti sunt, an illi potius
qui gloriam maiorum virtute quæsitam
omnipectore conseruant? est enim, in-
quit, quæstio anceps, cuius vtraque pars
potest probabili ratione defendi. tandem
subdit. Relinquitur ratio sanè difficilis
ad indicandum vter alteri sit præfere-
ndus &c.

Perpendat quæso mecum Amicus Le-
ctor huius viri doctrinam: Famam, in-
quit, virtutis egregiæ consecuti sunt: ergo
homo virtute egregia famosus, non est de-
nunciandus nobilis, quia primus in illa
familia? Ratio ergo prioritatis, quæ ma-
ius indicat meritum, virum nobilitatis
titulo indignum reddit? Hoc non est more
Sapient.

*Sapientum differere , sed verbis ludere ,
atque nugari .*

*Insuper : si primus in familia , virtute
egregia famosus , per Osorium , non est no-
bilis , quomodo cum nobili poterit equipa-
rari , ut per arduum sit litem decidere ? pro-
bata enim Osorij opinione , facile esset hanc
ferre sententiam : nam homines nobiles his
qui nobilitate carent proculdubio sunt an-
teponendi : unde queso ista difficultas ?
Sed hanc questionem Osorius noluit referre
fideliter , eo modo quo à pluribus Sapienti-
bus agitur . Lis enim hæc est , an sit ma-
ior nobilitas , quæ primò præclaris facinori-
bus obtinetur , an ea quæ ex gestis Maio-
rum possidetur . vel , An nobilitas sanguinis
præcellat nobilitatem virtutis . Bonus autem
Osorius , ut primum in virtute nobilitate
exuat , varijs & minimè aptis verbis eam
referre voluit .*

*Tandem ad idem demonstrandum hoc
argumentum accedit . Reges ac Imperato-
res plurimi extiterunt , qui ob virtutem
egregiam , etsi ex nobili prosapia non pro-
deuntes ,*

deuntes , præfatam obtinuerunt dignitatem. Patet hoc 1. Reg. de Saul, & David. Item de Antipatro magni Alexandri successore , teste Seneca epist. 108. ad Lucillum : Archelao Macedonum ; Arsace Parthorum ; Cambise & Dario Persarum : Mida Phrygiæ : Ptolomeo Aegypti , & alijs pluribus Regibus , ut veterum historias legentibus patet. Secundò ut à Romanis sermonem protraham ; Tarquinius Priscus eorundem Rex celeberrimus à patre mercatore originem habuit , ut testatur Val. Max. lib. 3. cap. 4. itidem seruius Tullius qui eidem in regno successit. Augustus vir laudatissimus ex quo prodijt argentario , & ex patre adstipulatore , ut Cicero ad Q. fratrem , et Suetonius in vita illius cap. 2. et 3. scribunt . Vitellius sui generis authorem hominem libertinum habuit , ut idem Suetonius in vita illius cap. 2. tradit. Traianus neque ex claro ortus est genere , qui tamen Romani imperij fines maximè auxit , à Nerva ob virtutem , non ob genus adoptatus est , ut Dion

B habet

habet in vita illius . Pertinax optimus Imperator ex auo seruo, et patre libertino, qui negotiationem lignariam & tabernam coctiliciam in Liguria exercuit, originem habuit, ut tradit Iulius Capitolinus . Et ut breuitati studeam : Galerius , Maximus , Pupienus , Balbinus , Philippus , Aemilianus , Aurelianus , Probus , Bonosus , Diocletianus , Licinius , Maximianus , Valentinianus , Iustinus , Leo , Basilius , & alij plures Romanorum Imperatores , ex humili stirpe , & parentibus ignobilibus ortum habuerunt . & similiter plures Romani summi Pontifices ex ignobili prosapia nati referuntur , qui ob animi celsitudinem & egregias virtutes ad illud assumpti fuere fastigium .

Licebit ergo Pontifices summos , Orbis terrarum Imperatores , & Reges plurimos non denunciare, nobiles , quia primi fuerunt in propria familia viri egregia virtute pollentes ? prudens Lector edicat . Quid absurdius , quam nobilitatis titulo exuere Viros egregios , Reip. & Orbi vniuerso
vi.

utilissimos, hac sola ratione, quia primi fuerunt in sua familia præclari atque famosi? Aptius fortè fuisset asserere, Viros huiusmodi, posteris suis nobiliores fuisse, quia primi: quàm eos Nobilitatis decore priuare.

Verum enimverò quemadmodum omni tempore in Orbe terrarum liuor & adulatio viguit: Sic semper apud plures, huiusmodi opinatio patrociniū obtinuit. Nam ad blandiendos nobiles ex stirpe, & deprimendos viros, virtute clarissimos, has voluerunt nugas hominibus diuulgare. Sed de his hæcenus: in sequentibus theorematibus ad rem plura subnectam.

At quia Nobilitatem definientes, eam notum constituere hominem pronunciauimus: & nihilominus veteres sapientes inter notum & nobilem aliquando posuisse discrimen comperimus: etenim Cicero notum à nobili sæpè seiunxit, & præcipue in Orat. pro L. Flacco: Cæteri, inquit, homines apud nos noti, inter suos nobiles: & Seneca lib. 3. de Beneficiis ait. Qui

imagines in atrio exponunt, & nomina familiæ suæ largo ordine & multis illigata flexuris in parte prima ædium collocant, noti magis quam nobiles sunt. *Quamobrem ad omnem euitandam æquiuocationē, scrutari oportet quæ nam sit inter utrumque dissimilitudo.*

Perpendens autem Virorum doctrinam prefatorum, ad commendandam nobilitatem ex virtute prouenientem ea dicta fuisse animaduerti: nam notus potest quis fieri copia diuitiarum, Maiorum claritate, vel munere Principis: sed si redundet ignauia, & propria virtute caruerit; cuius excellentia verius nobilitatis initium omni tempore fuit, notus potius quàm nobilis denunciandus erit. Hinc Ethnici veram ignorantes Deitatem, eos qui olim magna virtute floruerant, Deos nuncupare, statuasque illis erigere, quod est nobilitatis insigne, voluerunt. Et ex Deorum progenie descendere gloriabantur qui nascebantur ab illis. ut Damascenus notauit lib. hereseon circa initium. nature lumine animaduertentes,

rentes, illam veriore[m] esse nobilitatem, quæ ex aliqua non vulgari, sed egregia virtute procedit.

Et quemadmodum nobilitas de rebus pluribus improprie dicitur, ut de leonibus, imò de fructibus terræ, & de gemmis, quæ iuxta genus suum aliqua pollent præstātia; sic quasi improprie nobilitate gaudent, qui à nobilibus orti parentibus præter animi abiectionem, omnis prorsus sunt virtutis expertes: quapropter noti magis quàm nobiles dicendi videntur. & iuxta hunc sensum priscos sapientes inter notos & nobiles posuisse discrimen, ex his constat, quæ idem Seneca lib. 1. epistolarum epist. 44. addidit. Quis ergo, inquit, generosus? ad virtutem bene à natura compositus: hoc vnum est intuendum. alioqui si ad vetera reuocas, nemo non inde est, ante quod nihil est. à primo mundi ortu vsque in hoc tempus perduxit nos ex splendidis sordidisque alternata series. non facit nobilem atrium plenum fumosis imaginibus. nemo in nostram gloriam vixit:

nec quod ante nos fuit, nostrum est. Animus facit nobilem, cui ex quacumque conditione supra fortunam licet surgere. *Enimverò si quis ex nobili sit ortus progenie, careat tamen animi generositate & virtutibus, & vilis viuat atque abiectus, non nobilis, sed notus erit appellandus, quatenus ceteris hominibus ex nobili ortum esse prosapia, manifestum est.*

Sed quia de nobilitate generatim sumpta in presenti theoremate disceptamus: dimissa illa quæ à virtute emanat, de qua theoremate tertio differemus: de ea ut suis speciebus est communis, enunciare oportet. Hæc autem variis nominibus à veteribus & recentioribus sapientibus nominata fuit. nam nobilis dicitur aliquando illustris, clarus, splendidus, sublimis, insignis, altus, inclytus, famus, &c. Et sicut nobilitas in bonam & malam partem sumpta olim fuit, ut operis initio dictum est: sic iuxta utrumque sensum his vocibus nobilitatem explicarunt. etsi nunc temporis eò deuentum sit, ut nobilitas solum pro ea, quæ laudabilis est,

est, sumatur; & ille nunc denunciatur nobilis, qui ceteros virtutibus, diuitiis, *sua aut maiorum dignitate præcellit.*

Consimili modo nobilitas quandoque summi translata solet, ad alicuius rei excellentiam exprimendam: sicut etiam, quia contrariorum eadem est disciplina, ignobilitas pro quacumque rerum vilitate denotanda accipitur; ut apud Virgilium *egloga 9.* legitur. Si valeam meminisse, neque est ignobile carmen. Hæc autem translatio non tantum voci Nobilitatis, sed ferè omnibus rebus accidit. Quod duplici causa euenit: vel Orationis ornandæ, aut vocum inopia: quemadmodum Cicero de optimo Oratorum genere monuit.

Illustrium autem hominum non est equalis nobilitas: quidam enim simpliciter nobiles, ceteri verò Domi nobiles dicuntur. meminit horum Cicero pluries, præcipue *act. 5. in Verrem.* Pillenus, inquit, Herbitensis, homo & disertus & prudens, & Domi nobilis. & *Salustius in Catilina.* Ad hæc multi ex *Coloniis municipiis Do-*

mi nobiles. Primi illi sunt qui legibus
 & moribus omnium gentium nobiles de-
 nunciantur, & ubique fulgent; idque ob-
 tinent, quod apud omnes Nationes digni-
 tatē habet. Sed Domi nobiles hi nuncupan-
 tur, qui apud suos nobilitate gaudent, apud
 externos minimē: etsi aliunde commendabi-
 les sint, & gratia digni: nihilominus pri-
 uato tantū peculiarique suae gentis more
 aut statuto, nobiles agnoscuntur. ita Tiraq.
 cap 37. ex doctrina Arist. lib. 1. polit. c. 1.
 eruditē refert.

Sed priusquam ad Nobilitatis species
 progrediamur, hoc mihi congruenter prae-
 mittendum videtur: Arduum scilicet esse,
 de nobilitatis natura, ob varias hominum
 excogitationes ac opiniones disceptare, ac
 ferre sententiā. complures enim doctores
 virtuti soli munus tribuunt nobilitandi:
 cæteri adulatione decepti, sanguini cum
 diuitiis illud tantū concedunt: & tanta
 est varietas opinantium, ut quidam ira,
 siue liuore ducti, etiam contra sanguinis
 nobilitatem insurrexisse videantur. Et in-
 super,

super, reliqui decreta Principum in re huiusmodi spernunt, & Opulentiam. Inter varias huiusmodi opiniones, & meam inserere volui. Fasco autem me nulla animi passione, nec adulatione, nec ira, ad hanc proferendam sententiam impelli, sed solum veritatis indaganda causa differuisse. Quamobrem ut potui, rem hanc accurate consideravi: & vetustam sanguinis nobilitatem commendare; & novam ex virtute provenientem laudare, & insuper Principes eam iure distribuendi, ad Regnorum utilitatem atque decorem, non exuere; nec Opulentie splendorem obtinere, nec deprimere; sed unicuique gradum suum ac dignitatem distribuere æquum esse percepi. Sanæ mentis iudicio, hanc meam committo sententiam.

THEOREMA SECVNDVM.
De Nobilitate ex sanguine.

Sanguinem in hoc Capite non accipimus ad solum humorem calidum & humidum intra venas hominis existentem
signi-

significandum. nec quatenus substantiam in ærario contentam translatè innuit: de qua Cic. in Verrem inquit: Quæ cum de Populi Rom. victu, de vectigalium neruis, de sanguine detraxisset ærarij. neque ut ad vires denotandas assumitur: ut idem Cic. ad Att. lib. 4. scripsit. Amisimus mi Pomponi omnem succum & sanguinem. Sed pro progenie & prosapia; iuxta quem sensum Virgilius inquit. Sed fore qui grauidam imperiis belloque frementem Italiam regeret genus alto à sanguine Teucri, Proderet &c Et Cicero pro Rosc. Amer. Magnam vim, magnam necessitatem, magnam possidet religionem paternus maternusque sanguis &c. Sumitur itaque pro parentibus, auis, proauis, atque Maioribus, qui virtutibus, diuitiis, vel dignitate clari, filiis nobilitatem cum vita transfundunt.

Hæc sanguinis nobilitas eo maior, quo antiquior: quia tunc ex plurium hominum præstantia nascitur. & Basilii magnus serm. de Ieiunio, antiquum esse testatur
Pro-

Prouerbiū: Omne per antiquitatem fieri nobilius. Sed priusquam de hac nobilitatis specie qua dicenda sunt proferamus, quid ipsa sit enarrandum est. Aristoteles & Boetius antecedenti theor. citati, Maiorum esse claritatem & honorabilitatem primogenitorum, seu laudem de parentum meritis venientem, pronunciauerunt. Quam definitionem ut aptiorem reddamus: Dicimus illam esse quæ facit hominem excellere cæteros notitia & æstimatione, ob parentum & Maiorum claritatem. hæc definitio iuxta Philosophorum regulas genus nobilitatis inuoluit, quod notitia & æstimatione exprimitur: & à cæteris nobilitatis speciebus, ratione claritatis à parentibus & Maioribus acceptæ, specificam habet differentiam.

Cumque, ut dictum est, à pluribus descendat Viris illustribus, ad excelsa exequenda opera, ad generositatem & magnanimitatem exercendam, aptiora habet naturalia munera huiusmodi nobilitas: quia ex illis progreditur qui carnem cum sanguine

cap. 10. *guine ex optimis cibis genitam habent : & insuper diligenti educatione sapientum indefinenter eruditi fuerunt . Quamobrem Plato in 1. lib. Alcibiadis . ut refert Tiraq. inquit . Consentaneum esse meliores esse naturas ex nobili genere , quàm ignobili.*

ib. 3. *& Aristoteles ait . Nobilitatem ob id in*
 cap. 8. *honorem haberi , quia consentaneum est ex melioribus ortos , esse meliores . equum quippe est existimare probum ex probis , & benè educatum in probum virum euasisse . Insunt enim in ingeniis Nobilium ex sanguine , præter subtiles ac puriores vitales spiritus , semina quedam innata virtutum , quæ nisi à superueniente voluntaria prauitate oblidantur , ad præclaros actus obeundos magnam præbent promptitudinem . ratiocinationem hanc Aristoteles comprobare videtur , qui referente Laertio , tria ad solidam parandam sapientiam præcipuè esse necessaria docuit : Naturam , Doctrinam , & Exercitationem : quia inuita Minerva , & ingenio refragante , frustra etiã in rebus minimis laborabis . Nobiles autem ex san-*
guine ,

l. 5. c. 1.

guine, nisi aliunde præpediantur, naturam aptiorem & ad sublimia facta sectanda promptiorem, magisque propensam obtinent. ideoque sapientes sunt atque prudentes, & præclaris operibus fulgent, vel fulgere tenentur.

Quod etiam historica veritate satis demonstrari potest. De Cyro enim puero referunt, fuisse in desertum missum, ut ibi fame vel Feris necaretur, quem cum Astiages Princeps Pastorum Regis Medorum fortuito reperisset, misertus illius, pastoribus ovium nutriendum ac educandum tradidit: verum cum filius esset Mandantis clarissimæ fæminæ, Persarum scilicet & Medorum Regis filia, factus prouectioris ætatis, inter pastores regiam exercebat potestatem, velut iudex illorum: tandem cognitus, post varios casus, Persarum regnum obtinuit: urgebant enim illum, ut regia inter pastores uteretur forma, scintille regie claritatis, quæ in carne & sanguine eius, à natura insitæ fuerant.

Tarca.
lib. 8.

Eadem de Romulo & Remo primis condito-

Tarca.
l. 5.

ditoribus Urbis historie referunt Romano-
rum. Hic cum infantes essent atque gemelli,
iussi sunt in Tyberim proijci ab Amulio
Numitoris Fratre & Albæ regis, qui ei-
dem imperium præripuerat: sed à muliere
quadam in litore fluminis inuenti atque nu-
triti, Urbis & Regni fundamenta dede-
runt ea animi magnitudine. quæ à sangui-
nis eorum claritate promebatur. & similia
de pluribus aliis sepe leguntur. Quod posita
paritate, de quocunque huiusmodi nobili
iuxta gradum suum denunciandum est.
Sanguis enim nobilis ad præclara, & nobi-
lior sanguis ad præclariora facta conficien-
da propensionem tribuit.

Orat.
32.

Sed ultra impulsus quem posteris hu-
iuscemodi Nobilitas intrinsecus impertit,
suo exemplo, Maiorum scilicet, etiam ex-
trinsecus excitat. idcirco Cicero pro P. Sex-
tio dicebat. Vos adolescentes qui nobiles
estis, ad maiorum vestrorum imitationem
excitabo. & postea. Omnes boni semper
nobilitati fauimus, & quia utile est Reip.
nobiles esse homines dignos maioribus suis:

&

& quia valet apud nos clarorū hominum
 senex de Rep. meritorum memoria, etiam
 mortuorum. *Gesta enim parentum atque
 Maiorum posteros maximè agitant, ut ope-
 ra consimilia persequantur: adeo ut, si se-
 cus eueniat, pro ostento habeatur: quemad-
 modum scripturis sanctis etiam edocemur.*
*Rebellauerant enim à Moysis principatu
 Core, Dathan, & Abiron; quare iratus
 Dominus aperuit terram, & deuorauit* Nu. 16.
*illos cum tabernaculis suis, descenderunt-
 que viui in infernum aperti humo, & pe-
 rierunt de medio multitudinis. Accidit
 autem ut filij Core ad patris contumaciam
 non accesserint, nec illius vestigia tenuerint:
 quamobrem & à subuersione fuerunt im-
 munes. Rem huiusmodi sic illius scriptu-
 ræ textus enarrat. Et factum est grande* Nu. 26.
*miraculum, ut Core pereunte, filij illius
 non perirent. Sed cur spiritus sanctus, qui
 sanctarum scripturarum est auctor, filiorū
 Core constantiam, & à patre dissensum, ut
 grande porientum omnibus obiicit? quia
 scilicet opera Maiorum atque parentum*

non sequi, cum posteros magnopere excitent, mirabile est. Cumque filij Core patris exemplum abiecerint, tanquam grande miraculum proponitur. ergo qui à nobilibus sunt orti parentibus, probi habentur & generosi, quia Maiorum suorum optima gesta sequuntur. Quod etiam Cicero Oratione 39. pro C. Rabirio Postumo retulit dicēs. Cum sit hoc generi hominum prope natura datum, ut laudem, qua fortè aliqua familia floruit, omnes ferè qui ex illa sunt stirpe, cupidissimè persequantur.

Exploratum est itaque filios nobilium ad præclara facta sequenda suorum Maiorum intrinsecus & extrinsecus impelli, qui verò huic sanæ propensione resistunt, eosque imitari negligunt, valde redarguendi sunt; & verbis eisdem, quibus Saluator noster Iudeos impropèravit. Dicebant illi: Semen Abrahæ sumus, & nemini servivimus unquam. quibus Dominus. Si filij Abrahæ estis, opera Abrahæ facite. Quid enim confert parentum nobilitas his qui vilia tenent opera, & præclara facta non.

non sequuntur illorum? imò nobiles huiusmodi, non tantùm ad sic operandum, verum etiam ad minima malè facta vitanda obstringuntur: quia cum honesta auorum & proauorum gesta sectari debeant, si secus fecerint, eorum fama inficietur ubique: quia natura & ratio docent, filios à parentibus, & posteros à Maioribus suis non debere esse degeneres.

Quamobrem iurè C. Marius in Oratione sua, quæ est apud Salustium in *Iugurtha*, Romanorũ antiquis nobilibus, quæ sequuntur obiecit. Atque etiam cum apud vos, aut in Senatu verba faciunt, pleraque oratione maiores suos extollunt, eorum fortia facta memorando, clariores sese putant: quod contra est: nam quanto vitæ illorum præclarior, tanto horum sordidia flagitiosior. Et profecto ita se res habet: maiorum gloria posteris quasi lumen est: neque bona eorum, neque mala in occulto patitur. Enimverò maiorum magnificentia posteros ad sublimia suo fulgore excitat: & inde studium emulandi

C

opera

opera præclariora augeri debet. idcirco degeneres plus dedecoris malè operando acquirunt, quàm hi qui praua facientes, parentum suorum honesto carent exemplo. & insuper, si de magnificis gestis gloriari quandoque liceret, amplius se posset efferre, qui absque suorum maiorum exemplo facta habet nobilium, quàm qui clara ortus progenie, Virorum illustrium inclyta facit opera.

Nihilominus nobili ortus familia ornatam progeniem obtinet, & stirpis decorem habet: quo caret qui soli virtuti innititur, vel nobilitatem ex quocumque alio capite possidet. Testatur hoc Spiritus sanctus Eccles. 3. dicens. Ne glorieris in contumelia patris tui; non enim est tibi gloria eius confusio. gloria enim hominis ex honore patris sui: & dedecus filij, Pater sinè honore. & Prou. 17. Gloria filiorum Patres eorum. Hac enim gloria potiuntur ex sanguine nobiles: & hæc deest cæteris, etsi aliunde gaudeant claritate. Verumtamen illos tantùm nobiles & imperio dignos denun-

nunciare , maximum est absurdum . Hinc factum est , ut decorem vetustæ familiæ , homines magni virtute despicere quandoque visi fuerint : quia multi liuore decepti , virtutem contemnentes , nobilitatem ad solum sanguinem redigere voluerunt . idcirco Sapientes nobilitatem ex virtute venientem , sic aliquando celebrauerunt , ut eam solam esse nobilitatem , dixisse viderentur .

Hoc olim Cicero , Marius , Seneca , cæterique viri clarissimi improbabant . Fatebantur enim se de vetusta non posse gloriari familiæ : sed à serie Virorum nobilium reijci , & magistratibus indignos denunciari , iuste conquerebantur . Refert hoc Salustius de Coniuratione Catilinæ scribens . Ea res , inquit , in primis studia hominum accendit ad Consulatum mandandum M. T. Ciceroni . namque antea pleraque nobilitas inuidia æstuabat : & quasi pollui Consulatum credebat , si eum , quamuis egregius , nouus homo adeptus foret . Sed ubi periculum aduenit , inuidia atque superbia post fuere .

Imò idem Salustius, deinceps inuidia
 tabescens, in Oratione quam habuit in M.
 T. Ciceronem, præter ceteras in quas pro-
 rupit iniurias, Arpinatem reptitium &
 insitum Vrbi ciuem illum denunciavit: &
 coniurationis Catilinae, Consulatum eius-
 dem causam extitisse: & sibi temere verba
 quæ sequuntur asciuisse. ò fortunatam
 natam me Consule Romam. Eodemque
 modo C. Marius etiam Arpinas, vir bellice
 fortitudinis insignis in Oratione quam Ro-
 mæ habuit, (& refertur ab eodem Salustio
 in bello Iugurthino) à Romanorum nobili-
 bus similibus contumeliis affectus est. nam
 homo nouus dicebatur, Maiorum imagini-
 bus orbat, & Magistratu indignus. Ex
 his quæ de his viris clarissimis eo tempore
 ineptè dicta fuerunt, & consimilibus ho-
 minibus omni tempore pariter sæpè dicun-
 tur, factum est ut sanguinis nobilitas sæpè
 ab Ethnicis & sacris Doëtoribus ferè con-
 tempta fuerit, & decor eiusdem nobilitatis
 atque venustas, multorum sit obscurata
 sententiis. Quamobrem sicut decorem &

orna-

ornamentum huius nobilitatis aperimus: & sicut causam depressionis illius apud sapientes enarramus: ita reiiciendo veterum Romanorum dicta contra M. T. Ciceronē, & C. Marium Arpinates, sola virtute clarissimos, hominum huius temporis ineptā dictēria, quæ aduersus nobilitatem ex virtute prouenientem proferuntur, refellemus.

In historia suæ proemio de coniuratione Catilinæ inquit Salustius. Diuitiarum & formæ gloria fluxa atque fragilis est: virtus clara & æterna habetur. Et de bello Iugurthino subdit. Variæ sunt artes animi, quibus summa claritudo paratur. Si virtus ò Romanorum nobiles, summè clarum ac æternum hominem reddit: cur Ciceronem virum prudentem atque doctissimum despiciatis, hominem reptitium & Vrbi insitū appellantes? Si eundem egregium esse hominem in historia de coniuratione Catilinæ fatemini: cur Consulatus quasi pollui videbatur, si nouus homo, etsi egregius, illum obtinuisset? Si Catilina ad exercitum proficisci nolebat, nisi prius dolo Ciceronem in-

terfecisset: quia suis consiliis multum Reip.
 proficiebat, & Catilinæ officiebat, ut eadem
 refert historia: si Senatus animaduertens
 Reip. interitum, Ciceroni necessario Con-
 sulatum tradendum sanciuisset: cur redar-
 guitur postquam Remp. à periculo erit,
 quia dixit: ò fortunatam natam me
 Consule Romam? Sed ex liuore eam ob-
 iectionem nouimus descendisse, dum nobi-
 lem ex virtute, indignum Magistratu de-
 nuntiatis, & de vestrorum numero nobiliū
 exploditis. Dedecet Viros Romanos, &
 cæteros cuiuscumque temporis nobiles,
 ea quæ sibi non cohærent, imò contradi-
 centia pronunciare: & nobilibus ex vir-
 tute fieri aduersos.

Quamobrem meritò Marius in sua Ora-
 tione quam habuit, & Salustius in sua
 refert historia, dicebat. Quod finè iure des-
 piciunt me, faciant idem Maioribus suis,
 quibus, uti mihi, ex virtute nobilitas cœ-
 pit. inuident honori meo: ergo inuideant
 labori & innocentiae periculis etiam meis
 &c. Contemnendo igitur C. Marium, &
 M.T.

M. T. Ciceronem : priscos homines Romanorum similiter despiciant : qui principio nobilitate ex sanguine carentes, sola virtute præclarum vastumque Romanorum fundarunt atque firmarunt Imperium. Turpe equidem est eos spernere qui sunt confimiles Maioribus suis . Illi enim absque prævia sanguinis claritate, sola virtute ac innocentia, bona omnia quibus potiebantur, pararunt. non enim maiores eorum imagines vel triumphos aut Consulatus ostentabant : sed hastas, vexilla, phaleras, alia militaria dona, præterea corporis cicatrices, quibus claritatem meruerunt . Quid ergo dicendum ? eorum maiores, tunc novos, à classe nobilium repellendos, & magistratibus fuisse indignos ? usquequo tendis liuor ? mentem sic excæcas, ut intendens virtutem exuere claritate ac dignitatibus, priscos Urbis patritios qui principium dederunt utrique, verberes contumeliis .

Merito dicebat *Cæsar* in Oratione quam habuit de coniuratione *Catiline*, & ab eodem *Salustio* refertur. Profectò virtus atq;

sapientia maior in illis fuit, qui ex parvis opibus tantum imperium fecere quàm in nobis, qui ea benè parata vix retinemus. Ergo polluitur Consulatus, quia Ciceroni & Mario datur, qui, ut ipsi dicitis, illis similes fuerunt? pudeat in Romano Senatu ista dixisse. erubescant huius temporis homines, similibus verbis contra virtutem insurgere. Detur ergo virtuti, nobilitatis ac dignitatis locus: quia illi maximè congruit.

Confert etiam ad hoc idem probandum referre quod Marcus Cato in Oratione sua de coniuratione Catilinæ, quæ habetur ibidem, coram Senatu protulit. Nolite, inquit, æstimare maiores nostros armis. Reip ex parua magnam fecisse: si ita res esset, multò pulcherrimā eam nos haberemus, quippe sociorum atque ciuium præterea armorum atque equorum maior nobis copia quàm illis est. Sed alia fuere, quæ illos magnos fecere, quæ nobis nulla sunt. Domi industria, foris iustum imperium, animus in consulendo liber, neque delicto
neque

neque libidini obnoxius. Pro his nos habemus luxuriam atque avaritiam: publicè egestatem, priuatim opulentiam, laudamus diuitias, sequimur inertiam: inter bonos & malos nullum discrimen est. omnia virtutis præmia ambitio possidet: neque mirum ubi vos separatim sibi quisque consilium capitis, ubi domi voluptatibus, hic pecuniæ aut gratiæ seruitis. eo fit ut impetus fiat in vacuum Remp. *Quid ergo mirum, si illius tempestatis nobiles virtuti aduersabantur, cum Maiorum suorum carerent virtutibus, imò pro virtute, vitia possiderent? Nobilitas itaque sanguinis eo tempore virtutis expers, virtutem nobilitate & Magistratibus intendebat exuere. Sed hæc monstra sunt atque portenta, quæ sicut tunc virtutem abiecerunt, sic deinde Romanam Remp. perdidit.*

Et ad huius sententiæ clariorem evidentiam, quæ Salustius ibidem de C. Mario scripsit, liceat referre. At C. Marium iam antea Consulatus ingens cupido exagibat:

bat : ad quem capiendum , præter vetustatem familiæ , alia omnia abundè erant : industria , probitas , militiæ magna scientia , animus belli ingens , domi modicus libidinis , & diuitiarum victor , tantummodo gloriæ auidus ita inter bonas artes integrum ingenium breui adoleuit &c. semperque in potestatibus eo modo agitabat , vt ampliore quam gerebat dignus haberetur . *Quid amplius ad veterum atque priorum Patritiorum fortitudinem , cæterasque eorundem virtutes celebrandas poterat enarrari ? plura his non habuerunt Maiores Romanorum.*

Nihilominus nobiles Romani C. Marium Consulatu indignum denunciabant. hinc factum est , vt idem Marius in Oratione quam Romæ habuit , & refertur ibidem à Salustio , multa vetustis nobilibus obijceret vitia , ignauiam , socordiam &c. Equum enim erat , vt qui nobilitatem virtutis despicerent , nobilitatem sanguinis spretam audirent.

*Ablato tamen ac dimisso liuore , & iusto
lato*

lato pro veraque parte iudicio; sanguinis nobilitas gloriam & decorem, & ad sublimia facta propensionem præbet posteris habentibus illam: & nobilitas ex egregia virtute & animi magnitudine proueniens hominem cuiuscunque Magistratus ac dignitatis dignum reddit atque constituit. Et quemadmodum ex vetusta ortus familia, nobilitatem maiore cum gloria possidet: sic qui præclaris operibus & animi virtutibus fulget, etsi gloria careat Maiorum suorum, est tamen in Nobilium serie, & Magistratu dignus.

Senten
tia au-
ctoris.

Aduersus huiusmodi liuorem, qui apud plures Romanorum nobiles tunc præualuerat, ad Reip. damnum euitandum Lex Manlia sancita fuerat: ut Re malè gesta à nobilibus, scilicet ex sanguine, mandarentur nouis hominibus Magistratus, id est sola virtute nobilibus: ut refertur ibidem à Salustio. Nouerat ergo Senatus, minimè utile & laudabile esse, Viros, etsi sola virtute egregios atque claros ab honore Magistratus arcere: & sicut honestum non erat nec utile,

utile, ita neque iustum. Data ergo lex illa fuit; non ad gratiam dandam virtuti, quæ merito innititur; verùm ad corruptelam, quæ inter Romanos Patritios & equites inuauerat, præcauendam.

Verumenim verò ad vetustam sanguinis nobilitatem in claris operibus conseruandam, & ad consulendum eidem, ut à suis Maioribus non degeneret: animaduertendum est naturam mortalium ita sauciatam esse, & ad benè operandum sic esse propter Adæ peccatum euertatam, ut quamuis ex alta quis sit ortus prosapia, & intrinsecus ad præclara operanda excitetur, attamen principio recta indiget Sapientum virorum educatione. Hoc idem Salustius, etsi sceleris Adæ inscius, in proemio historie de coniuratione Catilinæ de hominū natura scripsit. Omnis inquit, nostra vis in animo & corpore sita est. animi imperio corporis seruitio magis utimur: Alterum nobis cum Diis, alterum cum beluis commune est. Quare insita & congenita in virorum nobilium natura, quacunque ad opera egregia

gia propensione: indiget tamen boni educātoris doctrina, & sana exercitatione, ut ad actus animalis vite non progrediatur.

Quod etiam expendens Licurgus qui Poliāt.
ver.ed.
Spartanis siue Lacedemoniis leges condidit, cum conaretur ciues suos à moribus præsentibus ad temperatiorem viuendi rationem traducere, eosque virtutis & honesti studiosos reddere: (nam erant corrupti deliciis) duos educauit catulos, eodemque patre eademque matre progenitos: quorum alterum passus est domi lautioribus vesci cibis, alterum eduētum venatibus exercuit. Deinde cum ambos produxisset in forum apud multitudinem, posuit illic spinas, simul & escas aliquas deliciores: mox emisit leporem, cum uterque raperetur ad assueta, alter ad escas, alter leporem inuadit. Annon videtis, inquit, ciues, duos catulos, cum eiusdem sint generis, tamen ob diuersam educationem admodum dissimiles inter se euasisse, plusque ad honestatem momenti habere exercitationem, quam naturam? Proinde ne nobis quidem,
ò ciues,

ò ciues , nobilitas quam miratur vulgus hominum , ductumque ab Hercule genus profuerit , nisi ea gesserimus , per quæ ille mortalium omnium clarissimus ac generosissimus extitit , ac per omnem vitam , quæ honesta sunt & discamus & exerceamus &c. Res quidem efficax est natura , sed potentior est institutio quæ malam naturam corrigit, & vertit in bonam .

Sed à saniori doctore qui nequit errare , ad hanc veritatem fortiùs erudimur. Etenim Spiritus sanctus Provi. 27. Genus hominum sic admonet. Puer qui dimittitur voluntati suæ , confundit matrem suam. erudi filium tuum , & refrigerabit te , & dabit delicias animæ tuæ. & Eccli. 22. Confusio patris est de filio indisciplinato. cap. 30. Doce filium tuum , & operare in illo , ne in turpitudinem illius offendas. & cap. 7. Filij tibi sunt ? erudi illos , & curua illos à pueritia illorum .

Meritò itaque C. Marius in Oratione quam Romæ habuit, & refertur à Salustio, dicebat. Maiores eorum omnia quæ licebat,

bat, illis reliquere; diuitias, imagines, ^{Debel-}
 memoriam sui præclaram: virtutem non ^{lo Iug.}
 reliquere, neque poterant. ea sola neque
 dono datur, neque accipitur. *Quia etsi*
profapia decorem à suis maioribus nobiles
ex sanguine sumant, & ad inclyta opera
peragenda propensionem: opus autem vir-
tutis, & parentum gesta non habent, nisi
ipsi similia vel illustriora efficiant. imò, ut
præmisimus, nisi posterì diligentiam bonæ
educationis adhibeant, naturalis illa san-
guinis recta propensio facilè cursu temporis
corrumpetur, euertetur.

Aduersus nobilitatem huiuscemodi, de
qua differimus, quæ sanguinis dicitur, Iu-
uenalis satyra octaua insurrexit: aliam non
agnoscens nobilitatem, nisi eam quæ ex vir-
tute procedit. Omnium, quæ ad hoc osten-
dendum enunciat, hæc est summa.

Nobilitas sola est atque vnica Virtus.

Dic mihi Teucrorum proles, anima-
 lia muta

Quis generosa putet, nisi fortia? nem-
 pe volucrem,

Sic

Sic laudamus equum , facili cui plu-
rima palma , &c.

Ergo vt miremur te, non tua, primum
aliquid da

Quod possim titulis incidere præter
honores , &c.

Miserum est aliorum incumbere famæ.
Omne animi vitium tanto conspe-
ctius in se

Crimen habet , quanto maior qui
peccat habetur.

de Ner.
loqui.

Res haud mira , tamen citharedo
principe mimus

Nobilis , &c.

Libera si dentur populo suffragia ,
quis tam

Perditus , vt dubitet Senecam præ-
ferre Neroni ?

Malo Pater tibi sit Thersites , dum-
modo tu sis

Æ acidæ similis , Vulcaniaque arma
capeffas

Quàm te Thersitæ similem producat
Achilles .

Et

Et tamen ut longè repertas longeque
reuoluas

Nomen : ab infami gentem deducis ad Rō.
loqu.
asylo .

Maiorum primus quisquis fuit ille
ruorum ,

Aut Pastor fuit , aut illud quod dice-
re nolo .

*Sed ut hæc omnia refellamus , & nobi-
litem ex sanguine emanantem tneamur :
iuxta formam dialecticam hæc quæ ab illo
obiiciuntur disponemus . Prima ratio hæc
sit . Inter animantia muta non æstimatur
animal generosum nisi quod virium ac vi-
goris habet excessum ; igitur à simili , inter
homines non erit nobilis , nisi qui egregius
aliqua virtute refulget .*

*Secunda : Acta siue gesta magnifica no-
bilitatem pariunt , & hominem fama lau-
dabilem instituunt : at hæc illorum sunt
qui talia operantur : ergo qui ab illis nas-
cantur , si ea acta non habeant , nec nobili-
tatem habebunt .*

Tertia : Plures ex viris nobilibus orti ,

D

ut

ut Nero &c. sunt vitiorum pleni, ergo qui nascuntur à nobilibus, nisi digna opera habeant, non sunt nobiles.

Quarta : Omnis homo sapientia, prudentia, & ceteris virtutibus famosus præferendus est cuicumque etiam ex clarissimo sanguine orto, si virtutibus fuerit expers, & vitiis insuper scatebit: ut de Seneca patet meliore Nerone : ergo nobilitas ex sola virtute procedit.

Quinta : Præstat ex humilibus parentibus nasci, sed ad virtutes pronũ, animumque generosum habere, quàm ex generosis, & vilem animum possidere : ergo nobilitas non ex sanguine, sed ex propria generositate, quam quisque possidet, procedit.

Sexta ratio : Genus Romanorum qui sanguinis nobilitate gloriabatur, à Romulo ac Remo spuris, & ab asylo scelestorum hominum originem trahit : ergo ex sanguine non attenditur nobilitas, sed tantũ ex propriis cuiusque virtutibus.

Huiusmodi rationes, optime Lector nullius sunt roboris, ut eas perpendenti patebit :

bit : etsi ibi stylo satyrico disposita , verum , inferre ostendant . Quamobrem ut eas destruamus , & veritatem quam præmisimus circa sanguinis nobilitatem amplius aperiamus , ordinatim eas resoluam .

Ad primam : negatur paritas , quia in brutis animalibus nullus habetur respectus ad genitores : quod non accidit in hominibus , apud quos viget fama parentum atque Maiorum in filiis . Præterea , gratis admissa obiicientis seu potius maledicentis similitudine , nihilominus hac eadem equiparatione argumentum diluitur . nam si equus ab equo generoso genitus fuerit , & alter ab equo non generoso , prior nobilior sanguine (etsi improprie) erit posteriore . nam homines qui hæc nouerunt , dicent , hic equus à generoso equo genitus est , & alter equus à vili . sic à simili &c .

Ad secundam : dicimus illam confundere & miscere duas nobilitatis species , sanguinis scilicet & virtutis , constat enim acta generosa operantis esse , at hæc ad nobilitatem virtutis pertinet : attamen qui ab

illo ortum ducit, notus est & æstimabilis, quia parentes habuit generosos: quam notitiam & æstimationem non habet qui ex ignotis natus est parentibus.

Ad tertiam. Fatemur nobiles sanguine quandoque carere nobilitate virtutis, & vitiosos esse, ut Nero &c. at quia ex parentibus clarissimis originem trahunt, noti sunt & æstimabiles; qua notitia & æstimatione caret qui ex obscuris parentibus oritur.

Ad quartam: Hæc obiectio quæstionem excitat, An ex solo sanguine nobilis expers virtutibus post habendus sit homini virtutibus ornato, sed ex ignotis parentibus orto, exemplum proponitur de Nerone & Seneca. at hæc quæstio doctrinam de nobilitate ex sanguine, quam tradidimus non inficit. concedimus digniorem esse virum ex egregia virtute nobilem, homine scelesto ex solo sanguine nobili: tamen sanguinis nobilitas inde non destruitur.

Ad quintam. Dicimus, præstare utique virum esse egregium, & obscuros habuisse paren-

parentes, quàm ex claris ac nobilibus nasci hominibus, & vilem habere animum: nihilominus non tollitur ab eo, ex hac vilitate animi, notitia & aestimatio, quam ex claris parentibus traxit: quia notus erit & aestimatione dignus non ob suas, sed parentum suorum egregias dotes: & hæc est nobilitas sanguinis, distincta à nobilitate virtutis, quæ ex propriis actibus pendet.

Ad ultimam: Non negamus clarissimorum hominum antiquum principium humile extitisse: at qui ab illis nati sunt, ob illustria facta nobilitatem obtinuerunt; & qui ab huiusmodi fuerunt geniti, eadem acta sequentes, duplici nobilitate gaudebant; scilicet ex propriis gestis, quæ est virtutis nobilitas: & ex illustribus parentum operibus, quæ nobilitas sanguinis dicitur. Hæc ergo nobilitatis species, inconcussa & stabilis manet.

THEOREMA TERTIVM.

De Nobilitate ex virtute proueniente.

Postquam de Nobilitate sanguinis dis-
seruimus, ad nobilitatem ex virtute
emanantem deuenimus : cuius est hæc de-
finitio. Ea est, quæ facit hominem ex-
cellere cæteros notitia & æstimatione, ob
virtutis decorem. Cuius definitionis partes
esse idoneæ traditas, constat ex his, quæ
premissis capitibus, ad rem hanc dicta fue-
runt. Genus enim habet præfata definitio,
& specificam differentiam.

Solet autem virtus multipliciter usur-
pari, vel ut à vitio secernitur, aliquid
rectum, iustum, ac laudabile significans, de
qua Arist. lib. 1. Reth. sermocinatur. vel
pro animi robore & fortitudine. iuxta quẽ
sensum inquit Lact. lib. de Opificio, Vir no-
minatur, quòd in eo maior vis est quàm
in fœmina, & hinc virtus nomen accepit.
vel pro rei proprietate unicuique insita,
quæ à Philosophis passio solet nuncupari: de
qua

qua Cicero lib. 5. de Finib. inquit. Atqui in sensibus est & sua cuique virtus. *vel pro qualitate, quæ ex frequentatis actibus gignitur, de qua subtilis Doctor 3 Sent. dist. 33. q. unica, lit. B. sic differit* Potest in voluntate ex actibus eius frequenter elicitis, quædam habilitas generari inclinans ad similes actus, & illam voco Virtutem. *vel pro ope & auxilio, de qua Plautus ait. Deum virtute eundem hospitio accipiam. Quandoque pro merito sumi etiam potest, ut idem Plautus dixit. Virtute formæ id evenit, ut te deceat quicquid habeas. Virtutem, ut ad rem venit, nonnisi primo modo acceptam, nunc assumimus. Quod diximus, quia in re quacunque, æquivocæ voces sunt evitandæ, quæ errorem inducunt, & orationem reddunt obscuram. Virtus igitur quæ nobilitatem gignit, circa quam hæc erit disceptatio, illa est quæ aliquid rectum, iustum, ac laudabile, à vitio & defectu seiunctum indicat.*

Hanc Genus constituimus omnium operum laudabilium; scientiarum practicarum

ac speculatiuarum, cæterarumque bonarum artium, quæ eas habentem exornant, & Reip. commodum & utilitatem tribuunt. Scimus enim genus scientiarum speculatiuarum ad virtutes cardinales non pertinere: quia ut Scotus docet 3. sent. d. 33. qu. unica, lit. e. non perficiunt hominem ad benè operandum. nihilominus virtus nunc à nobis sumitur, quatenus etiam scientias speculatiuas complectitur: quia ut infra dicemus, Viri speculatiuis scientiis valde eruditi, & præsertim qui ad Reip. utilitatem illis docendo utuntur, nobiles denunciandi sunt. Quamobrem virtutem sic generatim consideratam, meritò nunc debemus assumere, ut omnia quæ hominem virtute nobilem instituunt, complectamur.

Genera autem virtutum, quæ tamen alia subalterna inuoluunt, quatuor sunt: scilicet Prudentia, Temperantia, Fortitudo, & Iustitia: quæ cardinales dicuntur à cardine, quo Ostium regitur & vertitur: quia sicut Ostium per cardines, sic vita hominum his virtutibus disponitur & perficitur.

citur. *Prudentia* verò ut inquit Cicero 1.
Offic. est rerum expetendarum vel fugien-
 darum scientia. *Et versatur præcipuè circa*
singularia & contingentia, virtutibus mo-
ralibus proprium finem & media præfigēs.
Temperantia secundum eundem lib. 2. de
inuent. Est rationis in libidinem atque in
 amplios non rectos impetus animi, firma
 & moderata dominatio. & 5. *Tuscul.* ait.
 Est moderatrix omnium commotionum.
 sed ut subtilis Doctor monet in 3. d. 34.
 q. unica, de commotionibus concupiscibilis
 intelligi debet, non autem irascibilis; quia
 hoc est munus Fortitudinis. Quæ sic à Ci-
 cerone ibidem definitur. Est considerata
 periculorum susceptio, & laborum perpes-
 sio. vel *Tuscul.* 4. Est rerum perferen-
 darum vel affectio animi in perferendo,
 summæ legi parens, sinè timore. Scotus
 autem eodem loco ait, fortitudinem mode-
 rari irascibilem secundum rectam ratio-
 nem, vel perferendo, unde oritur patien-
 tia: vel iurè & rectè repellendo: unde
 bellicositas, & ius iustè bellandi suam ha-
 bet

bet originem. Iustitia tandem, inquit idem Cic. 5. de Finib. Est habitus animi suum cuique tribuens, atque societatem conjunctionis humanæ, munificè & æquè tuēs. Sed doct̃or subtilis ibidem, sic altiùs de iustitia differit. Est virtus quæ inclinat hominem ad communicandum alteri: & hoc multipliciter, vel ad dandum honestè seipsum: & hæc est amicitie virtus, prima iustitiæ species: vel ad communicandum alteri aliquid extra seipsum: & hinc oriuntur variae iustitiæ species: scilicet distributiva, quæ considerat qualitatem personarum: vel commutativa quæ reddit æquivalens. aut tribuit regimen, aut subiectionem &c. unde plures sunt iustitiæ species, quæ ad rem non veniunt: cum de virtutibus generatim sit nobis differendum.

Verùm quia de claritate peritorum in speculativis scientiis infra dicemus: scientiam speculativam diuidi à Philosophis in Physicam, Mathematicam & Metaphysicam, paucis insinuabimus verbis: plura de his enunciare, extra rem est. hæc autem narra-

narrauimus, quia an, & quando peritus earum nobilitetur ab illis, indicare tenemur.

Virtutem autem sic generatim acceptam, & præclaram ac celebratissimam naturam illius explicantes prisci Sapientes, quæ sequuntur protulerunt. Facultas est, inquit *Arist. lib. 1. Reth* bonarum rerum conciliatrix & conseruatrix, benefica multarum & grandium rerum, atque adeo omnium per omnia. Hæc quamuis in homine mortali insit, est perpetua, dans nomen æternum, mortalitatis immunis; quia etsi omnia orta occidunt, ipsa tamen immortalem reddit hominem, & omni æuo uiuentem: nam virtutis memoria nunquam interitum habet, sempiternis characteribus firmata, fama omnium sæculorum cunctis gentibus innotescit, probatur, commendatur. & sicut semper laudabilis, sic semper ad posteros erudiendos uiuit. cui facilis ac prompta fama venit: & è sursum datur, celestiq; irrigatione perficitur. idcirco accidit homini, ut aliquid immortale mortali. omnia enim,

enim, præter eam sunt fortuna dominationi
 subiecta : hæc autem nec eripi , nec surripi
 potest : neque naufragio , neque incendio
 amittitur , nec tempestatum , siue temporũ
 permutatione mutatur : sed magno pretio
 æstimatur ubique. & sicut anima corpus ,
 sic ista animam viuificat. nec aliquid tam
 altè natura constituit , quod virtus non
 possit eniti. Quamobrem Cicero in epistola
 ad Plancum aiebat. Perge igitur vt agis,
 nomenque tuum commenda immortalita-
 ti: atq; hæc omnia, quæ habent speciem
 gloriæ collecta ex inanissimis splendoris
 insignibus contemne , breuia, fugacia , &
 caduca existima : verum decus in virtute
 positum est , quæ maximè illustratur
 magnis in Remp. meritis. *Et lib. de amic.*
inquit. Nihil virtute amabilius : nihil est
 quòd magis alliciat homines ad diligen-
 dum : quippè cum propter virtutem &
 probitatem eos etiam , quos nunquam
 videmus, quodammodo diligamus. *Viunt*
enim in hominum memoria homines qui
olim magna virtute floruerunt : vel virtus
fuerit

fuerit bellorum, vel scientiarum, vel iustitie in regimine, vel cuiuscumque alterius rei laudabilis ac perutilis. Vnde Plautus in duob. captiu. dixit. Qui per virtutem perit, non interit. & Arist. lib. 1. Ethic. cap. 10. Nulla in re mortalium tanta inest firmitas, tanta constantia, vt in iis rebus, quæ virtute geruntur. & Seneca epist. 75. Virtus regna, vrbes. prouincias temperat: fert leges, colit amicitias, inter propinquos liberosque dispensat officia: modo arcto sine circumdatur paupertatis, exilii, orbitatis. non tamen minor est si exaltatiore fastigio in priuatum, ex regio humilem subducitur, ex publico & spatioso iure in angustas domos vel angulos coit.

Et lib. 2. epist. 85. Non ex ebore tantum Phidias sciebat facere simulachra, faciebat ex ære: si marmor illi, si adhuc viliores materiæ attulisses, fecisset quale ex illa optimum fieri posset: sic sapiens virtutem, si licebit in diuitiis explicabit; si minus in paupertate: si poterit in patria: si minus in exilio: si poterit imperator, si
minus

minus miles: si poterit integer, si minus debilis: quamcunque fortunam acceperit, aliquid ex illa memorabile efficit. & *epist.* 83; Vis Solis & lux integra est, etiam inter opposita: & quamvis aliquid interiaceat quod nos prohibeat eius adspectu, in opere est, cursu suo fertur. quoties inter nubila luxit, non est sereno minor: nec tardior quidem, quoniam multum interest utrum aliquid obstat tantum an impediatur. Eodem modo virtuti opposita nihil detrahunt. non est minor, sed minus fulget, nobis forsitan non æquè apparet ac nitet. sibi eadem est, & more Solis obscuri, in occultu vim suam exercet.

Quis ergo enunciare audebit virtutem se habentem non nobilitare, cum eousque tendat, ut mortalem fulciat immortalitate? Verum quia non eodem gradu ab hominibus colitur, idcirco nec eodem modo nobilitat. Quamobrem sicut inter homines illustres, quidam Domi nobiles, & ceteri absolutè nobiles denunciantur: sic virtus quia multifariam multisque modis ab hominibus

exer-

exercetur, non æquè illos ornat atque decorat.

De speculatiuis ergo scientiis primò sententiam feramus; quæ à numero virtutum quodammodo videntur explodi. his enim homo, etsi valde peritus, non absolutè, sed Domi nobilis erit: nisi illis utatur ad universalis hominum Reip. utilitatem, non solùm ore docendo, sed & typis tradendo eam doctrinam, quæ apta sit ad omnes erudiendos homines: & proinde pluribus Gentibus fiat notus, & ab eisdem æstimatione dignus habeatur. Et quia omnis Qualitas gradibus constat, & suscipit magis & minus: sic nobilitas huiusmodi scientiarum, maior & minor erit, prout peritorum pronuntiabit prudentia: & sua quemlibet re-
cta docebit conscientia.

Eodemque modo de cunctis præclaris facinoribus, atque virtutibus adiudicandum est. erit enim in re huiusmodi communis ac verissima Regula: Illud facinus, eamque virtutem hominem absolutè nobilem constituere, quæ vel ad communẽ

uti-

utilitatem refertur: vel coram omni Rep. fulget, & spectabilis cernitur atque laudabilis. Si autem apud suos tantum quisque hanc claritatem habuerit, Domi nobilis solum denunciari meretur.

Veruntamen hoc est animaduertendum: nullum opus, nullamque facultatem, quae hominem reddit nobilem, eam esse posse, quae vile habet obiectum. quoniam si quis in re agraria, sutoria, sarcinatoria, publicanorum, mercium, & similium adeo excelleret, ut pluribus esset Gentibus manifestus & notus: nihilominus nobilitate non gauderet, quia nihil inde apparet magnificum, generosum, spectabile, & aestimatione dignum. Quare Dionysius Halicarnassaeus, ut Tiraq. cap. 2. refert, veteres Romanos, Romuli instituto, nobiles denunciassse Patricios, quibus munera ciuitatum committebant: ignobilibus autem & plebeis colere agros, pascere pecora, & exercere artes quaestuarias, mandasse: Praecipua autem inter Romuli leges, quae in Capitolio fixae erant, haec fuit. Patres sacra Magistratque

tusque soli peragunto ineuntoque: Plebei agros colunto. Si quis autem aliunde nobilis in suis ruribus aliquid operetur, nil nobilitati aduersum facit: imò hoc modo ex rure postea ad Magistratum, aut Academiam, vel ducendum exercitum, progredi, nobilitati consentit. id enim principio Romani, & cæterarum Gentium Patritij fecerunt. At nil scire, generositateque carere & aptitudine ad opera magnifica, & in solis agris versari, hoc nobilitatem explodit, & ignobilem constituit.

Militia tamen, etsi ut in priuato siue gregario milite cernitur, inter artes numeretur mechanicas: nam in bonarum artium partitione scriptum est. Lana, nemus, miles, nauigatio, rus, medicina, & ars fabrilis: omnes istæ mechanicæ sunt. nihilominus quia sublime habet obiectum, nempe patriæ, pacis, fame, bonorum patrocini-um, & Gentium imperium: si quis generosus miles in arte bellandi, & prudentia commilitones dirigendi excellat: cum notus fiat coram Principe, vel Rep. &

E

est.

æstimatione dignus, proculdubio nobilis
 euadit. eò amplius quia Fortitudinis vir-
 tus ibi fulget, quæ quatenus ad militiam
 pertinet, in recta repulsione offendentis at-
 que nocentis, ut præmissimus, consistit. &
 proinde ex militiæ magisterio, in quo sum-
 ma requiritur prudentia in rectè ducendis
 ac gubernandis exercitibus, oritur maxima
 claritas: nam ut Cicero pro Muræna in-
 quit: Omnia quæ sunt in imperio, in sta-
 tu ciuitatis, ab iis defendi & firmari pu-
 tantur, qui militari virtute antecellunt.
 Salus enim publica in militibus est. quam-
 obrem Cæsar lib. 6. de bello Gall. non minus
 in milite modestiam & continentiam, quàm
 virtutem atque animi magnitudinem desi-
 derabat.

Sed ut ad Virutis commune Genus
 redeamus: Tanta fuit illius æstimatio
 apud priscos terrarum Orbis cultores, ut
 cæleste semen illam adiudicarint. Quapro-
 pter magnæ virtutis Viros ex Deorum se-
 mine procreatos Gentes autumarunt, ut de
 Hercule, Achille, Romulo, Alexandro
 Ma.

Macedone , Scipione Africano , & aliis pluribus , militari virtute , & scientiarũ , vel cæterarum bonarum artium egregia peritia præclaris legimus . nam Athenienses , apud quos præcipuè scientiarum notitia fuit , ista de se olim iactabant .

Tantaque est virtutis excellentia , ut Genus hominum , si sinè Principe fuerit , vel Principem sibi eligere coactum sit , illico aliquem virtute fulgentem , qui ingenio præstet & industria cuncti respiciant : docente illos ipsa hominum natura , ut iis sit parendum , & ij idonei sint ad Vrbes Regnaque moderanda , qui virtute fulgent . Et meritò quidem , nam quis leges ferre pro conseruanda Rep. nisi scientia instructus , erit idoneus ? quis Vrbes tueri , vel Reip. fines dilatare , nisi qui militari arte & virtute munitus fuerit ? pacis & belli tempore Genus hominum virtute regitur & gubernatur : & omne bonum à virtute procedit : sicut omne malum ab his qui sunt virtutis expertes . Quomodo enim gentium lites diiudicare poterit ex quocumque sanguine

guine ortus, si virtute caruerit ad discernendum, & insuper ad resistendum iniquis?

Pro virtute autem Orosius Lusitanus lib. 2. de Nobilitate ciuili pag. 350. inquit. Quid autem inanius est hoc nobilitatis nomine si virtutis ornamenta subtraxeris, atque veræ gloriæ fructum? Virtute autem etiam à generis claritate seiuncta, nihil in vita præstabilius, nihil homini melius, nihil naturæ accommodatius, quæ per se splendet semper, & pulsa loco manet. nec vlllo in tempore potest dignitatis possessione depelli. Tamen Vir iste, & plures omni tempore cum eo, deinde suimet obliti, Virtutem non nobilitare hominem enunciare non sunt veriti: etsi, ut ipsi fatentur, ea per se splendeat semper. contradicentia enim eos prodere, quis non videt? dum id quod semper splendet, cum innouis inest hominibus, non splendere dicunt: sed solum in illis clucere, qui à viris virtute magnis, pluribus descendendo distant quodammodo gradibus. Quid est hoc, nisi prius laudare, & immediatè post vituperare virtutem

tutem ? Quod per se est tale, vbicunque ponatur tale est, ferunt communi sensu Philosophi ; si virtus per se splendet semper ; quemcunque virtutem habentem illico clarificat, nobilitat & illustrem facit : quæ sunt verba æquivalentia & synonyma .

Et præterea : Propter quod vnumquodque tale, & illud magis, 2. Post. si familia & progenies virtute nobilitantur, & sanguis sinè virtute inanis redditur : igitur eo amplius nobilitas in virtute consistit .

Idem Salustius in proemio de coniuratione Catilinæ, in virtutis laudem erumpens, ait. Quæ homines arant, natigant, ædificant, virtuti omnia parant. attamen inuidia commotus, vt ipse in suamet historia volens nolens fatetur, vna cum pluribus Romanorum nobilibus olim C. Marium virtute militari, & M. T. Cicero- nem sapientia, prudentia, eloquentia, ac Gentilium innocentia viros egregios, nobilitate & dignitate, nouitatis colore spoliare præsumpsit. Quo autem spiritu ducantur etiam posteriores eiusdem opinionis homi-

nes ad consentiendum & communicandum
illis, ipsi videant.

THEOREMA QVARTVM.

De nobilitate ex beneficentia
Principis orta.

CUm principio dixerimus Nobilitatem
generatim acceptam in eo consistere, ut
notum & æstimatione dignum hominem
instituat: consequens est, ut Princeps, ho-
mines quos voluerit si inepti non fuerint,
nobilitare valeat. nam facultatem ac vires
habet ea distribuendi, quæ illos notos &
æstimabiles reddunt, dignitates videlicet,
Magistratum, regimen, diuitias, opportu-
nitatem omnibus notificandi virtutem,
quæ quis aptitudine possidet: igitur &
nobilitatem Huius autem nobilitatis spe-
ciei hæc est definitio. Ea est, quæ hominem
facit excellere cæteros notitia & æstima-
tione ex Principis beneficentia.

Principes autem duplicis sunt generis,
sacri & ciuiles. primi sunt, sūmus Ponti-
fex

fex, Cardinales, Patriarchæ, Archiepiscopi, & Episcopi. ciuiles verò principes duplicis sunt ordinis; absoluti & nulli subordinati in genere ciuilis dominij, ut Imperator, Reges, & cæteri principes, qui erga subditos absolutam obtinent potestatem: quidam verò sunt subordinati, & regimen retinent sub absoluti principis moderamine, ut Marchiones, Duces, Comites, Barones & consimiles. Nunc itaque considerandum est, quibus Principibus, huiusmodi nobilitandi potestas insit: & quam nobilitatem possit quisque partiri.

Perspicuum est & indubitatum, Pontificem maximum summè & absolutè nobiles posse instituere: quia dignitates distribuit in Orbe terrarum notas, & ab eodem Orbe magna æstimatione venerandas, quas supra connumerauimus. idem autem & Dominobiles quandoque instituit: nam Ecclesiasticas dignitates, quæ sunt infra Episcopatû, in particularibus urbibus & locis distribuit, quæ illos in locis præfatis notos ac æstimabiles reddunt.

Cardinales & Parriarchæ, similiter absolute nobiles sancire valent, quia Archiepiscopos, Episcopos, & Equites creant, sumpta à summæ Pontifice potestate. & plerosque Dominobiles, cum varias dignitates honoresque tribuunt. Archiepiscopi & Episcopi, Dominobiles possunt in suis Diocesibus decernere, cum munera ecclesiastica conferunt ordinando scilicet Archipræbiteros, Præbiteros, Archidiaconos &c. quorum potestas etsi sit summæ venerabilis, quia diuina præ manibus habet, & ministri sunt Christianæ Reip. dum Deo offerunt pro populo sacrificium, quod consistit in externa oblatione rei sensibilis, soli Deo facta in Altari à Sacerdote, ut ministro publico. nihilominus quia in suis manent ciuitatibus, nec fiunt ubique terrarum, vel saltem pluribus Gentibus noti; idcirco non absolute, sed Dominobiles nuncupandi videntur. Si autem potestas huiusmodi in se spectetur, absolute nobiles illi dicendi sunt, ob maximam æstimationem, qua digni sunt: & quia id habent, per quod, etsi apud suos sint

sint tantum noti, possunt tamen fieri tales
 ubique terrarum: sed quia coarctatur resi-
 dentia eorum, ut plurimum in urbe aliqua
 singulari, ideo potius Dominobiles dicendi
 sunt omnes Ecclesie ministri, præter Epis-
 copos, Archiepiscopos, Patriarchas, Cardi-
 nales, & summum Pontificem, qui Eccle-
 sie principatu gaudent: & summus Pon-
 tifex præsertim, qui omnium gentium &
 totius Orbis terræ Princeps, Pastor, & Pater
 existit. nam etsi multi in Orbe sint infideles,
 qui illi non parent, tenentur tamen illi sub-
 esse, sicut & legem Euangelicam satis pro-
 mulgatam recipere & exequi obstringuntur:
 quæ illi talem tribuit potestatem, & homi-
 nibus eam mandat subiectionem.

Nec desunt qui de nobilitate scripse-
 runt, Ecclesie ministros vix ex ordine ple-
 bis excipere, & sicco vestigio circa rem hu-
 iusmodi sic pertransire (inter quos Tiraq.
 cap. 9.) quasi nobilitatis titulo insignitos eos
 denunciare non audeant. velut si Forum
 Templo nobilius esset, & Magistratus cini-
 lis dignior Sacerdotum corona: vel quæ tra-
 Eant

Etant laici, nobiliora essent his quæ Ecclesiæ ministri exhibent, & præ manibus habent: vel munera illorum magis publica essent, & maiori solemnitate fierent.

Sed, ut verum fatear, parum bonitatis, minorem diuinarum rerum notitiam, minimam erga Christum Deum & Saluatorem nostrum dilectionem & gratitudinem se tenere ostendunt, qui potius ad deprimendos, quàm honorandos Ecclesiæ ministros proni verbis vel scriptis apparent. quia scriptum est: Qui vos spernit, me spernit. Luc. 10. Sed audiant sententiam Domini: Quicumque glorificauerit me glorificabo eos: qui autem contemnunt me, erunt ignobiles. 1. Reg. cap. 2.

Nec prodest occurrere, quosdam ex Clero, absque nobilitatis decore & nobilium moribus spectari: nam eodem modo plures etiam sanguine nobiles sunt huiusmodi. Quæ enim rarò accidunt, rerum naturas non euertunt nec perimunt.

Sed ad ciuiles Principes redeamus. hi, ut premisimus, vel absolutum dominium ciuile

uile habent, vel subordinatum: priores absolute nobiles, & dominobiles possunt statuere, quia plures ac varia munera distribuunt. Cum alicui viro id tribuunt, quo ferè ubique locorum sit notus & æstimatione dignus, tunc eundem absolute nobilem instituunt: cum autem aliquid concedunt, ut quis apud suos tantum notus sit & æstimabilis, tunc dominobilem firmanr. Et quo maior est Princeps, eo ampliorem nobilitatem distribuit, ut ratio cuicunque ostendit. Qui autem principatu gaudent subordinato, ut sunt Marchiones, Duces & consimiles, Dominobiles stabilire valent: quia illi apud suos solum noti & æstimabiles sunt.

Ex his quæ præmisimus, etiam huius litis oritur decisio. An particularium Provinciarum consuetudines ad nobilitandum institutæ, nobiles verè constituent. Etenim si consuetudines illæ id habent, ut ubique sint notæ, laudabiles, & æstimabiles, absolute tribuunt nobilitatem: sin autem, Dominobiles instituere possunt, & præterea nihil.

nihil.etsi hi Dominobiles digniores sint illis, qui in eodem genere in singularibus urbibus suis, eodem potiuntur honore.

Aduersus hanc quam præmisimus doctrinam, adest Osorius Lusitanus, qui lib.2. de nobilitate ciuili pag. 331. nobilitatem eam solam esse quæ ex sanguine procedit, cum in aliqua cernitur familia, ubi plures aliqua fuerint clari virtute. deinde pag. 341. primùm nobilitandi potestatem Principi tribuere videtur, dicens. Quid enim esset indignius quàm nullum præmium propter magna merita, clavis in Rep. viris esse constitutum? aut quod præmium excogitabis quo virtuti satisfieri aliqua ex parte possit, præter hoc dignitatis & gloriæ? Quid deinde magis regium est, magisque magnificum, quam virtuti debitum dare testimonium, & titulis honestare dignitatem. ut hoc modo, tum iustitia conseruetur, tum etiam complures in studium virtutis acrius incitentur? at deinceps pag. 344. quod affirmauerat destruit. ait enim. Ut igitur in institu-
tum

tum sermonem redeamus, non potest Princeps efficere, ut abiectus animus atque demissus ad rerum maximarum gloriam aspiret. potest tamen magnum animum & excelsum debitis ornamentis afficere itaque non tam tribuit nobilitatem quàm iam præclare institutam nobilitatis rationem, & singularem animi magnitudinem, egregiæque virtutis aut artis præstantiam honoribus debitis honestam & illustrem reddit. Idcirco cùm antecedunt merita, tum hæc gravissima Principum iudicia ritè consequuntur &c.

Primò vir iste quæ sibi non coherent proferet : nam si quis aliqua virtute præditus, à Principe nobilis poterit declarari, ergo primus in aliqua familia poterit esse nobilis si virtute claruerit, quod ipse supra negavit. Secundò dicit, principem illum tantum posse nobilem instituere, qui iam præclare institutam nobilitatis rationem habet, & singularem animi magnitudinem, egregiæque virtutis aut artis præstantiam : at hæc est nobilitas quæ à virtute, non quæ à Prin-

Principis beneficentia procedit; Vir iste non habet in sua doctrina constantiam, quia de nobilitatis natura verum sensum non videtur obtinuisse: quapropter rem eandem nunc affirmare, nunc negare cogitur.

Pro nostra igitur sententia nobis probandum est, Principem beneficentia sua, aliquem nobilitare posse, etsi virtutis vel sanguinis vel opulentiae nobilitate careat. Æquum autem ac rationi consonum esse fatemur, ut Princeps nobilitati virtutis & suam ex beneficentia addat: sed quia hæc specie differt ab ea quæ ex virtute progreditur: idcirco eam esse veram nobilitatem, quæ ex sola Principis beneficentia oritur seorsum à virtute vel sanguine, vel opulentia, superest ut ostendamus.

Potest autem sacer vel civilis Princeps Magistratum sacrum vel civilem alicui tribuere, vel aliquod aliud munus, ut fiat pluribus Gentibus notus & æstimabilis, qui nec sanguinis, nec virtutis vel opulentie claritudinem habeat, igitur & nobilem eundem instituet ea nobilitate quæ à sanguine

guine & virtute ac opulentia secernitur. Hæc positio vera est apud utrumque Principem, sacrum scilicet & ciuilem, eo modo quo de utroque præmissum ac enarratum est. nam principes sacri varias potestates & plura munera distribuunt, quæ hominem vel absolutè, vel dominabilem decernunt. Principes itidem ciuiles eodem modo, ut dictum est, honesta officia possunt hominibus partiri, ergo & nobilitare. Sequela euidentis est, & experientia manifesta redditur.

Obiiciunt autem huic positioni nostræ, qui hanc nobilitatis speciem de qua disceptamus respuunt, hoc modo. Princeps hominem ex stulto sapientem, ex elingui disertum, ex ignauo impigrum & audacem ex beneficio nequit instituere, ita ex ignobili non poterit facere nobilem. Cuius opinionis fuisse videtur etiam Gregorius Nazianzenus qui Oratione in Maximum Philosophum Cynicum de nobilitate differens ait. Nam quartum illud nobilitatis genus, quod in Principum diplomatibus edictisq; consistit,

sistit, tum vlllo loco ac pretio habeo, cum pictam formæ elegantiam laudandam duxero : simiamque ob id reuereri cœpero, quod leo esse iussa sit.

Et similiter de quodam refertur rustico, qui à suo Principe nobilitatem postulauerat, responsum accepisse, se diuitem non autem nobilem fieri posse Nobilitas ergo hæc quæ ex beneficentia Principis originem habet, ruere ac euanescere videtur.

Nihilominus ipsa manet, & vera est nobilitatis species : quoniam exemplum illud primò obiectum, scilicet de stulto sapientem, de elingui disertum, de ignauo audacem nemo potest instituere, sic nec Princeps ex ignobili nobilem neminem reddere nequit, non facit ad rem, imò est valde dissimile. quia stultus ad sapientiam, elinguis ad facundiam, & ignauus ad audaciam, repugnantiam habet ac indispositionem : at homo qui à Principe nobilis instituitur, etsi nobilitate caruerit, dispositionem tamen dicimus ad illam habere : non enim Gerulos & ineptos homines instituunt nobi-

nobiles , sed eos qui naturam honestis artibus pronam habent. Quamobrem exemplum nil contra positionem nostram affert. Et quia hoc modo ineptus erat ille rusticus , qui à Principe nobilitatem requisierat , idcirco meritò audiuit , se diuitem , non nobilem fieri posse .

Ad ea , quæ Gregorius Nazianzenus aduersus hanc nobilitatem protulit , resol- uenda , aduertendum esse dicimus : ipsum tunc in eâ Oratione quam in Maximum habuit , nil aliud docere voluisse : quàm Christianum hominem , ad æterna premia aspirantem , nec sanguinis nobilitatem , nec Principum beneficentiam æstimare , sed so- lam virtutem , cuius præmium est beatitu- do : ut eam Orationem legenti patebit. non enim tunc de nobilitatis natura & specie- bus ex instituto differit , sed illorum con- ditionem tantùm describit , qui felicitatem æternam æstimant & expetunt. Et insuper eos nobiles à Principibus institutos improbat qui ad virtutem ineptitudinem , & ad vitia promptitudinem possident. ideoque non no-

F bili-

bilitatis speciem, verum prauos homines illam dolose obtinentes impropere.

Sed quia nonnulli, qui in magnis sunt geniti Urbibus, se à Patria esse nobilitatos autumant, & de re huiusmodi gloriantur, & his, qui in obscuris nati sunt locis, hoc velut quid fædum obiiciunt, eisque id impropere fas existimant: idcirco de re hac disceptare quodammodo sumus obstricti: quia vera nobilitatis originem aperire polliciti sumus.

Perspicuum cunctis est intelligentibus, ex magnis atque nobilibus Urbibus ortum ducere, magnum esse naturæ beneficium: quia homines sub prudentiori iudicio constituti, maiorem sentiunt providentiam. Viget enim in huiusmodi Urbibus plurimorum virorum claritas: aëta generosa atque magnifica assidue spectantur: rusticitas abest: elegantia rerum, & bonarum artium disciplina adest: quibus qui obscuris nascuntur in locis, carent atque priuantur. Quamobrem naturæ beneficium non minimè cernitur esse, ex magnis, splendidis, ac nobili-

bilibus urbibus habere originem. igitur, in-
quiunt, sicut patria hominem felicem, sic
etiam nobilem reddit.

Sed ab hac felicitate ad nobilitatem per-
transire non licet: quoniam aliud est cerne-
re, contemplari, ac frui quod ceteri obti-
nent, quibus nobilitantur; & aliud est
possidere quod claritatem tribuit. magnifica
spectantur in Urbibus; spectator tamen vi-
lis esse potest ac pusillanimis. Bonæ & lau-
dabiles artes in illis sunt, verum plures ibi
reperiuntur inertes. Rusticitas morum, ut
plurimum, abest ab Urbibus, & elegantia
adeft: nihilominus multi sunt ciues sine
elegantia cum rusticitate. Quid ergo dicen-
dum? hoc utique. In Urbibus nempe ortos,
opportunitatem & exemplum efficax ad ge-
nerosa atque magnifica, ad prava euitanda,
& laudabilia sectanda obtinere, quibus ca-
rent qui in obscuro nati sunt loco. Sicut er-
go commendandus erit, qui præclara gesta,
quæ in urbe spectantur, imitator extiterit:
sic vituperabilis est, qui etsi magnifica facta
cernat, ipse tamen in sordibus manet acti-

bus. & è contra : sicut qui in obscuro loco oritur , & praeclara gesta non habet , quia caret exemplo , excusatione dignus censetur : sic qui generosus fuerit , & virorum illustrium facta tenuerit , maiori dignus laude eo apparebit , qui in vrbe praeclara , ubi fortia bonorum facinorum vigent exempla , habuit originem .

Enimuerò si Patria , quia patria est , hominem institueret nobilem ; omnis qui in ea ortus est patria , nobilitate gauderet . sed quot in urbibus illustribus sunt homines inepti , moribus ac virtutibus obscuri ? expertus edicat . Nullam ergo clara Patria nobilitatem tribuit , etsi apertum sit nobilitatis exemplum . Qui enim in obscuris orti sunt locis , nobilium gestorum exemplo carentes , & generosi ac praeclari in operibus cernuntur , maiore digni sunt laude ; honestiore sunt induendi decore , & maiori premio condecorandi , quia nobiliorem animi indolem se habere ostendunt .

Quamobrem ut Stobaeus refert . serm. 84 Anacharsis Philosophus cum Scythia esset .

Et origine barbarus, cui dam id sibi obiicienti respondit. Scythia sum genere, non moribus. Et alteri dixit: Mihi quidem patria dedecori est, tu verò patriæ. Et Seriphius qui Themistocle obiecit, se non actibus, sed patriæ splendore gloriosum esse: hæc audiuit. Neque tu si Atheniensis esses, clarus extitisses; neque ego si Seriphius essem, ignobilis. Ideoque M. T. Cicero Orat. 14. pro A. Cluentio Auito dicebat. Et iam quaerimur sæpe, hominibus nouis non satis magnos in hac ciuitate esse fructus; nego vsquam vnquam fuisse maiores. vbi si quis ignobili loco natus, ita viuat, vt nobilitatis dignitatem virtute tueri posse tueatur, vique eò peruenit, quoad eum industria cum innocentia prosecuta est.

Laetantia igitur de Patriæ claritate, si obiectiuam felicitatem respiciat, iusta est: potitur quippe ciuis, sicut potest, omnibus patriæ bonis & claritudine: & spectator ibi est magnarum rerum laudabilium. Si autem is qui ciuis est, putet Patriæ virtutibus ornari, & clarorum hominum, qui

in illa sunt , vel extiterunt , meritum habere : & ipse ineptus sit ac virtutibus expers ; maximè errat .

THEOREMA QVINTVM.

De Nobilitate ex opulentia prodeunte.

O*pulentiam, non pro quacunque diuitiarum abundantia sumimus , sed ut magnam rerum copiam significat , quæ hominem plerisque Gentibus ac nationibus cognitum reddit , eam nunc usurpamus . Constat enim plures plebeios diuites esse, & pecuniarum possidere copiam : hanc tamen ad hominem instituendum clarum , insufficientem esse fatemur : nam plures sunt homines in ciuitatibus , qui bonis stabilibus & mobilibus abundant : nihilominus eam bonorum copiam non habent, quæ ferè ubique , vel saltem apud plures nationes notos & æstimabiles illos instituat , ut experientia instruit . Nec tamen lis in hoc sita est ; sed , An posita in aliquo quacunque diuitiarum copia undique nota , ipsa homini nobi .*

nobilitatem pariat. nos, ut principio diximus, partem affirmantē tuemur. Sed priusquam cætera afferamus ad litem hanc pertinentia, quæ sit huius nobilitatis definitio indicare obstringimur. Illa ergo est, quæ facit hominem excellere cæteros notitia & æstimatione ob magnarum copiam diuitiarum.

Diuitiæ, iuxta nominis etimologiam, à *Diuinitatis* vestigio nomen assumunt: & *diues* dicitur quasi *diuus*. etenim qui *diues* est, velut *Deus* nemine indigere quodammodo videtur, teste *Varrone*. & quia *Deus* sua inenarrabili prouidentia omnibus opitulatur, sic *diuitibus* pauperes à miseria subleuare congruit. Hæc ergo nominis etimologia ad rem venit, quia ad clarificandum *diuitem* tendit: quamobrem ex sola *diuitiarum* nomenclatura hominem opulentum nobilem esse *diuitiis*, quasi necessario infertur.

Sed quia in scripturis Sanctis quandoque *diuitiæ* damnari videntur: nam *Eccl. 8.* legimus: Multos enim perdidit aurum.

& argentum. *considerandum ergo est, non diuitias, nec illarum usum, sed abusum reprobari: quare Augustinus super Psal. 61. sic de illis sermocinatur. Diuitiæ si affluant, nolite cor apponere: illæ igitur qui non habet, non ambiat: is qui habet non superbiat: & non dicit nolite habere, sed cor apponere: non enim damnat diuitias, sed cor appositum: quod scilicet non expendit sed recondit. & serm. 24. Difficile est, ut non sit superbus diues: tolle superbiam & non nocebunt diuitiæ. Chrysostom. in hom. Diuitiæ non sunt peccatum, sed peccatum est eas non distribuere pauperibus. Et Ambrosius in Lucam: Diuitiæ, ut impedimenta sunt improbis, ita bonis sunt adiumenta virtutum. Patet ergo non diuitias, sed prauum illarum usum fuisse improbatum.*

Plures autem Doctores, diuitias nobilitatem inferre non posse opinati sunt, ea ducti ratione, quia viles sunt, & in vilissimas personas ac infames, dignitatum prorsus incapaces cadunt: & quod vile est, in-
quunt,

quiunt, hominem clarum reddere nequit. pluraque huiusmodi diſſeria addunt ad huius opinionis patrociniũ: quæ tamen noſtræ non contradicunt doctrinæ, quam de Opulentia nobilitate tradimus. illi enim non de diuitiarum affluentia, nos verò de magna opulentia, quæ hominem pluribus Gentibus notum ac æſtimabilem reddit, loquimur: idcirco hac præmiſſa diſtinctione, & veritatem ſtabilimus, eoſdemque ut aduerſarios non ſuſcipimus.

Hac autem magna opulentia vilitatem reſpuit & infamiam: quia, ut ita dicam, impoſſibile eſt ut ea familia honeſta non ſit, & homo ille, qui tanta abundat diuitiarum copia, ut apud plures Gentes notus ſit ac æſtimandus, ſuo non gaudeat decore. Cum ergo alterius partis Doctores aiunt, nihil honoris & dignitatis habere diuitias: hoc de modica diuitiarum copia, non de ea quam nos hanc nobilitatis ſpeciem conſtituere affirmamus, intelligendum eſt. Quis enim enunciare audeat, hominem maximarum diuitiarum, ferè ubique notum
decore

decore carere & estimatione? posita ergo hac, quam exhibemus, diuitiarum distinctione, quæ sunt obiecta facile euanescent.

Solon enim, ut Arist. tradit. lib. 3. polit. cap. 10 magistratus omnes suis legibus, ex nobilibus & diuitibus instituit: quomodo ergo diuitie non sunt honoris ac dignitatis capaces? maxima ergo opulentia si in homine sit, qui sanguinis, & virtutis, ac ea quæ ex beneficentia Principis oritur claritudine careat, hac tamen nobilitatis specie de qua loquimur, illustris erit.

Si quis autem opulentia huiusmodi abutatur, nihilominus à numero nobilium non erit reiiciendus: quia ea ratione semper notus erit & estimabilis, fama tamen honestorum diuitum carens erit. patet hoc à simili. Etenim secundum iura, ob infamiam, quæcunque perditur nobilitas: at hoc non de natura nobilitatis intelligendum est: quia nisi ratio notitiæ & estimationis auferatur, nec nobilitas anferri poterit: sed de nobiliū privilegiis: quia infamis perdit propter facinora privilegia nobilium. sic à simili: Vir
magnæ

magnæ opulentiæ, etsi in dispensatione earum damnabilis esset, tamen ob manentem noticiam & æstimationem, quæ ratio est nobilitatis, stabit ipsa nobilitas.

Ad huiusmodi nobilitatis speciem fortius firmandam, quæ Salomon Eccles. 7. diuitiarum proprietatem enarrans scripsit, afferre opus est. Vtilior, inquit, est sapientia cum diuitiis, & magis prodest videntibus Solem. Sicut enim protegit sapientia sic protegit pecunia. Si ergo ex diuitiis protectionem & utilitatem homines sumere dicuntur, non erunt ergo diuitiæ nobilitati aduersæ: nec damnum dabunt possessori suo. Sed si quis earum habuerit copiam; sicut ex illis utilitatem & protectionem, sic & nobilitatem obtinebis.

Et M. T. Cicero lib 1. de Offic. opes seu copiam diuitiarum, magnificentiam parere testatur. Desiniens autem deinceps magnificentiam 2. de Inuen. ait: esse rerum magnarum & excelsarum cum animi ampla quadam & splendida propositione agitationem. quod ad rem nostram maxime venit.

nit. copia diuitiarum magnificentiâ gignit: magnificentia opera magna parit & excelsa: igitur non solum copia diuitiarum suam tribuit nobilitatem: sed & aliam inducit nobilitatis speciem quæ ex virtutum actibus oritur. errant ergo qui viles & sordidas diuitias esse denunciant.

Supereſt itaq; vt ostendamus hanc præmissam opulentiam, nobilitatis speciem constituere, ab aliis nobilitatis speciebus realiter distinctam, quod hoc modo executioni mandamus. Nullum orietur absurdum, si asseramus dari posse hominem opulentia affluentem, vt pluribus reddatur Gentibus notus & æstimabilis, & nihilominus nobilitate careat sanguinis, virtutis, & eius, quæ ex beneficentia Principis oritur. hæc positio ab omni viro sensato per se nota diiudicatur: igitur sola opulentia eundem nobilem constituet; eritque insuper vnius nobilitatis speciei causa atque principium.

Præterea potest honestus ciuis feudum aliquod obtinere à Principe, & per illud vel absolute vel dominobilis fieri, iuxta feudi

di

di qualitatem : et si præfatus ciuis omni nobilitate vel sanguinis , vel virtutis , vel opulentia , vel ex Principis beneficentia prius caruerit, tunc proculdubio , quia propter nouiter aduenientem opulentiam notus fit & æstimatione dignus , nobilis erit: ergo opulentia opulentem clarum reddit & illustrem. Opulentis tamen hominibus virtutem suademus : quia Opulentia finè virtutibus , conuiuium est finè colloquio.

THEOREMA SEXTVM.

De Nobilitate quæ ex prauis facinoribus habet originem .

Firma ac inconcussa manet in hac materia huiusmodi Positio : Nobilitatis scilicet naturam, in ratione famosa notitie, & æstimationis consistere , ut sæpe in hoc Opere ostendimus. quamobrem non erit mirum alicui , si dixerimus etiam praua facinora nobilitare facinorosos: quoniam aliud est laudabiliter famosus esse , & aliud vituperabiliter : tamen utroque modo potest
quis

quis esse famosus : quod similiter est de aestimatione dicendum: quia sicut ob maximum bonum aliquis aestimatione dignus erit, sic quia quis est valde perniciosus, aestimanda est malitia illius, ut fortius euitetur. Neque haec dicimus, ut aliquid novi afferamus, cum veterum sapientum olim fuerit doctrina. Nam Hieron. in Heluidium, haeticum ob superfeminatam haesum Zizanium nobilem euasisse testatur, dicens: Nobilis factus est scelere. & Cicero 4. Actione in Verrem ait. Accipite nunc aliud eius facinus nobile, & multis locis memoratum. Et Quintus Cicero illius frater ad eundem Tullium de petitione Consulatus inquit: Nequaquam hi sunt tam genere insignes, quam flagitiis nobiles. & Salustius in eundem Tullium. Vxor sacri-lega ac perjuriis nobilitata. & alibi apud priscos sapientes hoc idem frequenter exaratum conspicitur.

Veruntamen non quaelibet praua actio hominem vituperabiliter nobilem instituit, sed solam facinus, opus scilicet insignis mali-

malitiæ, fama vulgatum, quod admirationem & estimationem pariat. (iuxta quem sensum principio Vitium sumpsimus, cum diximus nobilitatem gignere) Hæc facinora sunt præcipuè hæreticorum, non tamen eorum qui aliorum sectantur hæreses, sed auctorum, scilicet hæresiarcharum: inter quos olim Machometus, & proximè elapsis annis Martinus Lutherus, & Ioannes Calvinus extiterunt. hi maximis sceleribus in plurimarum Prouinciæ perniciem redditi sunt noti seu famosi & estimabiles: non tamen ut honorentur, sed omni tempore vituperentur. ratio tamen notitiæ & estimationis ibi adest, idcirco & nobilitatis natura. Hoc itidem modo priscis temporibus nobilis exoptauit fieri quidam etsi virtutum expers, dum Dianæ Ephesinæ templum valde famosum incendio diruere tentauit: ut ubique terrarum notus & facinorosus estimaretur.

Hæc nobilitatis species, sicut aliæ quas præmisimus absolutè & dominobiles habet: nam quidam aliquod perpetrant facinus, quod

quod eos pluribus urbibus famosum reddit:
aliis verò quod ubique terrarum vel saltē
pluribus nationibus facit notum. Posse au-
tem hoc modo unumquemque fieri nobilem
vituperabiliter, ex his quæ prius & nunc
præmisimus satis mihi probatum atque os-
tensum fuisse videtur.

Quamobrem monendi sunt laudabili no-
bilitate clari, ne ad vitia perpetranda pro-
grediantur; quia ad hunc ordinem vitupe-
rabiliter nobilium consimiliter ibunt. Plu-
res nobiles, quia nobiles, parum honesta ope-
rari sibi licenter permissum existimant: &
quo magis sunt ad rectè genere seque ope-
randum obstricti, eo amplius à recto tra-
mite bonarum artium abire posse opinantur.
Et qui virtutum exemplum præbere tenen-
tur, causa corruptionis morum sæpè exi-
stunt: quia ut Gregorius 1. Moral. inquit:
Cum maiores voluptati deseruiunt, mino-
ribus lasciviæ frena laxantur. & qui plebis
constituti sunt ob nobilitatem, honestorum
operum ac bonarum artium præceptores,
sunt illis scandalum & offendiculum hinc
fit

fit ut corruptis moribus nobilium, & universa plebs vitiorum plena reddatur.

Superbiunt quandoque nobiles, & plebem & honestos ciues inflati contemnunt: hoc autem à nobilitatis natura non provenit, sed ab eiusdem abusu. Quid habes, inquit Apostolus 1. Cor. 4. quod non accepisti: si accepisti, quid gloriaris quasi non acceperis? omne enim donum desurtum est, Deus est qui talenta distribuit; quibusdam maiora, aliis minora, sicut vult, paritur. Turpe est autem, ut donum, quod hominem Deo magis gratum, & hominibus magis amabilem reddere debet, Deo & hominibus amplius odiosum faciat. Viros enim nobiles, clamor in iocutione, amaritudo in silentio, dissolutio in hilaritate, furor in tristitia, inhonestas in actione, erectio in incessu, rancor in responsione, quæ sunt signa superbiæ, maximè dedecet & quemadmodum ista superborum sunt: sic viris nobilibus hæc velut monstra contingunt. sunt quippe nobiles plebeis altiores: ac sicut honestioris sunt conditionis, sic benigniores

1. Cor. 4.

Bon. de
grad. vir.

ac modestiores esse debent. *Esse enim altum, & humilibus consentire, nil Deo charius, & apud homines nil rarius. nihil insolentia turpius; nil modestia pulchrius. Et Nobilibus valde congruit, quod de viris optimis dicitur. Quos vidisse erudiri est. & Philosophus auditur dum videtur.*

Ad dignitates expetendas iidem nobiles sunt etiam prompti; quòd illis iurè contingit: quoniam clementiam, generositatem, cæterasque virtutes ipsi possident, vel possidere obstringuntur; quarum homines plebei expertes sunt, quia laudabilis nobilitatis speciebus carent: igitur dignitates non plebeis, sed nobilibus hominibus plurimum congruunt: quas autem virtutes qui non habent, proculdubio eas in dignitatibus ad proximorum utilitatem opere complere non poterunt. Debent insuper ipsi nobiles bonis artibus & virtutibus vacare: quoniam his nisi claruerint, vitia & malas artes laudabili nobilitati aduersas assument. quia ut Salustius scripsit: Gloriam, honorem, imperium, bonus & ignauus æquè sibi exo.

exoptant : sed ille vera via nititur , huic quia bonæ artes defunt , dolis atque fallaciis contendit. Nobilibus ergo , si bonarum artium & virtutum disciplina deficiat , cum dignitatibus , ut præmisimus prompti sint , ad eas obtinendas , dolos , facinora , operis & sermonis fallaciam , ac animale[m] sapientiam adiungunt : & sic à laudabili ad vitiosam nobilitatem pertransibunt. non est ergo nobilitas seiungenda à virtute , et si dentur nobilitatis species , quæ à virtute non habent originem.

Ab omni quoque rusticitatis vestigio vir nobilis diuertere congruit , & quæcunque ignobilitatis umbra abesse debet ab eo. sunt enim rustici moribus agrestes , vita ac sermone inculto , inhumani , insuaves , asperi , & sæpissimè feri : **NULLAM QVE HONESTATIS SED UTILITATIS POTIVS RATIONEM HABENT.** Sicut ergo nobiles à rusticis seiunguntur , sic nec in moribus eis communicare licet , Etenim in operibus **VIR NOBILIS POTIVS HONESTATEM ACTIONIS**

NIS DEBET INSPICERE QUAM
UTILITATIS; hunc enim agendi
ordinem euertere, mercennariorum est: qui
ideo operantur, ut mercedem accipiant,
non ut gloriam pariant, & clariores fiant.

Polyant.
vel Ru-
sticus.

Et quia viri nobiles, ut dictum est,
valde secernuntur à rusticis: horum condi-
tiones, ut euitentur, enarrare non erit inu-
tile. Rusticus is est, aiebat Theophrastus,
qui hausto pharmaco in concionem nihilomi-
nus prodit, quique unguenta non suauius
fragraré thymo dicit: calceos gestat pede
grandiores: voce etiam alta loqui suevit.
amicis necessariisque suis parum confidens:
de rebus maximis ad famulos refert: quæ-
cumque in concione audiuit, omnia mercen-
nariis suis qui ruri apud ipsum opus fa-
ciunt, enunciat. Sæpe etiam veste ita supra
genu subducta sedet, ut denudatæ corpõris
partes conspici queant. in via aliorum qui-
dem nihil admiratur, neque vlla re obstu-
pescit: sed si bouem, asinum, aut hircum
viderit, ibi homo gradum sistit & contem-
platur. Cumque aliquid è promptuaria cel-
la

la deprimit, decerptum inde frustum vorat, & vinum meracius potat: diligenter interim, ne hoc ancilla panifica resciscat, cauens. Deinde verò cum illa molere, & quæ sunt ad victum necessaria tum sibi, tum uniuerse familiæ parare solet. Inter prandendum iumentis pabulum obicit, & si quis fores pulset, ipse auscultat. Vocato etiam cane, & eius rostro manu apprehenso; hic, inquit, agrum & domum, quaque in ea sunt custodit. Argentum quod ab aliquo acceperit, quasi tenue, aut nimis asperum solet reiicere, & ut alio sibi mutetur postulare. Aratrum si cui fortè utendum dederit, aut cophinum, aut falcem, nocte intempesta illa repetet, si per insomnium fuerit eorum recordatus. In urbem cum venit, obuiam quemque interrogans, Quanti, ait, pelles & Salsamenta venibant? dicit etiam se simul ac descenderit, tonderi velle. Idem cantare solet in balneo, & clavis calceos suffigere: & quia eadem via erat ab Archia, Salsamenta accipere ac portare ipse moris habet.

Tandem moderamine lingue decet viros nobiles ornatos esse. Sicut enim bonorum ingeniorum insignis est indoles, in verbis verum amare non verba: sic quæ ipsi loquuntur, ut satis sint examinata consentaneum erit. ex verbis enim iustificabitur vel condemnabitur quisque. & quæ ore quis profert, ea etiam corde tenere, prudentibus patet. sunt enim voces signa passionum quæ sunt in anima & quemadmodum nobiles vilia operari non decet, ita nec ea similiter loqui: quia scriptum est Prouerb. 17. Qui moderatur sermones suos doctus & prudens est, & pretiosi spiritus vir eruditus. & iterum. In lingua sapientia dignoscitur & sensus, & scientia & doctrina in verbo sentati.

Doctrina hæc, quam de Nobilitate tradidimus, si alicui sana visa non fuerit, nec eam veritati consonam æstimauerit: cum in re huiusmodi variæ omni tempore fuerint opinionationes, hanc poterit amplecti sententiam: Deum scilicet esse, qui terrarum orbi, cum vult, homines tradit nobiles; & ab eo nobi-

nobilitatem procedere. nam nobilium conditiones sæpè ab his qui in Regum & Heroum adibus nascuntur maximè distare videntur. & in pluribus ex humili genere ortis, illæ refulgent: ut de Dauid patet, quem etsi ouium pastorem, regia tamen magnificentia, pietate, & clementia nemo Principum superauit. Et è contra, ex clarissimis viris ignauos & socordes sæpissime legimus ortos: ut olim de Scipione magni Scipionis Africani filio referunt historie: qui etsi à viro generosissimo natus, nihilominus vilissimis moribus redundabat. Quod frequenter ubique terrarum accidit: sicut unicuique ex historiæ lectione patebit.

Hanc sententiam, Salomon vir à Deo eruditus confirmare videtur, dicens. Puer autem eram ingeniosus, & sortitus sum animam bonam: & cum essem magis bonus, veni ad corpus incoinquinatum: & ut sciui quoniam non aliter possem esse continens, nisi Deus det: & hoc ipsum erat sapientiæ, scire cuius esset hoc do-

num. *Et Seneca lumine natura edoctus*
 « *idem affirmavit : Animus, inquit, facit no-*
bilem, cui ex quacunque conditione su-
pra naturam licet surgere. Harum de
Nobilitate sententiarum, quam sibi pla-
cuerit, prudens eligat Lector.

Omniū bonorum par-
 titori Deo honor
 & gloria.



DE

DE RECTA FORMA REGNANDI,

Ad Principes Laicos.

THEOREMATA:

Fecit Rex Salomon thronum de ebore
grandem, & vestiuit eum auro fuluo
nimis: qui habebat sex gradus & duo-
decim Leunculi stabant super illos hinc
atque inde: non est factum tale opus
in vniuersis Regnis 3. Reg cap. x.



*VM Dominus Principes populi
sui, naturali lege in nostris deli-
neata cordibus, & scripturis san-
ctis moneat atque erudiat de recta forma
iudicii, quam in subditorum regimine ser-
uare tenentur: eisque supplicium commi-
netur, si secus fecerint: congruum esse exi-
stimavi, ea qua decet obseruantia, Vos com-
monere de his quæ à Vobis in re huiuscemo-
di agenda sunt atque vitanda: ut Diuinæ
voluntati adhareatis, salus vestra non
clau-*

claudicet, & qui Vobis subiiciuntur, suo
 non exuantur iure. Eo amplius quia molesta
 res est sceptrum tractare, ac varias Gentes
 dirigere: ars quippe est artium, & disci-
 plinarum disciplina: quia inter omnes ani-
 mantes, homo est maximè varius & volun-
 tate diuersus. Etenim Regna seruare, col-
 lapsa erigere, sparsa colligere, recuperare
 perditam, deformia reformare, & similia quæ
 in regimine occurrunt. perarduum est. mul-
 tis enim dura arua ligonibus, multis riuus
 prata arentia indigent. Quamobrem dia-
 dema regni, pannum magis nobilem quàm
 felicem, rem miserandam potius, quàm
 inuidia dignam plures sapientes olim esti-
 marunt; quia Princeps semper est curis plu-
 ribus anxius, & amicos ac inimicos ob-
 latentes insidias sæpè cogitur formidare. &
 quo maiori quis potitur Dominio, eo amplio-
 ribus quatitur tempestatibus. Enimuerò
 altum nauigant mare qui cæteros regunt,
 ubi plures oriuntur turbines atque procelle:
 sicut ex aduerso in portu dicuntur sistere,
 qui priuatam eligunt vitam. & verum est
 quod

quod Poetarum quidam edixit : Sæpius
 ventis agitur ingens Pinus , & celsæ
 grauiore casu decidunt Turres , feriantq;
 summos fulmina montes Sic Principes ,
 quia priuatis sunt altiores hominibus , in
 pluribus curis periculisque versantur id-
 circo summa est Principi necessaria pruden-
 tia ; & in populis regendis , & varia iura
 illis administrandis magna solertia ac dex-
 teritate indiget . Et quemadmodum qui
 bestias venantur , induunt se pelle ceruo-
 rum ; qui aucupatur aues , plumatis utuntur
 tunicis : nec Tauris nec Elephantis in veste
 rubra , ne irritentur apparent ; sic Princeps
 variis subditorum moribus & conditioni-
 bus multiformiter seipsum benefaciendo ,
 vel puniendo , cunctis se aptare constringi-
 tur . Ad hæc igitur congrua sedulitate per-
 agenda , duodecim quæ subsequuntur Theo-
 remata proponuntur tenenda , quæ ad opti-
 mum regimen Deo placitum , Principi , po-
 pulisque perutile habendum , necessaria esse
 cognoui . Quæ in Salomonis throno , in quo
 recta fuit figurata iustitia , contineri viden-
 tur :

Hora-
tius

Philo in
moral.

tur : quia duodecim Leonibus ornatus ac munitus ille fuit , quibus hæc duodecim theoremata significantur. & quia de illo ob mirum artificium scriptum est , non est factum tale opus in vniuersis Regnis : eodẽ modo Princeps , qui hæc regendo tenet theoremata , Deo erit gratus, & inter Sapientes summa prudentia ac æquitate ubique terrarum commendatos , numerabitur.

T H E O R E M A T A .

- 1 *Cultura Dei.*
- 2 *Iustitiæ æquabilitas.*
- 3 *Subditorum patrociniũ & dilectio.*
- 4 *Abiectio munerum in Foro iudicij.*
- 5 *Ministrorum digna electio.*
- 6 *In inquirenda veritate solertia.*
- 7 *Subiectorum auditio.*
- 8 *Alacris beneficentia.*
- 9 *Virtutis premium ac suffragatio.*
10. *Historica peritia.*
11. *Circumspecta clementia.*
12. *Belli iustitia vel euitatio.*

CULTURA DEI

DEI cultus ac veneratio Principi duplici iure contingit : ad propriam illius salutem , quia sinè vero Dei cultu , terreno principatu expleto, in regione tartarea sicut aeternam sic miserabilem subiret servitutem. Et ad Principatus felicitatem & firmitatem obeundam. quia Religionis unitate , fouetur hominum societas, nutritur dilectio, connectuntur voluntates , firmatur iustitia , eripitur nequitia , virtus inducitur, vitia fugantur , dissolutiones coercentur , res turbata sedantur , tollitur confusio ; proteruia, malorum licentia , & fraudis materia auferuntur, & contumaces obedientes redduntur ,

Duplici ergo via à Principe est Dei tenenda cultura , cælesti & humana : priori modo , quia est Deo parendum , qui à nobis gratiarum tributa iustè requirit. maxima enim mandat equitate, ut à creaturis summa Creatoris excellentia , & nostra obligatio erga illum sacro ipsius cultu protestetur.

Secundò

Secundò: quia remota à populis Religione; unitatis, æquitatis, iustitiæ ac obedientiæ omnino aufertur ligamen. quamobrem si Princeps Dei culturam abiiciat, duplicis culpæ reus erit: quia sibi & Regno parat præcipitium.

Huic autem diuinæ culturæ, postquam Verbum Dei est caro factum, accessit erga Petri cathedram sancita obseruantia, consimiliter necessaria Principi: quia mandato Domini ea omnib. præest hominibus. illi enim dictum est, Quodcunque ligaueris (legibus scilicet non funibus) super terram, erit ligatum & in cælo. & quodcunque solueris &c. & Pasce agnos & oues meas. eo nempe sensu quo Regi David dictum fuit, Tu pasces populum meum Israel. idcirco monetur Princeps his quæ in Deut. leguntur. Postquam autem sederit in solio regni sui, describet sibi Deuteronomium legis huius in volumine, accipiens exemplar à Sacerdotibus Leuiticæ Tribus, & habebit secum, legetque illud omnibus diebus vitæ suæ, ut discat time-

re Dominum Deum suum &c. nec declinet in partem dexteram vel sinistram, ut longo tempore regnet ipse & filij eius super Israel. *Princeps ergo sanam tueri debet religionem, etsi ipsi his quæ religionis sunt præesse non liceat.*

Premissum autem Petri cathedræ obsequium, præter æternam felicitatem, temporalem principatum etiam fortio rem ac firmiorem constituit: quia ipsa Cathedra mater est fidelium, & cunctis velut filiis suis utramque exoptat prosperitatem. videns enim subditorum contumaciam, legibus suis, & auctoritate diuinitus accepta illos compescit ac reprimat, & rebelles obediētes restituit: & Principes qui fortè erant expositi ruinae, ad pristinam dominationem reuocat.

*Si autem Princeps hæc quæ enunciamus venerari renuerit, velut Saulo contumaci ei quandoque dicetur: Quia proiecisti sermo-
nem Domini, proiecit te Dominus ne sis Rex super Israel. & idem quod Salomoni ob idolorum culturam dictum est dicetur*

1. Reg. 11. *cetur ei. Quia non custodisti pactum meū,
 & præcepta mea quæ mandavi tibi, dis-
 ru. apens scindam regnum tuum, & dabo
 illud seruo tuo. Nam facile est Altissimo
 Dan. 2. mutare tempora & etates, regna transferre
 & constituere.*

Coud. *Hac verò cultura Dei amplius in Prin-
 cipe quàm in subditis debet esse spectabilis,
 quia exemplum operum illius maxima est
 virtutis in subditos. Regis enim ad exem-
 plum totus componitur Orbis. & facile
 sanatur populus si à Dei cultura abierit,
 dummodo Principis sit illi conspicua virtus
 & pietas. quæ si ex aduerso ab eo longè fue-
 rint, vniuersa Resp. ruet ad vitia: quia
 sicut in corporibus grauior est morbus qui à
 capite diffunditur, sic perniciosus est dam-
 num, cum procedit à Principe.*

*Nouerat hæc naturæ lumine magnus ille
 Romanus Scipio, qui Africanus ob virtutis
 meritum nuncupatus fuit; cui postquam
 Carthaginem armis cæperat, cum milites
 virginem eleganti forma inde ereptam ad-
 duxissent; respondit: Acciperè nisi essem
 Impe-*

Imperator. Meminit quippè Principem non minus Ducem populi, quàm exemplum operum esse constitutum. Enimuerò Principū acta, si generosa fuerint, salutem: si praua, morum corruptionem subditis afferunt. idcirco sermo Diuinus ait, Secundum iudicem populi sic & ministri eius, & qualis Rector est ciuitatis, tales habitantes in ea. teneat ergo Princeps Dei culturam, pro sua suorumque vtraque potiunda salute.

Ecclesi. 10.

Nec quemquam conturbet, Romanorum ingens imperium sub falso Deorum cultu propagatum, & superstitiosa religione firmatum vniuerso terrarum Orbi nihilominus præfuisse; & plures fuisse Principes, qui falsi numinis cultu principatum obtinuerunt. quia Romani & consimiles Principes, veram se habere religionem ignoranter aestimarunt: non tamen religionem abiecerunt, sed eam, quam veram esse opinati sunt, maximè coluerunt. hinc Leo Papa de Romanorum dicebat imperio. Hæc autem ciuitas ignorans suæ prouectionis auctorem, cum penè omnibus dominaretur

Serm. 1.
in natal.
Apost.

H

gen-

gentibus, omnium gentium seruiebat erroribus, & magnam sibi videbatur assumpsisse religionem, quia nullam respuebat falsitatem. *non abiecerat ergo Romanorum Resp. religionem, sed eā falsam assumpserat, quia veram non obtinuerat. nihilominus Altissimus ei tribuebat dominium, ut per illud Euangelicæ prædicationis veritatis facilius deinceps in vniuerso terrarum Orbe diffunderetur. quamobrem idē Leo Papa ibidem inquit.* Disposito namque diuinitus operi maximè congruebat, ut multa regna vno confœderarentur imperio, & cito peruios haberet populos prædicationis generalis, quos vnus teneret regimen ciuitatis.

Et cætera Ethnicorum regna Deus olim disposuit, & cui vult sua ineffabili providentia semper partitur, quia dominus vniuersorum ipse est, & non est qui possit resistere voluntati eius: ipse mutat tempora & ætates, transfert regna atque constituit: omnia enim sunt in manu eius, & sapientia eius attingit à fine vsque ad finē
for-

fortiter, disponens omnia suauiter. Regna tamen, religione in humana societate & naturali nexu fortius ligantur: quia Regna quæ religionis unitate nō gaudēt, ad dissidia & rebellionem sunt amplius prona. Religio ergo omni tempore fuit necessaria Principibus. cū falsam habuerunt, temporalem tantū per illam connexerunt dominatum cæterum cū vera adfuit & adest, & dom: natum firmat & necit, & æternam salutem tribuit.

IVSTITIÆ ÆQVABILITAS.

Iustitia quæ in hoc exprimitur Theor. Iea non est qua quis supernaturaliter iustus dicitur, nec quæ omnem virtutē complectitur, qua viri boni ac recti neminem ledentes, irreprehensibiles nominantur: nec quæ est habitus inclinans hominem ad se communicandum alteri, quæ amicitia dicitur: nec quæ partitur munera & præmia iuxta personarum qualitates, quæ est distributina: nec quæ in contractibus &

commerciis equalitatem seruat, estque commutativa : sed quæ in Foro iudicij ministratur à Principe, quæ citra personarum acceptionem ius dicitur, vitia corriguntur, rei damnantur, innocentes absoluntur, & unicuique quod suum est tribuitur. Verumtamen non solum iustitia sic accepta, sed quocumque modo sumitur, Principi maximopere congruit : quia sicut potestate, sic bonitate & rectitudine omnes debet antecellere. Quamobrem ad illos sic Diuina Scriptura loquuntur.

Sap. 1. Diligite iustitiam qui iudicatis terram. præbete aures vos qui continetis multitudines, & placetis vobis in turbis nationum :

Cap. 6. quoniam data est à Dño potestas vobis & virtus ab Altissimo, qui interrogabit opera vestra, & cogitationes scrutabitur. quia cum essetis ministri regni illius, non rectè iudicastis. nec custodistis legem iustitiæ, neque secundum legem Dei ambulastis. Horrendè & cito apparebit vobis, quoniam iudicium durissimum his qui præsumunt fieri. Exiguo enim conceditur misericordia,

cordia, potentes autem potenter tormenta patientur. non enim subtrahet personam cuiusquam Deus, nec verebitur magnitudinem cuiusquam, quia pusillum & magnum ipse fecit, & æqualiter est illi cura de omnibus, fortioribus autem fortior instat cruciatio.

Decet autem Principem honor & magnificentia, gloria simul ac diuitiæ. quia dictum est à Deo. Cui tributum, tributum: Rom. 13
 cui vectigal, vectigal. Nam iustitiæ thronus, & humanarum custodia legum his opus habent. enimuerò sicut regimine Principis homines ad bene feliciterque viuendū maxime indigent: sic grandi honore Principem prosequi, semper debent esse parati. At quia huius mundi copia rerum, & magnifica claritas illi contingit, quoniam æquitatis ac iustitiæ solium possidet: si ergo iustitiam deserat vel differat, vniuersum principatus institutum corrumpit, commodum euertit, & diuinam ordinationem spernit: ideoque reus erit lesæ Maiestatis Dei: & quacumque à subditis exhibentur,

tunc occupabit iniquè: cum ipsi pro ministerio iustitiæ ea tantum dignè conueniant. Hinc Dominus talibus flagella atque supplicia comminatur dicens Veli qui condunt leges iniquas, & scribes iniustitiam scripserunt, ut opprimerent in iudicio pauperes, & vim facerent causæ humilium populi mei, ut essent viduæ præda eorum & pupillos diriperent. quid facietis in die visitationis & calamitatis de longe venientis?

Oportet enim Principem punire scelestos. hoc non tantum Fori iura præcipiunt, sed *Rom. 13* *& Paulus docet dicens. Principes non sunt timori boni operis, sed mali: &c. non enim finè causa gladium portat: Dei enim minister est, vindex in iram ei qui malum agit. Cum dicat Apostolus Principem esse Dei ministrum vindicem malorum, iuste hoc fieri & Dei mandato exequendum imperat. Quod insuper naturali iure indicitur. nam non conceditur malis impunè peccare: quoniam pax hominum & rerum omnium periret securitas. Nemo enim esset*
cure,

cura anxietatis & periculi expers. Reos ergo debet omnino pœna multare. quod olim mandatum etiam à Domino fuit. Qui autem superbierit nolens obedire Sacerdotis imperio, qui eo tempore ministrat Deo tuo, & decreto Iudicis, morietur homo ille, & auferes malum de Israel: cunctusque populus audiens timebit, vt nullus deinceps intumescat superbia. Etenim homicidas sacrilegos, & venenarios punire, non est effusio sanguinis, sed legum ministerium.

Deut. 17.

Hieron.
in c. 22.
Hierem.
tomo 4.

Si autem acceptis muneribus hæc exequi omittat: vel pœnam capitis inuertat in incommodum marsupij, plurimum delinquit. Nam leges ea mandantes seruare tenetur. Quia nisi occidantur mali, cæteri ad mala perpetranda fortiùs animantur: eo amplius si scelera purgari pecunia cognouerint.

Nec Principem conturbet quod Evangelium docet. Si quis te percusserit in dexteram maxillam, præbe illi & alteram. Et ei qui vult tunicam tuam tollere, dimitte & pallium. Quoniam non Principes,

Matth. 5.

H 4

sed

sed priuatos homines tunc Saluator instruit. nec ea omnibus præcipit: sed perfectos consulit. Subditis enim est illicita vindicta, quia ciuitatem maximè turbat: que illata à Principe, Vrbes potissimum sedat.

Sæpè contingit honestiores ciues Principi subiectos, prædia saluberrima possidere, quæ quoscunque spectantes oblectare solent. si Princeps ea obtinere exoptauerit, David regis, non autem Achab & Iezabel gesta sectari tenetur. David enim vir Deo acceptissimus, volens altare Domino ædificare in loco quo Angelum Domini viderat, dixit ad Ornan eiusdem loci possessorem. Da mihi locum areæ tuæ, vt ædificem in ea altare Domino: itavt quantum valet argenti accipias, & cesset plaga à populo. Et quia Ornan gratis Regi locum obtulerat, respondit Rex: Nequaquam ita fiet, sed argentum dabo quantum valet: & dedit pro loco ficlos auri iustissimi ponderis sexcentos.

1. Paral.
21.

3 Reg 31

Rex autem Achab volens à Naboth vineam emere, cumque renuisset, quia patrum suorum

suorum hereditatem à se abalienare noluit, Iezabel uxor eius, Regis assensu praecepit ut Naboth adductis falsis testibus occideretur. qua impietate peracta, Rex vineam possedit. Sed Deus iustus & omnipotens, qui ab unoquoque nostrum minimè distat, ad Eliam prophetam hæc locutus est. Surge & descende in occursum Achab regis Israel qui est in Samaria: ecce ad vineam Naboth descendit ut possideat eam, & loqueris ad eum dicens. hæc dicit Dominus: Occidisti, insuper & possedisti. In loco hoc in quo lixerunt canes sanguinem Naboth, lambent quoque sanguinem tuum. & sic factum est, ut sequenti capite diuina scriptura enarrat.

Quos ergo Princeps iustè iudicare tenetur, ut unicuique tribuat quod suum est, bonis quæ possident violenter non debet exuere. Iurisdictio enim & potestas Principis illuc usque non tendit. qui secus existimat, vel munus suum non nouit, vel ad tyrannidem pertransire desiderat. Violentia enim in rebus huiusmodi tunc erit licita,
cùm

cùm id quod queritur, non ad priuatum Principis, sed ad commune Urbis vel Reip. commodum vertitur: quia bono particulari, bonum commune iustè est anteponendum.

SVBDITORVM PATROCINIVM & dilectio.

PErpendat iugiter Princeps, potestatem suam quam exercet, ab hominibus immediatè, à Deo autè mediatè habere originem: quatenus mentibus hominum leges illiganit, ut in Principem aliquem sibi eligant, vel aliunde constitutum sustineant: ut per eum quisque ius suum obtineat: & omnia distinctè & ordinatè disponantur: luant pœnas mali, qui ciuium tranquillitatem turbant, & præmia sumant boni, commune commodum vel honestum decorem Reip. suis operibus afferentes. Ideoque emolumentum populorum multa dilectione intendat, & ciuium bona conseruet & patrocinetur; quia Præfecturæ hic est finis præcipuus.

Æstimet etiam Princeps se supra subdi-

tos à Deo non esse magis dilectum, et si superiorem gradum obtinet: nec eos quos regit aliquando contemnat: quoniam pusillum & magnum ipse fecit, & æqualis est illi cura de omnibus. & *Apostolus ait.* Qui enim iniuriam facit, recipiet id quod iniquè gessit: & non est personarum acceptio apud eum. Propterea quod iustum est & æquum servis præstare: scientes quod & vos Dominum habetis in cælo. Diligit enim Deus noster omnia opera sua, nisi enim ea diligeret non fecisset, nec postea facta servaret. Quos ergo Deus diligit, Princeps non spernat. Dignioribus autem maiorem honorem præbeat & benemeritis. Quod autem ad iustitiam pertinet æqualiter tribuat.

Sap. 6.
Rom. 1.

Coloss. 3.
86 cap. 4.

Sit Princeps cum sibi subiectis quandoque affabilis: eorumque prosperitate gaudeat, quia sic eos sibi amore coniunget: cum sit magnus amoris amor: magisque firmabit solium, & diuinæ voluntati obsecundabit. monet enim Princepem Dominus, Ne eleuetur in superbiam cor eius super fratres

Deut. 17.

SUOS

suos. Iram namque & austeritatem vultus
 sui, scelesti ac malefici solùm inspiciant.
 Rom. 12. etenim ad malos dicitur : Non enim sinè
 causa gladium portat, minister enim Dei
 est in iram ei qui malum agit Ad probos
 autem : Vis non timere potestatem, bonũ
 fac, & habebis laudem ex illa. Quibus ergo
 competit Principis laus, congruit, & eius
 Prou. 19. affabilitas. nam legitur : Sicut fremitus
 Leonis, ita & Regis ira : & sicut ros super
 herbam, ita & hilaritas eius.

Sit Princeps contentus censibus suis :
 nec noua exigat tributa vt subditos reddat
 inopes, sed vt communi utilitati subueniat :
 nam quemadmodum in multitudine po-
 Prou. 14. puli dignitas Regis, & in paucitate plebis
 ignominia illius : ita in subditorum diui-
 tiis gloria eiusdem, & in eorundem mendi-
 citate dedecus. Iustitia quippe quam mi-
 nistrat docet, unicuique quod suum est
 fore reddendum, non autem quod suum
 non est, esse auferendum. Fas & iura si-
 nunt, Principem thesaurum condere vt fiat
 diues, non tamen ex subditorum venatione
 bono-

*bonorum : sed cùm in rebus suis custodien-
dis solertiam tenet: in suis prouentibus con-
seruandis prudentiam seruat ; & in sum-
ptibus superfluis cuitandis moderamine u-
titur. Potest namque Princeps tributa exi-
gere , & vectigalia statuere, si aliunde bo-
na non debeat , quæ suæ præfecturæ digni-
tatem conseruent : vel si pro subditorum
utilitate communi aliquid sit stabiliendum,
non autem pro solo arario suo ditio-
re red-
dendo .*

*Nec prodest exemplo Ioseph Ægypti
proregis occurrere, quòd dum fames omnem
terram premeret , uniuersa bona Ægypti
pro Rege à subditis emit, triticum pro pre-
tio exhibendo : quia eo tempore triticum ære
regio comparatum fuerat, idcirco illud pri-
mum pro pecunia licite vendidit : cumque
deinde Ægyptij pecuniam non haberent,
pecora dederunt pro pretio , postmodum bo-
na stabilia , agros scilicet & vineas. Quod
operari licet , quia quisque quod suum est
vendere potest , & pro pretio vel pecuniam .
vel bona stabilia recipere. Nihilominus Io-
seph*

Seph à Regnicolis in futurum quintam tantum partem fructuum Regi soluendam esse decreuit. præterea casu eidem regno euenit, ut Principi bona stabilia vendere coacti fuerint : hæc enim ubique non accidunt. Sed hinc cognoscant Principes, agros & bona regnorum sub dominio & non tantum usu manere subditorum : quia ea pro tritico vendiderunt; quod non fecissent, nisi rerum illarum dominium habuissent.

Gen. 2.

Animaduertat Princeps se non ita dominari hominibus sicut pecoribus: Ad imaginem enim Dei factus est homo Patroni autem ipsi à patrocinando dicuntur: non autem quia sinè causa eos bonis possunt ex vere, vel occidere. Debent enim omnia bona eorum, ac cuncta iura tueri : hæc planè sunt munera Præfecturæ: eosque pœna multare si mali fuerint, ut cæteris tranquillitatem pacemque ministrent. Quos enim puniunt tunc rectè castigant, si etiam addendo flagella, commune bonum prospiciant.

Firmissimus enim principatus redditur, qui beneficiis & dilectione continetur: nam
bene-

beneficia & dilectio beneuolentiam, supplicia timorem gignunt. quod autem est formidabile, est itidem exosum. etenim iusti finis dominij, salus & commodum obedientium existit: idque est imperium, cura scilicet salutis alienæ.

Ammia.
Marc. 1.
25.

Immodestè olim Antigoni filius principatum gerebat: at his verbis illum pater commonefecit. Non nouisti fili nostrum Regnum esse nobilem seruitutem? Hæc autem monita, Principis erga subditos debitum patrociniū ac dilectionem innuunt. Enimuerò nulla res est, quæ animos subditorum fortiùs capit, quàm patrociniū ac dilectio, & præcipuè cum calamitate aliqua præmuntur: & illos maximè debet dilectione prosequi qui ex clara sunt orti progenie. quia honorificum est ut Principis liberali dilectione ac patrociniō, clarorum hominum fiat propagatio, & veterum familiarum instauratio.

Ælianus
l. 2.

Si autem Princeps patrociniū & dilectionem subditorum abiecerit, & solo timore ac metu illos regere voluerit, diu regnare

non

non poterit : quia quod formidatur , quis-
que perire cupit , ut metus auferatur : & si
adueniat opportunitas , aduersus Principem
audacter insurgent : vel saltem omnia red-
dentur suspecta : & orietur inde Principis
maxima miseria , quia sentiet se omnibus
quos regit inuisum & odiosum esse.

ABIECTIO MVNERVM

in Foro iud.cij.

Princeps cū lites in Foro dirimit, vel
maleficis infert supplicia, non suscipiat
ab illis munera , ut rectum sit eius iudiciū.
Prin. 15. scriptum est enim , Non accipias munera,
Cap. 17. quæ etiam excecant prudentes, & sub-
Deut. 17. uertunt verba iustorum. & , munera de
 sinu impius accipit , ut peruertat semitas
 iudicij. Maledictus enim est qui accipit
 munera , ut percuriat animam sanguinis
 innocentis. Neque magnum & pusillum ,
Deut. 1. diuitem ac pauperem in iudicio distinguat.
 dicebat enim Moyses : Nulla sit distantia
 personarum , ita paruum audietis ut ma-
 gnum , nec accipietis personam cuius-
 quam

quam, quia Dei iudicium est. *imò ut sermo Domini monet*, Neque pauperis miseraberis in iudicio. *cum ergo in Foro non sit miserendum inopi, nec diues nec nobilis erit preferendus: sed æqua ac recta est ferenda sententia.* Legitur enim: Accipere personam impij non est bonum, vt declines à veritate iudicij. & Qui cognoscit in iudicio faciem, non benefacit; nam pro buccella panis deserit veritatem. *Imò de bonis iudicibus sermo diuinus ait.* Qui dixit Patri suo & matri suæ nescio vos, & fratribus suis ignoro vos, & nescierunt filios suos, hi custodierunt eloquium tuum, & pactum tuum seruauerunt.

Exod. 23

Prou. 18

Deut. 32

Recta olim Atheniensium iustitia maxime ubiq; commendata refulsit, quia Areopagitarum tribunal crexerant, in quo noturno tempore absque lumine, his qui iudicium expetebant, iustam ferebant sententiam; quia iudicandos, cum essent in tenebris discernere nequibant. hi ergo qui nec reos nec actores volebant agnoscere, quali eos pæna multassent, qui vt sententiam sibi fa-

uorabilem acciperent, munera obtulissent? Maxima quippe rerum est corruptio, munera à litigantibus recipere vel expetere, pro quibus aqua est ferenda sententia: tunc enim impius pro muneribus omnino iustificatur. idcirco vir quidam egregius, cum iudicis olim fungeretur officio, munera quæ ei data fuerat abiiciens, ait. Si accepissem, pacem cum legibus habere non potuissem.

Plutar. in
Apoph.

Phocioni Atheniensium Duci Rex Macedonum Alexander centum misit donotalenta: at is percontatus eos qui pecuniam deferebant, cur sibi uni illa mitteret Alexander, cum permulti essent Athenienses? illisque dicentibus, quia unum te iudicat virum honestum & bonum: ergo inquit Phocion, sinat me talem haberi & esse. Principibus innuens, integritatem morum tenere non posse, si in Foro iudicij munera susceperint.

Quid ergo de muneribus enunciandum erit? omni quippe tempore non sunt ea dam-nabilia, quia in diuinis scripturis quandoque probantur. Dicendum ergo est, munera
offerre

offerre sepe laudabile esse : vel ad vexationem redimendam malorum : quod fecit Iacob, cum Esau fratri suo, qui ei iratus occurrerat, munera obtulit dicens. Accipe Gen. 33.
munusculum de manibus meis. & suscipe benedictionem quam attuli tibi. Vel ad obtinendum quod cæteris secundum iura tribuitur, ne denegetur quod aliis statuto pretio datur : quod fecisse Iacob & filios eius Ægypti proregi Iosepho, à quo triticum solutione pecuniæ accipere cupiebant, diuina scriptura refert. Sumite, inquit Iacob, Gen. 43.
de optimis terræ fructibus in vasis vestris, & deferre viro munera. Vel ob magnificentia & amicabilis dilectionis ostensionem, ut Salomoni Regina Saba, & 3. Reg. x.
eidem Reginae Salomon operati sunt. Vel pro remunerandis dignis operibus, ut à Nabuch. Danieli gestum legimus. Tunc Rex Daniele in sublime extulit, & munera Dan. 2.
multa & magna dedit ei.

Cum ergo munera cæteris hominibus non afferunt iniuriam, nec leges nec iustitiæ equitatem corrumpunt; recto adhibito fine,

qui morum operibus bonitatem tribuit, munera exhibere vel accipere; minimè dedecet. Cæterum in Foro iudicij, cùm lites sunt decidende, vel innocentia absoluenda, & punienda malitia, procul sunt abiicienda munera: quæ præcipuè iuxta hunc sensum ubique damnata leguntur. idcirco non absolute, sed in Foro iudicij ea repellenda esse, principio diximus.

MINISTRO R V M

digna electio.

QU I A Princeps in omni ditione sua nequit adesse, satagat ministros iustitia delegare prudentes ac timentes Deū.

PROV. 18 quia scriptum est: Dux indigens prudentia multos opprimeret per calumniam. Et Iethro vir eruditus Sacerdos Madian sic
EXOD. 18 suadebat Moyfi. Prouide autem de omni plebe viros potentes & timentes Deum, in quibus sit veritas, & qui oderint auaritiam; & constitue ex eis Tribunos, & Centuriones, & quinquagenarios, & Decallos

canos qui iudicent populum omni tempo-
 re : quicquid autem maius fuerit referant
 ad te. & ipsi minora tantummodò iudicēt.
*Maximum quippe malum est atque peruer-
 sum, eos iustitiæ ministros constituere, qui
 non ad tribuenda unicuique quæ sua sunt
 se delegatos putent : sed ad ditiores inda-
 gandos ciues, ut addita calumnia, ad Fo-
 rum cogantur accedere, ut inde omnibus
 spolientur bonis. His autem iniquis homi-
 nibus dictum est à Domino, Qui calum-* Prou. 22
*niatur pauperem ut augeat diuitias suas,
 dabit ipse ditiori & indigebit. Eligat ergo
 atque discernat viros meliores ac pruden-
 tiores, ut sui muneris dignos accipiat com-
 ministros. non autem quos nec nouit, imò
 fortè indignos cognouit : quia verum est
 quod Qui causam damni dat, damnum
 dedisse videtur.*

*Magnum quippe accidit detrimentum
 Principi, si in iis eligendis, quibus res com-
 mittuntur grauissima, gratia magis quàm
 virtus intueatur & spectetur. Principum
 enim ministri oculi sunt eorum, quibus*

cuncta vident atque considerant . qui si malitia caligauerint , & ipse & illi turpi cecitate sordescant . Dei solius est indignos eligendi potestas , quia dignos eos eligendo reddit , virtute neis & iustitiam tribuens : Princeps autem eadem potestate non pollet ; quamobrem qui digni sunt ab eo tantum eligi debent . Et quanquam supra naturam Adæ culpa destitutam sit , hominem sine peccato esse , his exceptis qui ex privilegio diuino maxima floruerunt sanctitate : illos nihilominus Princeps debet eligere , quibus minor vel minima inest malitia . Totus enim corrumpitur principatus , si rectitudo quæ in Regno requiritur , à ministris abfuerit , in quibus principis æquitatem ac voluntatem subditi conspiciunt .

Fol. ver.
elcc.

Cornelius Ruffinius eques Romanus , vir olim in bello potens , ingenti animo , manibusque promptus , sed rapax & auarus , sæpè dignitatem exoptauerat Consulatus : cui C. Fabritius ob prænotata crimina semper obstiterat ; cum tamen aliquando plures ignauos & bellicæ artis ac fortitudinis expertes

pertes à Senatu Consulatum expetentes cerneret, tunc C. Fabritius præfato Cornelio Ruffinio præbendum edixit. At hic Fabritij benevolentiam admiratus, post Consulatum adeptum, gratias illi agens, hæc audiuit. Noli mirari Ruffine, quia malo indulgere rapinis, quàm servus vendi, prostrato exercitu. quibus docuit, ex malis minus malum esse eligendum, cum non adest optimus: quia inquit, minus malum est habere Ducem rapacem & fortem, quàm liberalem sed ignaum, qui Remp. hostibus substernat. Etsi ergo optimorum hominum sæpè inopia fuerit, Princeps tamen inter malos, saltem minoris malitiæ, sui Regni ministrum tenetur eligere.

Batto Dalmata à Tiberio interrogatus, cur toties cum suis defecisset, & Romanis tantam cladem intulisset: respondit, quia ad custodiendos vestros greges non canes aut pastores sed lupos misistis. contumacia itaque subditorum sæpissimè à ministrorum malitia originem habet. eligat ergo Princeps dignos sui muneris ministros, & principa-

tum possidebit sine timore longævum, & Deum non sibi iratum, sed propitium sentiet: qui ad malos Principes hæc inquit.

Isai. 33.

Veh qui prædaris, nonne & ipse prædaberis? & qui spernis nonne & ipse sperneris? cum consummaueris deprædationem, deprædaberis: cum fatigatus defieris contemnere, contemneris. cum igitur creuerit ministrorum iniquitas, Princeps à principatu ad servitutem transibit.

IN INQUIRENDA veritate solertia.

P*roprium commodum ac emolumentum sic homines quandoque solet arripere, ut dimissa veritate, & omni rerum agendarum equitate, dolis atque fallaciis totius Reip. pernicie, in decipiendis & falsa Principibus suadendis innitantur. Hinc sæpe plures errores oriuntur Principum in rebus agendis, in præmio vel pæna alios afficiendis: inde plurimorum hominum ruinae, cause etiam bellorum, & similia monstra, quæ sæpe*

sæpè contingunt. Quamobrem omnibus in rebus quæ Principi denunciantur, summam in inquirenda veritate solertiam apponere debet: si secus fecerit, sæpè iudicabit iniuste.

Perpendat ergo Aulicorum conscientiam & conditiones, an sit illis omnibus in rebus adhibenda fides, an quos accusant, verè sint criminis rei: an quos commendant, verè sint laude digni. hinc fit ut non deceat Principem properè quicquam agere. Colligunt se quandoque plures Aulici ut Principem decipiant, dicunt quod reipsa non est: Princeps qui domi clauditur, vera non novit: cogitur illud tantùm scire quod illi loquuntur: facit iudices quos fieri non oportet, amouet quos retinere debet: quid multa? bonus, cautus, optimus sic etiam venditur Princeps.

Flautus
Vopisc.
in Aureliano.

Omnis regia potestas his duobus indiget: moderato imperantium regimine, & ministrorum fidelitate ac integritate: his ablatis ac remotis, nulla aderit rectitudo. Hinc Apollonius à Rège Babiloniae rogatus quomodo

modo tuto regnare posset: Si multos, inquit, honoraueris, paucis verò credideris. Quamobrem qui in suos familiares omnia committunt, ad imperandum videntur inutiles: illi enim regnum obtinent, quibus se Princeps credit. Semper itaque Principi vigilandum est, ne deceptus erret, quia nonnisi plurimorum perniciem ipse delinquit. & plerique Principes hac inficiuntur culpa, ut eos quos amant, omnia vera consilia credant suggerere, nihilque ad propriam utilitatem loqui.

Poli. ver.
Princeps

Huiusmodi homines magna digni sunt pœna. nam si capite plectitur qui Principis monetam vitiauit, quanto maiori dignus erit supplicio qui Principis ingenium corruperit, unde regnorum oritur perturbatio, & plurimorum causa malorum. Et sicut maximo dignus est tormento qui fontem publicum unde bibant omnes, veneno inficit: ita nocentissimus est, & valde puniendus qui Principis animum prauis infecerit opinionibus, unde multorum oritur perniciem.

Antiochus cum in venatu ferarum ab
ami-

amicis & famulis aberrasset, casam quorundam pauperum quibus erat ignotus introiit: cum inter cœnam facta Regis mentione audisset ipsum probum esse virum, sed aliquando improbum, quia multas pravis amicis functiones sæpè mandabat, ad eorum facta conuiuens: tum quòd immodico venandi studio frequenter necessaria negligeret: tunc Rex nihil respondit, nec quis esset prodidit: verùm ubi diluculo famuli venissent ad casam, accipiens ab eis allatam cum diademate purpuram: Agè, inquit, ex quo his me indui, heri primùm vera de meipso audiui. quia Principem sæpissimè *Aulici adulantur & decipiunt.* horum autem duplex est culpa, quia vt *Augustinus* ait. qui veritatem occultat, & qui prodit mendacium, vterque reus est: ille quia prodesse non vult, iste quia nocere desiderat.

lib. de
agon.
Christi.

Et Thales à quodam percontatus, quantum à mendacio distaret veritas. Quantum, inquit, oculi ab auribus. Sensit vir prudens ea tantùm vt vera à Principe habenda esse,
que

quæ hominum oculis cernuntur; quia auditus saepe numero mendacia refert, dum plures homines pro utilitate propria, non pro aperienda veritate sermocinantur.

EORVM QUI REGVNTVR auditio.

AD audiendos subditos Princeps frequenter debet esse paratus, causas & lites eorum sollicitè ex munere diiudicans: quia Principi qui iudicare renuit iurè dicitur. Si non vis iudicare, desine imperare. *Aduersus eos qui has partes suas exequi negligunt, conqueritur Dominus dicens: Causam viduæ non iudicauerunt, causam pupilli non direxerunt, & iudicium pauperum non iudicauerunt: numquid super Gentem huiuscemodi non vlciscetur anima mea? Enimuerò cum Princeps ideo detur ut iudicet: quomodo iudicabit nisi audierit? sicut ergo subditos suos expedite iudicare tenetur, sic eos assidue debet audire. idcirco dicitur, Principem oportere stantem mori.*

Hier. n.
5.

Ludo-

Ludonicus crassus, cum fatalem sibi diē instare sentiret, filium è Vasconia reuocauit, coramque hortatus est & obtestatus, ut magis piè regnaret quàm ipse fecisset; religionem coleret, egentibus consuleret, orbis pupillisque prospiceret, paci communique dignitati ac saluti inserviret: Regnum nihil aliud quàm procurationem munusque publicum existimaret: cuius administrationis reddendam exactè rationem continuo post facta sciret immortalis iudici: à qua cuique pro suis facinoribus sempiterna merces vel pœna paratur.

Paulus
Æmil. l.
3 ex Fol.

Huiusmodi monimentum in memoria Principum dignum est semper manere insculptum; ut ea regendo operentur, quæ dum regnandi terminus aduenit, se operatos esse voluissent. Munus autem hoc opere complere nunquam poterunt, nisi sibi subiectos assiduè audierint, & iustam deinde sententiam tulerint.

Omnes enim qui olim Deo placuerunt Principes, talia gesserunt. Moyses, David, Salomon, ac cæteri Iudæorum laudabiles Reges,

Reges, subditorum suorum causas iudicabant attentè, & expeditè sententiam ferebant, ut ipsa diuina scriptura enarrat. Qui ergo illorum voluerit merito ac præmio copulari, eorum gesta sequatur.

ALACRIS BENEFICENTIA.

EA est hominum conditio, & præcipuè generosorū, ut beneficiis erga beneficos æstimentur obstricti, & fidelitatem teneant ad illos in gratiis referendis. Enimuerò pro connectendis Gentibus ac nationibus, nunquam fortiora ligamina exhiberi poterant beneficiis. Quis tam improbus ut non laudet benefactorem, non diligat, non defendat, eique opportunè non seruiat? Quis amplius Principe hoc ligamine indiget, ut populos sibi conciliet & fideles reddat? Quid validius Principe, qui deuinctos sibi amore habet subditos? Quid ad sibi subiectos deuinciendos efficacius beneficio? Si igitur Princeps beneficentiam respuat, nec principatum conseruandiscientiam, nec formam habebit.

Bcne-

Beneficentia confirmat amicos, beneuolos reddit inimicos, Principem laudabilem, securum, felicem, diuitem constituit: quia benefactori quisque & se & sua exhibere promptus erit. ò felicem Principem qui beneficentiam exequitur, ò infelicem Principem auarum, illiberalem, & minimè beneficum! nec laude, nec securitate regnandi, nec ulla felicitate gaudebit. Quis nesciat, agros plus adferre quàm acceperint, & beneficia beneficienti maiora reddi? qui ea serit, dignos fructus metit opportunos.

Cic. 1.
off.

*Optimus Imperator ubique terrarum commendatus Titus Vespasianus fuit, qui sæpè solebat edicere, Non licere quemquam à vultu Imperatoris discedere tristem. Et cum aliquando benefaciendi opportunitate caruisset, vocem illam admiratione dignam emisit. Amici diem perdidisti. Idcirco Alexander Seuerus interrogatus quis Princeps optimus esset? Qui amicos, inquit, muneribus retinet, & inimicos beneficiis sibi conciliat. & Pythagoras
simi-*

Alia.
1. 12. ex
Tol.

similiter interrogatus, qua ratione homines Diis possent fieri similes: respondit, Si veritatem amplectantur, & cunctis benefecerint. & Theophrastus vitam dixit humanam conseruari Beneficentia.

Lib. 4

Nec obstat quod aduersus Beneficentiam à Cornelio Tacito denunciatur: Beneficia scilicet eousque læta esse, dum videntur posse exsolui: vbi multum anteuenere, pro gratia odium reddi. quia hæc vera sunt inter equalis conditionis homines, in quibus frequenter gignitur liuor: at inter Principem & subditos, nulla huiusmodi est causa inuidie, quia homini non licet carere Principe, & Præfectura est hominibus summè necessaria: cum ergo subditus Principis conspicit beneficentiam, equiori ac obsequentiori animo parebit & diliget. Nec tamen quod aliquando in quibusdam prauis cernitur hominib qui odiū pro gratia reddere solent, conturbare debet beneficentiam Principis: quia huiusmodi prauorum hominum, qui ingratitudinis vitio febriunt seuam naturam, etsi gratiam reddere non sit

*sit semper parata, pudebit tamen benefactori
saltem assidue mala retribuere*

*Est enim Principi periculosa res si con-
temnatur, odio habeatur, vel inuideatur.
contemptus vitatur scientia, grauitate, in-
tegritate: odium innocentia & humanitate
lenitur: inuidia beneficentia & magnifi-
centia sedatur. Princeps igitur sic imperare
debet ut potius veneretur quàm metuatur,
quia timorem odium sequitur. idcirco so-
lùm contra rebelles audaciam, erga subiectos
verò beneficentiam tenere expedit. quia nul-
lum animal inuitè retinetur perpetuò; si
poterit, effugiet. non licet ergo Principi su-
perbè & sinè beneficentia imperare, quia ne-
mo ei erit libenter obediens. Decet tandem
Principem ea imperare beneficentia, ut sibi
Princeps, si subditus esset, imperari exo-
ptaret.*

Marf.
Fic inep.
lib. 5. ex
Pol.

*Taxiles vnus inter Indorum Reges oc-
currens Alexandro Macedoni, qui exerci-
tu valido Indos expugnaturus accesserat, sic
ei loquutus est, Si inferior es, à nobis accipe
beneficium, si superior, benefacito. mo-*

Plut. in
apoph.
ex Pol.

K nuit

nuit esse magis proprium Principis benefacere, quàm officere, quod Alexander exequutus est: nam Regnum quod possidebat ei dimisit, & maiorem ditionem addidit.

VIRTUTIS PRÆMIUM ac suffragatio.

DEcet Remp. viris eruditis ac in bonis
 Sap. 6. *artibus versatis redundare; idcirco scriptum est, Multitudo sapientum sanitas est orbis terrarum. enimvero scibilibus & agendarum rerum inscitiam, magnum esse malum rectè olim opinati sunt Philosophi: quia non nisi sapientia & scientia nouimus quid eligendum, quid utile, quid nocuum: sinè ipsis omnis vita degenda & rerum gerendarum ratio tollitur, omnia tenebrosa sunt, inordinata iacent vniuersa. quomobrem in scripturis sanctis hæc de illa scripta leguntur: Melior est sapientia cunctis pretiosissimis, & omne aurum ei non potest comparari. & cognitio sapientis tanquam inundatio abundabit, & consilium illius sicut fons purus vitæ.*

Et

Et Cicero inquit : sapientia quæ est di-^{2. Off.}
 uinarum rerum cognitio, & scientia quæ
 rerum humanarum est notitia, nihil opta-
 bilius, nihil præstantius, nihil homine di-
 gnus : cuius studium si quis vituperet,
 haud sanè intelligo quid nam sit quod lau-
 dandum putet. & 1. de inuent. subdit. Ad <sup>1. de in-
 uent.</sup>
 Remp. plurima veniunt commoda si mode-
 ratrix omnium rerum præsto est sapientia.
 Hinc ad eos qui illam adepti sunt, laus,
 honor, & dignitas confluere debent. Et Vir
 eruditus ac sapientia præditus non perit, nisi
 graui Reip. dispendio.

Cum ergo Regnis utiles ac necessarij sint
 homines qui cælestium & humanarum re-
 rum pollent notitia, & insuper omnium bo-
 narum artium peritia : Princeps his suffra-
 gari tenetur, eisque condigna præmia di-
 stribuere, quæ pro rebus benè gestis assidue
 debent esse parata. Ea enim ciuitas ritè <sup>Pol. ver.
 præm.</sup>
 gubernatur, aiebat Socrates, in qua boni
 inuitantur præmijs, iniusti dant pœnas.
 Stomachatur enim sapiens, si Principem ig-
 nauis ac fortibus parem honorem tribuere

viderit. Nihil non aggressuri sunt homines, si magna conantibus, magna præmia proponantur: quia ipsum facit opus leue, & spes illius laboris est solatium. Et ubi malos præmia sequuntur, haud facile quisque bonus erit. Bonorum enim præmia bonos, & malorum malos parturient. Damnosum est cernere virum in Rep. pauperem, qui illius fuerit benemeritus. Nec stabit ulla Resp si rectè factis nulla sint præmia. Omnes erunt socordes & otiosi.

HISTORICA PERITIA.

S*apientia Principi maxime congruit, ut Regnum debita regat providentia: & ut fiat sapiens, veterum virorum gesta præcipuè noscere & perpendere decet: ex illis enim quæ sunt euitanda vel exequenda discernet. nam turpia malorum Principum opera, & optimorum Regum egregia facta in illis exarata leguntur. quamobrem Spiritus sanctus, qui sacrarum est auctor scripturarum, sapientum conditiones enarrans, inquit. Sapientiam omnium antiquorum exquiret*

exquiret sapiens, & narrationem virorum nominatorum conseruabit. *Pulcherrimæ quippe extant aliorum Principum in serie historiarum picturæ, quæ luculenter ostendunt, quot à circumstantibus amicis decepti fuerunt, quot illis paratæ sunt insidiæ: & ut paucis me expediam verbis, unde bona & utilia, mala & incommoda aduenire Principibus, in illis conspicuè discernitur. & quia ars longa, vita brevis, & experimentum difficile, si Princeps antiquorum facta ex historiis nouerit, velut omni tempore vixerit, & ea quæ legit inspexerit ac pertractauerit, sic sapiens & prudens, etsi longæuus non sit, plurimum admiratione fiet. & quæ priscos Principes periculosa experientia prudentes reddidit, breui tempore una simul, si in historiis legantur, Principem erudient. Cumque prudentia, ut philosophus inquit, sit propria Principis virtus, ex historiarum notitia ea maximè pendet. Neminem enim decet plura scire quàm Principem, cuius doctrina & ipsi & cæteris sibi subiectis prodesse debet: idcirco hi-*

Lib. 3.
Polit.

istoriarum lectio, in qua ferè cuncta cernuntur, est illi apprimè necessaria.

Omnis enim Principatus qui disciplina caret & rerum præteritarum notitia, ad interitum vadit: & multa ridicula & inepta peragere necesse est. quia ut præmisimus, vita hominum brevis est, nec poterit rerum omnium experimentum facere, ut prudenter quæ sunt statuenda decernat. at si veterum gesta ex historiis nouerit: quod alios experientia docuit, ipse earum rerum notitia & lectione percipiet. Si secus fecerit, cum arduum sit benè imperare, cæcus cæcum ducet, & ambo in foveam cadent.

Nec defuerunt olim Principes, qui ad eam deuenerè dementiam, ut omnem rerum cælestium & humanarum notitiam abiecerint: autumantes propriam illorum voluntatem in omnibus rebus à sibi subiectis agendis, regulam semper esse futuram. at hoc est tam impium, & tanta scatet culpa, ut non hominum sed dæmonum sit opinatio. Omnis enim creata voluntas potest obliquari, & superiore ac diuina regula indiget ad rectè
ope-

operandum : sola Dei voluntas est recta per
essentiam, & prima regula rectitudinis,
ceteris aequitatem tribuens. ipsa solùm ha-
bet, ut illud sit bonum quia à se volitum.
non enim aliquid in se bonum est, ideò à
Deo sancitum, sed ideo rectum, quia ab
ipso probatum. Pugnat ergo cum Deo Prin-
ceps, si regulam aliorum suam voluntatem
statuerit : & à superiori naturæ lumine, à
Deo menti humanæ inserto ; vel à diuino
iure positivo, & sacris Ecclesiæ regulis dis-
crepauerit. Impudica vox illa fuit, quæ vo-
luntatem Principis omnibus in rebus esse
debere agendi regulam significauit : nam ex
nouerca Antonini Caracallæ Rom. Impera-
toris prodit : cum enim esset pulcherrima,
veluti ex impudentia corpus coram illo
magna ex parte nudauit : cumque dixisset
Caracalla, Vellem, si liceret. si libet, inquit
illa, licet : an nescis te Imperatorem esse, &
leges dare, non accipere ? sicut olim ex impu-
dicitia, sic nunc temporis ab arrogantia or-
tum habet hæc opinio, ut Principis volun-
tas sit prima rerum agendarum regula, &

inuri diuino naturali, ac positino, & Ecclesiastico non subiaceat.

In Apol.
Dauid.

Fatemur Principem legibus non esse subiectum quoad vim coactiuam: seu pœnis coerceri non posse, quæ humanis legibus infliguntur, ut pro Dauid Rege dixit Ambrosius. cæterum si rectus ac iustus ipse fuerit, primus illarum erit exequutor. quia sicut scientia ac sapientia aliunde sibi adueniente indiget: ita etiam legibus, quæ à sapientum consilio denunciantur, & ab auctoritate Principis vim ad cogendum obtinent.

Lib. 6 c. 5

De Locrensi Zaleuco refert Val. max. legem ad excæcandum adulterum dedisse: cumque filius eius in adulterio esset deprehensus; se vno filium altero priuauit oculo, ne ob acceptionem personæ lex lata violaretur. Hæc sunt digna gesta tenenda à Principibus, etsi Principes, ut præmisimus, huiusmodi legum pœnis non subiaceant. Non est autem Principis voluntas recta agendi regula: indiget ergo exteriori scientiarum lumine, & notitia rerum agendarum, quæ ex historiarum cognitione præcipuè procedit,

ut

ut debita equitate operetur & regat.

CIRCVMSPECTA CLEMENTIA.

His est utendum artibus Principi quæ suæ populorumque utilitati prospiciunt: propterea patroni dicuntur, quia debent eorum habere patrociniū. Inter huiusmodi laudabiles artes, clementia est præcipua, quæ ut Seneca inquit, lenitas est superioris erga inferiorem in constituendis pœnis, vel virtus moderatiua pœnarum secundum legem: quæ ab epicheia seu epÿkia differt; quia clementia in pœnis infligendis ex affectus lenitate, epÿkia autem secundum intentionem legum moderatur affectum. Hugo de S. Victore hæc addit: clemens dicitur animus quando est tener ad compatiendum, facilis ad remittendum promptus ad subueniendum. & Arist. ait. Eum qui modum in ira tenet, clementem: mediocritatem autem clementiam mansuetudinemque nominamus.

lib. de
Clem.

S. Thom.
2.2.
q. 159.
a. 2.

Pol. ver.
Clem:

Lib. 2.
Etic. c. 7.

Ad hanc commendandam clementiam, Salustius Orat. ad Casarem inquit: Qui
beni-

de Rep.
ordinan-
da.

benignitate ac clementia imperium temperare, his lata & candida omnia visa, etiam hostes æquiores quàm alijs ciues. nihilominus debet clementia esse circumspecta, ne scilicet iustitiam malorum punitiuam euertat, quæ Reip. est necessaria simpliciter. quia nisi puniantur mali, cæteri ad praua opera facienda incitantur. idcirco Zonaras inquit: Homini priuato satis est moderatio, æquitas, placabilitas, & in omni cultu & victu modus. Principi verò præter hæc est colenda iustitia, & ratio ciuium habenda, & vetera instituta tuenda. Hinc Cleomenes cum audisset ab amicis, Magistratum placidum mitemque erga omnes esse oportere, respondit: Benè quidem, ita tamen ne sit contemptui. significans nimiam clementiam ciuitati perniciosam esse. Ad priuatas dimittendas iniurias Princeps utique debet esse paratus: quia miserum est humane vitæ instrumentum, recordatio subsequens commissæ crudelitatis: quamobrem prudens Abigail, ut sacra Regum narrat historia, hæc David aduersus Nabal virum suum irato

in Alex.
Com. l. 3

Plut. in
lacon. ex
Pol.

Reg. 25

irato dixit Cum ergo constituerit te Dōminus ducem super Israel, non erit tibi hoc in singultum & in scrupulum cordis Domino meo, quod effuderis sanguinem innoxitum, aut ipse te vlcus fueris, &c. in his autem quæ Remp. ledunt, seuerum esse oportet: ita tamen, ut non hominem, sed crimen insectari videatur.

Iustitia igitur erga malos inuiolatè seruata, cæterum clementia Principi, ut præmisimus, necessaria dignoscitur: primum quia in publicos Reip. hostes, non in suos debet vlcisci. Hostibus enim Principis ob principatus accessum, potius securitas aduenit. nam priuatis affectibus debet cedere, ubi publica res agitur, quia pater populorum est constitutus; idcirco aduersus eos munus hostis tenere non decet. Quamobrem Adrianus cum esset Imperator quendam conspiciens qui sibi fuerat hostis acerrimus, ait. Imperator sum, euasisti. sciens principatus munere res suas priuatas non licere peragere, sed publicæ subditorum utilitati vacare teneri.

Sic

Sic enim privatis hostibus ignoscendo, amplius suum firmabit imperium : quia mansuetudinem & clementiam omnibus se habere patefacit. Quamobrem Cicero videns Cæsarem Pompeij statuas deiectas honorifice collocantem, ait. Cæsar dum Pompeij statuas reponit, suas stabilic. quia scilicet clementia principatum reddit firmiorem. Enimvero austeritas res est Principi perniciosissima, si ultra malos homines progredia-
 tur : quia subditos turbat, odium in Principem parit, inobedientiæ viam aperit, pacem aufert quæ inter Principem & populum necessaria dignoscitur, conscientias facit iniquas ; quia cum omnes homines imaginem Dei habeant, servituti more bestiarum non acquiescunt : quamobrem Principem austum odio habent, intima cordis cogitatione ruinam illius machinantur, eam executioni mandare opportunitate careant, cordis tamen duritiem licet à Deo vetitam, non dimittunt. Et quia nullum violentum perpetuum, cursu temporis rerum scissuram certissime pariet. Princeps
 ergo

ergo qui clementiam reiicit , in heredibus
saltem regnum profectò abiiciet.

Antigonus Rex Macedonum numeroſo
exercitu aggreſſurus *Athenas* ; amicis ſua-
dentibus ut ſi eam caperet , validis illam Plut. in
Apoph.
ex Pol.
præſidiis communiret , nequando deficeret ,
reſpondit : ſemper in ea fuiſſe ſententia , ut
crederet clementiam plus poſſe quàm violen-
tiam. Idemque cum prius regnum ſuum
durè , poſtea placidè rexiffet , mirantibus
ſubditis dixit. Prius opus erat Regno, po-
ſtea gloria & beneuolentia, qua illud con-
ſeruatur.

Nihilominus Princeps munitiſſimas ar-
ces habere debet in ditione ſua, ut *S. Thom.* lib. 2. de
Reg. Pri.
cap. 11.
monet, quia regendo, corrigendo , & guber-
nando audax erit & ſecurior , & præcipuè
ſi ſubditos habeat barbaros, vel ad rebellan-
dum proclives : ſic enim ad obediendum il-
los promptiores faciet. Indiget ergo Princeps
munitionibus ad munera ſua liberè exe-
quenda, ad Regalem magnificentiam tenen-
dam , ad theſauros pro communi utilitate
cuſtodendas : exemplo *David* , qui arcem
Sion

Sion edificauit ad sui tutelam in Hierusalem : & Romanorum , qui arcem Capitolij habuerunt , & varia municipia ; & Iude Macch. qui prefatam arcem Sion dirutam instaurauit : non tamen ad sibi subiectos maiori securitate vexandos , vel penitus libertate spoliandos ; cum post iustitiæ ministerium in eo fulgere debeat circumspecta clementia .

B E L L I I V S T I T I A vel euitatio ,

B*ellorum equitatem ac necessitudinem à nature lumine dictari , quod mentibus nostris à Deo ut legislatore fuit insertum , exploratum est ac perspicuum. Quamobrem ad hæc belligerandi iura distinctè & ordinatim enarranda , tria ad belli iustitiam requiri pronunciamus .*

Iustam causam , nempe ad vitæ , famæ , ac bonorum patrociniũ externorum : quia vim vi repellere licet Legitimam auctoritatem ; quia soli Principi bellum indicare contingit , ad hoc ut omni confusione remota ,

mota, cuncta ordinatè fiant. Si enim unicuique bella parare liceret, amoueretur ordo, & inueheretur maxima confusio. & Rectam intentionem; nam æquum est bellum inferre commune bonum destruentibus, populorum pacem, & sanam Religionem inficientibus. quæ nisi adfuerint, bellum proculdubio erit iniquum.

At his positis conditionibus, quis damnabit bellum, inquit Augustinus? an quia moriuntur quandoque morituri, ut dominantur in pace victuri? hoc reprehendere timidorum est, non religiosorum. Nocendi cupiditas, ulciscendi crudelitas, impacatus atque implacabilis animus, feritas rebellandi, libido dominandi, & similia: hæc sunt quæ in bellis iurè culpantur, ut etiam iurè puniantur. Alioquin Ioannes, cum ad eum baptizandi milites venirent dicentes, & nos quid faciemus? responderet eis, arma abiicite, & militiam istam deferite, neminem percutite, vulnerate prosternite neminem. Sed quia sciebat eos, cum hæc militando facerent non esse homicidas,

lib. 22,
contra
Faustum
cap. 74.
tomo 6.

cidas, sed ministros legis, & non virores iniuriarum suarum, sed salutis publicæ defensores, respondit eis. Neminem concusseritis, nulli calumniam feceritis, sufficiat vobis stipendium vestrum. & Dominus iubet hoc stipendium reddi Cæsari, quod Ioannes dicit sufficere militi. Reddite inquit Cæsari quæ Cæsaris sunt, & Deo quæ Dei sunt. Ad hoc enim tributa præstantur, ut propter bella necessario militi stipendium præbeatur. Merito & illius Centurionis dicentis, & ego homo sum sub potestate constitutus, habens sub me milites, & dico huic vade & vadit: & alij veni & venit, & seruo meo fac hoc & facit, fidem laudauit: non illius militiæ desertionem imperauit.

Salust.
de bello
Iugurth.

Nihilominus ad bellum euitandum omnis est adhibenda solertia, si aliunde belli finis, qui est pax & rerum æquitas non poterit expiscari. quia omne bellum facile sumitur, sed ægerrimè desinit: nec in eiusdem est potestate initium & finis. incipere cuius etiam ignauo licet: deponi

autem

autem, cùm victores volunt. Prudentes enim pro pace obtinenda bella gerunt, & laborem spe otij sustentant: tunc igitur utile est ad arma concurrere, cum apud hostes, locum non potest inuenire iustitia. Enimverò præstat bellum euitare, honestis conditionibus hosti concessis, quàm se cupiditati vindictæ, in incertum belli euentum conijcere. Quia bella sapissimè scopæ asperrimæ sunt, quibus terra desolatur, & Regna destruantur; propterea huiusmodi adire discrimina, sinè maxima causa, non modica est imprudentia

Quamobrem Diogenes Philosophus Philippo Regi Macedonum cum Græcis pugnaturo, cum ad eius castra duceretur & interrogaretur an explorator esset, verba quæ sequuntur obiecit. Vtique explorator sum, sed imprudentiæ ac vanitatis tuæ, quia nullo cogente, de vita & regno dum præliaris, periculum facis, qui pacificè ea possidebas. Bellum ergo est magis euitandum quàm adendum.

L

Cùm

Cum ergo Princeps hac documenta seruabit, Salomonis solium duodecim Leonibus munitum: auro fuluo nimis, dilectionis videlicet ac iustitie ubique refulgens possidebit. eique insuper hac verba colenti, in sui muneris consummatione dicetur: Euge serue bone & fidelis, quia in pauca fuisti fidelis, supra multa te constituam, intra in gaudium Domini tui. Quia scilicet Regnum in terris iuste duxisti, sume à Deo caelestia ac felicitiora regna. Principi autem qui hac venerari contemnit, hac dicta seruantur. Inutilem seruum eiicite in tenebras exteriores: illic erit fletus & stridor dentium.

*Omniū moderatori Deo Opt. Max.
honor & gloria.*



DE

DE LAVDABILI SVBDITORVM OBSE- QVIO AC OBSERVANTIA ERGA PRINCIPEM, THEOREMATA.

Fecit quoque Salomon mare fusile decem cubitorum à labio vsque ad labium, rotundum in circuitu, & stabat super duodecim Boues fusiles: quorum tres respiciebant ad Aquilonem, & alij tres ad Occidentem: porrò tres alij Meridiem, & tres qui reliqui erant Orientem. 3.Reg.7. & 2.Paralip.4.

S I onera subire ac suscipere, potius munus Principis quàm subditorum aperiat & exprimat, quia ipse curæ & providentiæ omnium sibi subiectorum assidue subiacet: quemadmodum Moyses contestatus est dicens: cur Num.11. imposuisti pondus vniuersi populi huius super me? & Dominus Moysi itidem signifi-

L 2 nifi-

Exod. 3. nificauit, cum in exitu de Ægypto præcederet eos ad ostendendam viam per diem in columna nubis, & per noctem in columna ignis: ut sciret scilicet suo principatu, populi esse subiectum ac fundamentum, sicut columna, quæ basis est & fulcimentum edificiij. Nihilominus sustentatio oneris, sicut Principis, sic etiam subditorum officium aptè declarat: nam quemadmodum Princeps curæ regiminis subiicitur, sic etiam subditi ad obediendum, & ea omnia exhibenda, quæ Principis conseruationi, ac Reip. communi utilitati sunt necessaria, debent esse parati atque subiecti, idcirco obedientia, quæ ad mandatorum Dei obseruantiam requiritur, ab eodem Domino similitudine iugi in Euangelio exhibetur: iugū, inquit, meum suaue est, & onus meum leue, cum igitur subditi legibus Principis parere debeant, & insuper tributa præstare, iugo & oneris sustentatione aptissime figurantur.

Quamobrem quod Salomon vir omnium eruditissimus edidit, cum mare aeneum fusile

file construxit, illudque super duodecim boues similiter fusiles posuit, ad Principis ac subditorum conditiones exprimendas, maximè facit. Quia sicut mare variis quantitur ventis ac tempestatibus, sic Princeps pluribus populorum curis, anxietatibus, hostiumque etiam occultorum periculis sapissimè exponitur. Et sicuti mare amaritudinem habet aquarum, ita Princeps asperam & curis plenam sic vitam ducit, ut plures à munere Principis sponte aliquādo abierint: & postmodum leto animo clamauerint: Portum inuenimus, spes & fortuna valete.

Boues autem qui vas illud aneum sustentabant, subditos significare videntur, quia Principi obediendo, obsequendo, & cuncta quæ ad solij tutelam requiruntur subministrando, subuenire tenentur: sic enim portant subditi Principem, ut non tantum illum instituant, quia sinè subditis Princeps non esset; sed illum in solij gloria ac decore sustinent: seipsos opportunè, & bonorum quæ possident partem tribuendo. Verum quia de munere Principum in Supe-

riori opere differuimus, nunc de subditorum laudabili obseruantia; sub Boum metaphora disceptare aggredimur. Cumque Boues illi duodecim, quatuor orbis terrarum plagas terni conspicerent, ad communem ubique hanc subditorum sortem fortè demonstrandam: vel ad assiduam cuiuscumque temporis debitam obseruantiam erga Principem significandam, quadripertitam hanc Boum distinctionem quaternario Theorematum numero sequemur, quibus laudabilem populorum subiectionem in proprium Principem expendemus.

T H E O R E M A T A.

1. Prompta ac iusta obedientia.
2. Rebellionis euitatio.
3. Bonorum operum rectitudo.
4. Reuerentia sinè detractiōe.

P R O M P T A A C I V S T A obedientia.

HUmano generi Principatus adeo dignoscitur necessarius, ut eo ablato,
uni-

uniuersus terrarum orbis longè deterioris
 esset conditionis Turri babel, ubi confusum
 est labium uniuerse Terræ. etenim cum va- Gen. 11.
 riæ sint hominum nationes ac ingenia, mores
 diuersi, viresque dispares; ex hac dissimi-
 litudine furta, rapinæ, homicidia, & omnia
 malorum genera ortum ducerent, Terram-
 que occuparent. nec discrimen adesset inter
 nobilem & ignobilem, sapientem & insi-
 pientem, bonum & malum quæ omnia au-
 feruntur posito Principatu, cui ex munere
 contingit ius suum unicuique tribuere, ma-
 los punire, bonos præmiis honorare, pacem
 atque felicitatem omni populo præbere. id-
 circò eruditissimus Salomon ait: Vbi non Prou. 17.
 est gubernator, populus corrumpitur.

Quamobrem perpendens Apostolus bene- Tit. 2. 1
 ficiorum pondus, quod à Principe in popu-
 lum emanat, hæc scribit: Admone illos
 principibus & potestatibus subditos esse;
 dicto obedire, ad omne opus bonum pa-
 ratos esse. & ad Tim. ait: Obsecro igitur, Ep. 1. 6. 2.
 primùm omnium fieri obsecrationes, ora-
 tiones, postulationes, gratiarum actiones

pro omnibus hominibus, pro regibus & omnibus qui in sublimitate sunt.

Enimuero beneficia quæ principatus populo exhibet, his quæ uniuersa terra Sol adfert, ritè possunt comparari: nam quemadmodum Terrarum orbis, ablato Sole, chaos esset tenebrarum, & omnia fierent infæcunda atque sterilia: sic genus hominum si principibus careret, omnibus malis, & rerum agendarum confusione redundaret. Manifesta ergo sunt beneficia principatus, eiusque summa necessitas: adeo ut si quis hæc animaduertere nequeat, haud scio an hominis titulo gaudere mereatur.

Veruntamen sicut principatus naturali ac Diuina Sanctione pro naturali felicitate obtinenda summe necessarius percipitur, eodem modo & populorum obedientia est ubique erga Principem apprime debita. nam nequiret Princeps proprium exequi munus, & prænarrata inferre beneficia, nisi populus mandatis & legibus illius promptam exhiberet obedientiam. Ius ergo quod Principem constituit, populum obedientem simili-
liter

liter instituit, eiusque necessariam obedientiam aequè demonstrat. idcirco subditis, omnibus in rebus quæ ad finem eundem diriguntur, Principi obedire tenentur: dummodo quæ ipse mandat, superioribus regulis, Diuinis scilicet & Petri cathedra legibus ac doctrinis non aduersentur. tunc enim leges ciuiles, & Principum mandata contemnenda sunt, cùm Dei & Ecclesiæ Sanctionibus contradicunt, exemplo trium hebræorum qui Regi Nabuch. restiterunt. nolentes statuam quam erexerat adorare: & Petri Apostolorum principis & Ioannis Apostoli, qui Principibus Iudæorum Euangelij promulgationem prohibentibus contradixerunt dicentes, Si iustum est in conspectu Dei vos potius audire quàm Deum, iudicate. & cap. 5. Obedire oportet Deo magis quàm hominibus. ideoque huiusmodi obedientiam iustam esse debere, principio diximus.

Dan. 3.

Act. 4.

Cæterùm integra manente diuina & Ecclesiastica lege, populus ad obediendum Principi debet esse promptus atque paratus.

cuius

- cuius obedientia perspicuum habetur exem-
 Cap. 15. plum 2. Reg. ubi sic legitur. Et ait David
 seruis suis qui erant cum eo in Hierusalē:
 Surgite fugiamus, neque enim erit nobis
 effugium a facie Absalon &c. Dixeruntq;
 serui Regis ad eum: omnia quaecunque
 praeceperit Dominus noster Rex, libenter
 Cap. 16. exequemur serui tui. & 4. Reg. Miserunt
 ergo praepositi domus, & praefecti ciuita-
 tis, & maiores natu & nutritij ad Iehu
 dicentes: serui tui sumus, quaecunque
 iusseris faciemus. Et similiter Principi
 sumptus & tributa subditi dare tenentur.
 ut solium ac dignitatem debito teneat de-
 core, & communi utilitati subueniat, ut
 Matt. 22. Saluator noster monuit dicens: Reddite
 ergo quae sunt Caesaris Caesari, & quae sunt
 Cap. 17. Dei Deo. & Paulus ad Rom. Ideo enim
 & tributa praestatis: ministri enim Dei
 sunt, in hoc ipsum seruientes. reddite
 ergo omnibus debita: cui tributum tribu-
 tum, cui vectigal vectigal, cui timorem
 timorem, cui honorem honorem.

*Hac autem de qua loquimur obedientia
 sub-*

subditis decorem ac meritum etiam auget,
quia à iustitia trahit originem : nam ipsa
habitus est parendi præceptis omnibus quæ
à ratione proficiscuntur. & quemadmodum
peruersus est qui bona , honesta , ac utilia
mandata negligit , sic rectus est ac iustus ,
qui suo Principi promptè obedit. Salus enim
regnorum ex obedientia procedit. quid enim
utilius quàm obtemperare prudentibus ,
Magistratibus scilicet & Principibus, qui
ea quæ mandant , prius sana ac honesta esse
accuratè perpendunt ? Imò quo promptior
est quisque ad obsequendum Principi , eo
amplius honoribus & opibus opportunè de-
corabitur. ideò obedientia , si fuerit prom-
pta, præter honestatem & decorem, obtempe-
ranti causa est utilitatis , & quandoque
etiam maxime laudis : nam Cyrus Persa-
rum Rex quendam ex suis militibus coram
exercitu valde laudauit, quia dum hostem
in prælio esset interfectorus, illicò illum di-
misit incolumen , quia regias tubas audie-
rat , quæ terminum prælij innuebant , &
milites à præliando renocabat, sciens Principi
exactè

lib. 1. de
Rep.

exaetè & promptè esse parendum. Imò còtendit obedientie decor, ut magis laudabilem obedientem subditum, quàm Principem imperantem exprimat: nam Plato inquit, Bonorum ac prudentum natura & conditio est, magis quiescere & obedire quam aliis imperare. Subesse itaque ac sponte obedire, sicut maioris rectitudinis signum est evidens, sic etiam amplioris prudentie; quia laborem & varias regiminis anxietates euitat, in quibus Princeps assidue versatur.

Quamobrem Demosthenes potius in exilium quàm ad Tribunal ob regendi difficultatem ac fastidium se velle pergere affirmamahas. & similiter Themistocles amplius sepulchrum, quàm principatum eligere se paratum fore dicebat. Et reuera, magnam potentiam ambit inexpertus, odit expertus, etsi eam deinde deponere non sit tutum.

Principem ergo tanto onere grauatum, inobedientia & contumacia exagitare, abominabile est: & vniuersum in super rerum
ordi-

ordinem soluit ac miscet qui talia operatur.
 & quem potius quisque prompta obedientia
 ex anxietate subleuare debet, inobediendo
 amplius onerare, & ad sui exitium vexare,
 extrema est animi peruersitas. Si autem
 subditus, Principis onus considerando, il-
 lius miserationem habuerit, obsequium
 quod illi debet, minus erit onerosum. quam-
 obrem contumacia in imprudentibus cerni-
 nitur & inconsideratis hominibus, qui
 quàm molestum sit homines regere non intel-
 ligunt nec perpendunt. Prudentes verò nun-
 quam principi contumaces sunt, quia onera
 illius dignoscunt: & dum curas illius con-
 tuentur, libentissimè parent, onusque obe-
 dientia minus sentiunt.

Etenim sicut pes libenter seruit oculo,
 quasi sibi seruiens, sciens quia nisi oculus
 suo ministerio usus fuerit, nec ipse suo po-
 terit uti: & oculus libenter seruit pedi,
 quasi sibi seruienti; sciens quia nisi pes suo
 fungatur munere, nec ipse suas exequetur
 partes: sic subditi Principi obedire ac ser-
 uire grato animo debent, quasi sibi seruirent;
 quia

quia Princeps re ipsa subditis etiam seruit, omnia mala, principatus munere tollendo, quæ homines redderent infelices. Cum ergo Princeps populo sic seruiat, cur populus Principi seruire ac obedire renuet? Ex his equidem quæ præmissimus inobedientiam erga Principem ex inscitia & inconsideratione ortum ducere animaduertimus. nam quis tam impius & rudis ut non seruiat ei qui sibi ita seruit, ut mala plurima auferat, & quietam felicitatem ei tribuat? Fulgeat ergo in subditis prompta ac iusta erga Principem obedientia, quia nimis est rationi consona.

REBELLIONIS EVITATIO.

Pincipem dispositione ac voluntate diuina principatum obtinere, utriusque

Cip. 4. Fæderis pagina nos erudiunt. Excelsus inquit Daniel, dominatur in regno hominum, & cuiusque voluerit dat illud. &

Rom. 13. Apostolus ait, Omnis anima potestatibus sublimioribus subdita sit, non est enim potestas nisi à Deo, quæ autem sunt, à Deo

Deo ordinatæ sunt. & ratio insuper hoc idem ostendit. quoniam Dominus, qui omnia creauit, & similiter conseruat, eadem disponere necesse est: quia omnibus est intimè præsens, imò in ipso viuimus, mouemur, & sumus. nec affirmare decet, vt Princeps sinè illo qui gubernat omnia, regimen habeat: sicut ergo omnia Deus producit, sic omnia pariter ordinat & distribuit. Quamobrem subditi proprium principem à Deo sibi esse constitutum, & à Dei consilio prouenire, firmiter asseuerare debent. Sic David Deo acceptissimus, Saul regem, etsi sui persecutorem acerrimum, assidue veneratus est, velut Dei minister: & cum David illum potuisset occidere, quia Saul ipsum interfectorus accesserat, inquit. Propitius sit mihi Dominus, ne faciam hanc rem Domino meo Christo Domini, vt mittam manum meam in eum, quia, Christus Domini est. idest Dei mandato unctus in Regem. Eandem obseruantiam erga Principem, subditi assidue ostendere debent, eumque semper venerari, tanquam Dei

Act. 17.

1. Reg. 24

Rom. 13 *Dei ministrum ad regendum constitutum. idcirco Apostolus ait: Itaque qui resistit potestati, Dei ordinationi resistit.*

*Qui ergo à Principis obedientia rebel-
lando abire præsumit, contra Deum pugnat,
qui Principem stabilivit: etenim subditis
aduersus Principem insurgere non licet, etsi
vexatione addita eos gubernet: quia per
eum Dominus peccata populi quandoque
punit, vel bonos in virtutibus exercet: qua-
mobrem Petrus Apostolorum princeps monet
etiam malis Principibus, in civilibus re-
bus esse parendum, dicens: Serui subditi
estote in omni timore dominis, non tan-
tùm bonis & modestis, sed etiam discolis.*

Epist. 1.
capit.

Rom. 13 *Et Paulus duplici via ad rebellionem dis-
suadendam pergit: ira & conscientia: Ideo
inquit, necessitate subditi estote, non so-
lùm propter iram, sed etiam propter con-
scientiam: Ira, quia non sine causa gla-
dium portat: Dei enim minister est, vin-
dex in iram ei qui malum agit. Rebellio
namque pena capitis, & bonorum ablatio-
ne soluitur, Conscientia, quia coram Deo
est*

est abominabile crimen Principi non obtemperare ; quia contra id quod ipse sancivit pugna committitur. quapropter Petrus Apostolus ait : Subiecti igitur estote omni Ep. 1. c. 2
humanæ creaturæ propter Deum , siue Regi quasi præcellenti, siue Ducibus tanquam ab eo commissis ad vindictam malefactorum ; laudem verò bonorum , quia sic est voluntas Dei.

Æstimant quandoque subditi , etsi inconsideratè, posse rebellionem fieri liberos à vexationibus malorum Principum : sed incidunt in Scillam cupientes euitare Carybdim : quia arduum est, & rarò accidit, ut rebellantes populi Principem destruant , & omnino dimittant. Si autem Princeps , ut sæpè contingit , rebellionem sedauerit , maxima eos pœna opportunè multabit , & duriori premet seruitute. Si verò nouum obtineant Principem ; hic memor exitus præcessoris sui, saltem potentiores in populo sic deprimet , ut rebellandi facultatem penitus auferat. Quamobrem subditi , si prudentes fuerint, etiam malos Principes æquo animo

M tole-

Tac. 1.4.
hist. tolerabunt, sicut sterilitatem agrorum, aut
nimios imbres, aut grandinem; quæ vineas
quandoque deuastât, & cætera natura ma-
la patienter sustinent. Ad Deum qui Prin-
cipem dedit confugiendum est, & bonis ope-
ribus apud eum causam agere decet, ut
Principem sua gratia bonum ac pium red-
dar: quia Cor regis in manu Domini, quo-
cunque voluerit vertet illud. Omnibus me-
liorem sortem desiderare permissum est: sed
debet etiam unusquisque quod cuique de-
dit sors, patienter sufferre. Qui verò rebel-
lione putat se ad meliora conscendere, caueat
ne ei dicatur quod Hierem legitur: Catenas
lignas contriuiisti, & facies pro eis cate-
nas ferreas. quia verum est quod libertatis
extrema licentia, extremæ seruitutis est prin-
cipium: quamobrem cum in rebellionē, sub-
diti libertatem anteponunt ac vociferantur,
hironicè pro libertate intelligunt duriorē
se expetere seruitutem.

Imperiorum mutationes sinè magnis ca-
lamitatibus publicis & priuatis fieri non
possunt, & principum commutatione, raro
mu-

mutantur calamitates; nec turbatis regnis facile pax restitui potest, sed atrociora bella potius gignuntur. Et novos Principes novis indigere diuitiis, unde onera grauiora procedunt, subditi animaduertere debent.

Solent enim in regnis seditiones fieri, cum populi praesides agere sustinent: vel spe maioris honoris & diuitiarum, vel cum rebus quae aguntur offenduntur; at his omnibus seditiosa plebs decipitur & frustratur: quia vitia huiusmodi circa luxum & auaritiam praesidium aderunt, donec homines erunt; etsi non continua, quia boni etiam saepe praesidebunt & regnabunt. Spes maioris honoris & diuitiarum fallit rebelles, quia etsi nouus Princeps succedat, seditionem peractam gratam habebit, quae causa extitit sui principatus, non tamen rebelles ac seditiones diligit, quia semper idem aggredi ab eo aestimantur parati. Nec fieri vel raro potest, ut nunquam Principis actibus ledantur: quia non assidue boni regnant, nec semper quae sunt omnibus accommodata ipsi praecipiunt: ideoque aliam à rebellionem viam

ad idem obtinendum, subditi tenere debent,
ut quæ grata sunt & utilia à Principe
fiant.

Num. 16 Perpendant populi, Core, Dathan, & A-
biron, qui à Moyse abierunt, quos Terra
deuorauit, esse rebellantium antesignanos:
1. Reg. 15 & Absalonem, qui post discessionem à David
Rege, suspensus in quercu, lanceis Ioab con-
fixus fuit; & inde contumaciam euitabunt
ac rebellionem.

1. Reg. 12 Nec seditiosi in sui patrocinium exem-
plum Ieroboam assumant, cum à Roboam
Iudeorum rege defecit, feliciterque cum po-
pulo regnauit: quia ut diuina scriptura
enarrat, à Deo factum est, ut populus Israel,
præter Tribum Iuda, abiret à Roboam
Cap. 11. ob Salomonis patris eius idololatriam: nam
cap. 11. sic legitur: Apprehendēsque Ahias
pallium suum nouum quo coopertus erat,
scidit in duodecim partes, & ait ad Iero-
boam: tolle tibi decem scissuras: hæc
enim dicit Dominus Deus Israel: Ecce
ego scindam regnum Salomonis, & dabo
tibi decem Tribus &c. eo quod derelin-
querit

querit me, & adorauerit Astarthen Deam
Sidomiorum, & Chamos Deum Moab, &
Moloch deum filiorum Ammon, & non
ambulauerit in viis meis vt faceret iusti-
tiam corā me, & praecepta mea & iudicia
sicut Dauid pater eius. *cap. seq. cum Ro-
boam ascenderet valido bellaturus exercitu
contra Israel, Semeias propheta Domini hac
Regi & populo dixit. Hæc dicit Dominus:*
non ascendetis neque bellabitis contra fra-
tres vestros filios Israel, reuertatur vir in
domum suam; à me enim factum est ver-
bum hoc. *Et quandocunque auersio populo-
rum à proprio Principe feliciter succedit, à
Domino ad peccata Principis vel subditorum
punienda procedit. cæterum cum à populi
imprudenti consilio prouenit, maximum
illi producit exitium. Euitanda igitur est
rebellio atque seditio.*

BONORVM OPERVM

rectitudo.

O Perum iustitia, non tantum pro æter-
na felicitate obtinenda, debet homi-

M 3 nibus

- nibus adesse; verum etiā ad rectum ac generosum Principem à Deo accipiendum, qui utiliter, pacifice & paterna dilectione subditos regat, ut naturali felicitate quisque potiri valeat. etiam à Deo dari populis malos Principes ad malitiam puniendam, frequenter diuinę scripture denuntiant. Da-
- bo pueros Principes eorum, ait Dominus scelerum populi sui puniturus, & effeminati dominabuntur eis. & Iob similiter inquit:
- Qui regnare facit hominem hypocritam propter peccata populi: quia cum impij sumptuerint principatum, gemit populus.
- nam Leo rugiens, & ursus esuriens, Princeps impius super populum pauperem.
- Enimvero terribilis est Deus noster in consiliis super filios hominum. sepe enim subditos punit ob peccata Principis: & quandoque propter populorum scelera hominem impium Principem instituit; sic 2. Reg. diuina scriptura enarrat. Facta est fames in diebus Dauid tribus annis iugiter, & consuluit Dauid oraculum Domini: dixitque Dominus: Propter Saul & domum eius

cuius sanguinem, quia occidit Gabaonitas.
 & cap. 12. ob Regis David peccatum ait :
 Non recedet gladius de domo tua vsque
 in sempiternum, eo quod despexeris me,
 & tuleris vxorem Vriæ Hethei, & tollam
 vxores tuas in oculis tuis, & dabo proximo
 tuo, & dormiet cum vxoribus tuis in oculis
 Solis huius. Et statuens peccata populi
 Israel punire, eundem commouit David, vt
 superbia motus, de numero militum suorum
 gloriaretur : quamobrem iratus Dominus
 pestilentiam misit in populum, & mortui
 sunt septuaginta millia virorum. Et post-
 quam Salomon idola coluit, Dominus re-
 gnum illius scidit, vnde super populum
 magna orta sunt mala. & similiter Ioram
 regi sceleribus pleno, ait Dominus per Eliã
 prophetam : Quoniam non ambulasti in
 viis Iosaphat patris tui &c. ecce Dominus
 percutiet te plaga magna cum populo tuo,
 & filiis & vxoribus tuis, vniuersaque su-
 bitantia tua. & propter Acaz Regem hu-
 miliauit pariter Dominus regnum Iuda :
 adduxitque contra eum Regem Assirio-

3. Reg. 12

2. Paral.
22.

Paral. 28

M + rum

rum, & afflixit eum, & nullo resistente
vastavit.

Sicut ergo subditorum rectitudo rectum
ac iustum Principem, sic eorundem malitia
impium meretur accipere. & licet, ut præ-
misimus, populos ob Principis errata quan-
doque castiget, tamen à culpis alterius ge-
neris non erunt immunes: quia non prius
Deus est ultor, quàm aliquis sit peccator.
Omnis ergo punitio & quodcunque dam-
num hominibus euenit, quia contra ratio-
nis dictamen, vel contra expressa Dei man-
data operantur. Iustum quippe est, ut nun-
quam careant supplicio, quorum mens nun-
quam vult carere vitio & pœna levis, in-
genij ferocitatem ac insaniam & rerum ho-
nestarum contemptores ad temperantiam non
reducit: idcirco grauem pœnam per malos
Principes Deus infert, ut populum emenda-
tum reddat. Propria enim pœna impietatis
infelicitas est: quæ non tantum ad delictum
pertinet, verum ad exemplum: ut fulmina,
quæ paucorum cadunt periculo, sed omnium
metu.

*Gens Iudeorum, etsi ante Saluatoris
aduentum, populus & hereditas Domini
fuerit, nihilominus cum aliquando esset ple-
na criminibus, à Nabuch. Babilonis rege
illius hoste puniri seuissimè meruit, sic Do-
mino mandante. Ego Dominus exercituum
Deus Israel feci terram & homines, & iu-
menta quæ sunt super faciem terræ, in-
fortitudine mea magna, & in brachio meo
extento, & dedi eam ei, qui placuit in ocu-
lis meis. & nunc itaque ego dedi omnes
terras istas in manu Nabuch. regis Babi-
lonis serui mei: insuper & bestias agri de-
di ei, vt seruiant illi. Hic autem omnem
populum duxit captiuum: Hierusalem &
templum Domini igne succendit. Quis ergo
negabit bonos & malos Principes à Deo esse
constitutos, & id fieri iuxta populorum me-
rita & opera? Populus ergo si rectum ex-
petat Principem, coram Deo dignis operi-
bus suam causam agat.*

Hierem.
27.

REVERENTIA sine DETRACTIONE

D*ifficultatem vrbes & Regna rectè ac
utiliter regendi, & summam pru-
dentiam*

l. 2. Etia.

dentiam Principi necessariam perpendens
 & animaduertens Philosophus, in hæc ver-
 ba prorupit. Ars gubernandi ciuitates,
 principatum tenet in omnibus artibus.
 Enimuerò inter varios mores seruare uni-
 tatem, diuersorum hominum connectere vo-
 luntatem, pacem serere, ubi assidue dissidia
 litesque oriuntur, solis nature viribus que
 Principi naturaliter conceduntur, perardua
 res est atque molesta. quamobrem summa ad
 hoc idem peragendum indiget industria ac
 artificio. idcirco idem Philosophus subdit,
 virtutem magis propriam Principis esse prou-
 dentiam: quæ forma est omnium moralium
 virtutum, sicut iuxta Theologorum sanam
 sententiam, charitas virtutum supernatu-
 ralium ac diuinarum forma existit. Quis
 ergo Principem mole regiminis grauatum
 pro naturali felicitate populis tribuenda,
 non honorabit ac reuerebitur? Qui oppositum
 delirare audebit, ab ipso nature lumine con-
 fundetur, quia illustri Viro utilitatem affe-
 renti, honor debetur ac veneratio.

Imò cum Principatus, ut principiò dixi-

mus

mus, summum subditis conferat beneficium: quia Vrbes tranquillas facit, seditiones tollit, unicuique quæ sua sunt, pacificè possidenda distribuit, iniquos homines aufert, malos punit qui ciuium quietem turbant, benemeritos honoribus cumulat: gratitudinis iure Princeps à populis erit reuerendus, & subditorum beneuolentia diligendus. Hæc enim gratitudinis virtus, omnium virtutum est laudatissima, Deo grata, & hominibus incunda: quæ hominem maioribus beneficiis digniorem, & ubique amabilem ac laudabilem reddit. Qui ergo æqua animi generositate vitium horret ingratitude, reuerentiam ac honorem suo Principi ex animo tribuat.

Verùm sic multorum hominum est peruersa voluntas, ut non tantùm Principi debitum honorem negare audeant: sed quod execrabile est, illi ita detrahunt, famam illius sic lacerant, gesta eiusdem sic peruersè excipiunt, ut non Principem ac patrem, sed hostem sibi esse opinentur: cum tamen illum ut patrem venerari obstringantur. æquè
enim

enim omnes sentiunt Doctores, *mandatum*
Exod. 10 *illud diuinum, Honora parentes, ad tria*
paternitatis genera extendi; genitorem sci-
licet, ecclesiasticum Pastorem, & civilem
Principem. cum igitur sit Domini præceptum,
Exod. 12 *alibi etiam expressum, quia dictum est: Diis*
non detrahes, & Principi populi tui non
Num. 12 *maledices. & ad Aaron ac Mariam, qui*
contra Moysen principem Israel locuti fue-
rant, Dominus ait: Quare non timuistis
detrahere seruo meo Moyfi? Iratusque
Dominus contra eos abiit: & ecce soror
Moyfis apparuit candens lepra quasi nix:
qua ergo fronte subditorum quidam corru-
pti mente, & bonorum morum expertes, in
Principem contumeliis ac detractioe in-
surgere præsumunt, dum illum ut Patrem
humiliter venerari, diuina ac humana sa-
natione debent?

Hæc enim detractio non solum diuinis
legibus opponitur, sed adhuc duplici causa
à subditis dignoscitur euitanda: & quia
honestis moribus aduersatur, & etiam quia
sibi ipsis damnum ac incommodum præpa-
rant.

rant. honestis opponitur moribus; quia denigratio est alienæ famæ per occulta verba, & disseminatio mali in proximi iniuriam.

Scriptum est autem, Abominatio hominū detractor. & susurro & bilinguis maledictus. si mordeat serpens in silentio, nihil minus habet qui occultè detrahit. & Bernardus inquit: Numquid non vipera est lingua detractoris ferocissima? Detrahēre igitur res est inhonesta & impia.

Prou. 24.
Eccl. 28
& c. 10
serm. 24
super
Cant.

Et exitium similiter sibi detractores præparant; quia legitur, Time Dominum fili mi & regem, & cum detractoribus non commiscearis: quoniam repente consurget perditio eorum: & ruinam, vtriusque quis nouit? & iterum: Custodite vos à murmuratione, quæ nihil prodest, & à detractatione parcite linguæ, quoniam sermo obscurus in vacuū non ibit. Et firmiter detractores teneant, se à Principe quandoq; esse puniendos, quia illi certissime delati erunt ac manifesti. idcirco Spiritus sanctus, ne Principi maledicant, his quæ sequuntur verbis, populos monet;

Prou. 34

Sap. 10

In

Ecc. 10. In cogitatione tua Regi ne detrahas, & in secreto cubiculi tui ne maledixeris diuiti, quia & aues cœli portabunt vocem tuam, & qui habet pennas, annuntiabit sententiam. *Ex omni ergo capite à subditis in Principem debet abesse detractio.*

Subditi itaque si obedientie iugum equo animo sumpserint, imprudẽtem euitauerint rebellionem, bonorum operum adhibeant reſtitutionem, & Principi non detrahant, sed illum reuereantur; Altissimus qui diues est in misericordia, iustum ac pium illis dabit vel perficiet Rectorem, qui terrenam felicitatem paterna dilectione ac diligentia eis cum iucunditate ministret; & gratiam insuper tanquam filiis obedientie distribuet, ut sic transeant per hæc bona temporalia, ut non amittant æterna.

Christo Iesu Domino nostro, qui Patri factus est obediens vsque ad mortem, honor & imperium per omnes generationes sæculorum. Amen.

L A V S D E O.

Errata sic corriges.

Pagina 43. veraque , vtraque . Achilles ,
Achilles . p. 57. dominatio , dominatio . p. 75.
& iam , etiam . p. 80. elegantiam , elegantiam .
pag. 100. Vtilitatis , Vtilitatem . quæcumque ,
quæcumque . p. 101. deprimit , depromit , pag.
104. naturam , fortunam , pag. 124. in iram ,
vindex in iram .

1845
July 1st

Received of Mr. J. H. Smith
the sum of \$100.00
for the purchase of land
situated in the town of
Hartford, Conn.

Witness my hand and seal
this 1st day of July 1845
at Hartford, Conn.

J. H. Smith
Notary Public

For the purpose of
the purchase of land
situated in the town of
Hartford, Conn.

Witness my hand and seal
this 1st day of July 1845
at Hartford, Conn.

LOGO NIA
R. SALVAREZZA
Via Val Sassina, 50-51
Tel. 890.223 - ROMA

